

አይኅ : ወይገኖሙ : ጽልመት : ለፀሩ ።  
(ይይ) : ቅድመ : ወንጌል : እጥኦል : ደቂቅ : ወሕፃንት : አስተዳሎክ : ስብሐተ : እግዚአ : እግዚእነ : ጥቀ : ተሰብሐ : ስምክ : በሆሉ : ምድር ።

ወንጌል : ዘማቴዎስ ።

ወእምዝ : መጽአት : ኅቤሁ : እሞሙ : ለደቂቀ : ዘብደዎስ : ምስለ : ደቂቃ ፤ ወሰገደት : ሎቱ : እንዘ : ትስእል : እምኅቤሁ ። ወይቤላ : ምንተ : ትፈቅዱ : ወትቤሎ : ረሲ : ሊተ : ከመ : ይንበሩ : እሉ : ደቂቅዩ : ክልኤሆሙ : አሐዱ : በየማንክ : ወአሐዱ : በፀጋምክ : በመንግሥትክ ። ወአውሥኦ : እግዚእ : ኢየሱስ : ወይቤሎሙ : ኢተአምሩ : ዘትስእሉ : ትክሉኑ : ሰትዩ : ጽዋዕ : ዘአነ : ሀሎኩ : እስተዩ : ወጥምቀተኒ : ዘአነ : እጠመቅ : ትጠመቁ : ወይቤልዎ : እወ : ንክል ። ወይቤሎሙ : ጽዋዕደሰ : ትሰትዩ ፤ ወጥምቀተኒ : ትጠመቁ : ወነቢረ : በየማንዩሰ : ወበፀጋምዩ : አከ : አነ : ዘእሁብ : ዘእንበለ : ለእለ : አስተዳለወ : ሎሙ : አቡዩ ። ወሰሚዎሙ : ዐሠርቱ : ሐዘኑ : በእንተ : ክልኤሆሙ : አኅወ ። ወጸወዎሙ : እግዚእ : ኢየሱስ : ወይቤሎሙ : ተአምሩኑ : ከመ : መኳንንቲሆሙ : ለእሕዛብ : ይኤዝዝዎሙ : ወዐበይቶሙ : ይሄለጡ : ላዕሌሆሙ ፤ አኮኪ : ከመ : ዝ : ዘይከውን : በኅቤክሙሰ ፤ በሕቱ : ዘይፈቅድ : እምውስቲትክሙ : ይኩን : ዐቢዩ : ይኩንክሙ : ላእከ ፤ ወዘሂ : ይፈቅድ : እምኔክሙ : ይኩን : ሊቀ : ይኩንክሙ : ገብረ ። በከመ : ኢመጽአ : ወልደ : ዕንለ : እመሕያው : ይትለአክዎ : ዘእንበለ : ይትለአክ : ወየሀብ : ነፍሶ : ቤዛ : ብዙኃን ።

ወበይእቲ : ሰዓት : እምአሐደ : ሆሳዕና : ስብሐተ : አዳም : ትሕዝብተ : ዘተሐዘቡ : ኪያሃ : አይሁድ : ሀላውያን : በእንተ : መድኅኒኒ : ወንጉሥነ : ክርስቶስ : ከመ : ውእቱ : አምሳለ : ነገሥተ : ምድር ፤ እስመ : ጉቡአን : ብዙኃን : ዘየዐውድዎሙ : ሐራ : ወተዓይን : ወዘደንው : በአምሳለ : ነገሥት ። ወከመ : ዝ : ትትሔዘብ : እሞሙ : ለዮሐንስ : ወለያዕቆብ : እኑሁ : ደቂቀ : ዘብደዎስ : ወተሐዘበት : ከመ : ዝ : ወመጽአት :

ኅበ : መድኅኒኒ : ቅድመ : ሕዝብ : ወአርዳኢሁ ። ወሰገደት : ሎቱ : ምስለ : ደቂቃ : ወሰከለት : እምኔሁ : እንዘ : ትብል : ከመ : ዝ : በል : ስማዕ : ቃለ : ስእለትዩ : ክልኤቱ : ደቂቅዩ : ከመ : ይንበሩ : ምስሌክ : በውስተ : መንግሥትክ : አሐዱ : በየማንክ : ወአሐዱ : በፀጋምክ : በውስተ : ጽንዐ : መንግሥትክ ። አጽምዑ : ኅበ : መስተሣህል : ዘምሕረቱ : ብዙኅ : ዘይፈቅድ : ሕይወተ : ኩሉ : ዓለም ። ይቤ : ትክሉሁ : ከመ : ትስተዩ : ጽዋዐ : ዘመጸእኩ : በእንቲአሁ : ከመ : እስተዩ ። ወለጥምቀትዩኒ : ካልእት : ዘእጠመቃ : ትጠመቅዩ ፤ ይቤልዎ : ንክል ። ወይቤሎሙ : ጽዋዕደሰ : ትሰትዩ : ወጥምቀትዩሰ : ትጠመቁ : ወነቢረትክሙሰ : በየማንዩ : ወበፀጋምዩ : አከ : ውእቱ : ሊተ ፤ አላ : ለእለ : አስተዳለወ : ሎሙ : አቡዩ : ሰማያዊ : ዘይመልእ : ኩሉ : መካነ ፤ ውእቱ : ይሁብሙ : ለኅሩያኒሁ : ገብርያነ : ፈቃዱ ። ወሶበ : ሰምዑ : ዘንተ : ክልኤቱ : አኅወ : አርመሙ ፤ ወሐሩ ። በእንተ : ብዝኅ : ምሕረቱ : ክርስቶስ : መድኅኒኒ : መጽአ : ወሐመ : ወበእንተ : ሕማማቲሁ : አድኅነነ ። ንሰብሐ : ወንወድሶ : ወናልዕል : ስሞ : እስመ : ውእቱ : ገብር : ለነ : ምሕረተ : በከመ : ዕቢዩ : ሣህሉ ።



በሰጉይ : በአሐዱ : ሰዓተ : ሌሊት ።  
ዘሶፎንያስ : ነቢይ ። በረከቱ : ትኩን : ምስሌነ : ለዓለመ : ዓለም ፤ አሜን ።

ቃለ : እግዚአብሔር : ዘኮነ : ኅበ : ሶፎንያስ : ወልደ : ኩስ : ወልደ : ንዮልያ : አሞራዊ : ዘሴዴቅያ : በመዋዕለ : ኢየሱስ : ወልደ : አሞጽ : ንጉሠ : ይሁዳ ። ኅሊቀ : ዮኅልቅ : እምገጸ : ምድር : ይቤ : እግዚአብሔር ። ዮኅልቅ : ሰብእ : ወእንስሳ : ወዮኅልቁ : አዕዋፈ : ሰማይ : ወዓሣተ : በሕር ፤ ወይደክሙ : ኃዋአን : ወአጠፍአሙ : ለዐማዕያን : እምገጸ : ምድር : ይቤ : እግዚአብሔር ። ወአነሥኦ : እደዩ : ላዕለ : ይሁዳ : ወላዕለ : ኩሉሙ : እለ : ይነበሩ : ኢየሩሳሌም ፤

ወእስዕርሙ፡ እምዝንቱ፡ ብሔር፡ አስማቲሆ  
 ሙ፡ ለበዓል፡ ወአስማተ፡ ማርያን፡ ወእለ፡ ይ  
 ሰግዱ፡ ለከዋክብተ፡ ሰግዶ፡ በእንሕስት፡ ወእ  
 ለ፡ ይምሕሉ፡ በስሙ፡ እግዚአብሔር፡ ንጉሥ  
 ሙ፡ ወእለ፡ ይትገሐሡ፡ እምእግዚአብሔር፡ ወ  
 እለ፡ ኢይትኤዘዙ፡ ለእግዚአብሔር፡ ፍርሀ፡  
 እምቅድመ፡ ገጹ፡ ለእግዚአብሔር፡ አምላክ፡  
 እስሙ፡ አልጸቀት፡ ዕለተ፡ እግዚአብሔር፡ እስ  
 ሙ፡ አስተዳለው፡ እግዚአብሔር፡ መሥዋዕቶ፡  
 ወቀደሰሙ፡ ለጎሩያሪሁ፡ ወይከውን፡ በዕለተ፡  
 መሥዋዕቱ፡ ለእግዚአብሔር፡ ወእትቤቀሎሙ፡  
 ለመላእክት፡ ወለቤተ፡ ንጉሥ፡ ወለኩሎሙ፡  
 እለ፡ ይለብሱ፡ አልባስ፡ ነኪር፡ ወእትቤቀሎ  
 ሙ፡ ለኩሎሙ፡ ገሃደ፡ በውስተ፡ አናቅጽ፡ ይ  
 ኢተ፡ አሚረ፡ እለ፡ ይመልኩ፡ ቤተ፡ እግዚአብ  
 ሔር፡ አምላከሙ፡ ዐመግ፡ ወጽልሑተ፡ ወይከው  
 ን፡ ይእተ፡ ዕለተ፡ ይቤ፡ እግዚአብሔር፡ ቃለ፡ ዐ  
 ውያት፡ እምአናቅጽ፡ እምእለ፡ ይወግኡ፡ ወው  
 ውዓ፡ እምውስጥ፡ ወቀትል፡ ዐቢይ፡ ውስተ፡  
 አውግር፡ ብክዩ፡ እለ፡ ትነብሩ፡ ውስተ፡ ቀት  
 ል፡ እስሙ፡ ይሚስሉ፡ ኩሉ፡ ሕዝበ፡ ከነዓን፡  
 ወተሠረዉ፡ ኩሎሙ፡ እለ፡ ይትዔበዩ፡ በወር  
 ቅ፡ ወይከውን፡ ይእተ፡ ዕለተ፡ ይቤ፡ እግዚአ  
 ብሔር፡ አፈትና፡ ለኢየሩሳሌም፡ በማጎቶት፡ ወ  
 እትቤቀሎሙ፡ ለዕደው፡ እለ፡ ያስተሐቅሩ፡ ሕ  
 ጎሙ፡ እንዘ፡ ይብሉ፡ ኢያሚኒ፡ ወኢያሐሥም፡  
 እግዚአብሔር፡ =

ሃይማኖተ፡ አበው፡ =

ይቤ፡ ሄሬኔዎስ፡ ኤጲስቆጶስ፡ ዘሀገረ፡ ኤዶም፡  
 ረድአሙ፡ ለሐዋርያት፡ ዝውእቱ፡ ኅሊናሁ፡  
 ለአብ፡ ፍጹም፡ ቃለ፡ እግዚአብሔር፡ ዘተወል  
 ደ፡ እምኔሁ፡ እምቅድመ፡ ዓለም፡ ወእምቅድ  
 ሙ፡ ከከበ፡ ጽባሕ፡ ገባሬ፡ ኩሉ፡ ምስለ፡ አ  
 ብ፡ ወምስለ፡ መንፈስ፡ ቅዱስ፡ ፈጣሪሁ፡ ለሰ  
 ብእ፡ ዘሀልው፡ በኩሉ፡ ግብር፡ ሊቀ፡ አበው፡  
 በውስተ፡ ሊቃን፡ አበው፡ ሕጋ፡ ሕግ፡ በው  
 ስተ፡ ሕግ፡ ሊቀ፡ ከሀናት፡ በውስተ፡ ከሀናት፡  
 ወእግዚእ፡ በነገሥት፡ ወነቢይ፡ በነቢያት፡ ወን  
 ጉሥ፡ በመላእክት፡ ወብእሲ፡ በውስተ፡ ሰብእ፡

ዘተወልደ፡ እምአብ፡ አምላክ፡ ዘእምአምላክ፡  
 ንጉሥ፡ ዘለዓለም፡ = ዝንቱ፡ ዘዐቀቦ፡ ለኖጎ፡  
 ወመርሐ፡ ለአብርሃም፡ ወተአስረ፡ ምስለ፡ ይ  
 ሥሐቅ፡ ወተአንገደ፡ ምስለ፡ ያዕቆብ፡ ወተሠ  
 ዶጠ፡ ምስለ፡ ዮሴፍ፡ ወመርሐሙ፡ ለሕዝ  
 ብ፡ ምስለ፡ ሙሴ፡ ወሐገገ፡ ሎሙ፡ ሕገ፡  
 ወወሀቦ፡ ርስተ፡ ለኢያሱ፡ ወምስሌሁ፡ አስተ  
 ዋረሶሙ፡ ለደቂቀ፡ እስራኤል፡ ሐለዩ፡ በዳዊ  
 ት፡ ወሰበክ፡ ለሕዝብ፡ ባሕቲቱ፡ በነቢያት፡ ወ  
 ተሠገወ፡ እምቅድስት፡ ድንግል፡ ማርያም፡ ወ  
 ተወልደ፡ በቤተ፡ ልሔም፡ ወተጠብለለ፡ በእ  
 ዕርቅት፡ ወተወድዩ፡ ውስተ፡ ጎል፡ ነጻርዎ፡ ኖ  
 ሎት፡ ወአክሎትዎ፡ መላእክት፡ ሰገዱ፡ ሎቱ፡  
 ሰብእ፡ ሰገል፡ ወአግሀዶ፡ ዮሐንስ፡ ወአጥመቆ፡  
 በውስተ፡ ዮርዳኖስ፡ ተመክረ፡ በገዳም፡ ወተ  
 ዐውቀ፡ ከመ፡ ውእቱ፡ እግዚአብሔር፡ አስተ  
 ጋብእ፡ ኅቤሁ፡ ሐዋርያተ፡ ወሰበክ፡ መንግሥ  
 ተ፡ ሰማያት፡ ፈወሰ፡ ዱያን፡ ወሐንካሳን፡ አዩ  
 ጸ፡ እለ፡ ለምጽ፡ አንጽሐ፡ ወአብርሀ፡ አዕይ  
 ንተ፡ ዕዉራን፡ አንሥአ፡ ሙታን፡ ወአስተርአ  
 ዩ፡ በውስተ፡ ምኩራብ፡ ወኢአምነ፡ ቦቱ፡ አ  
 ይሁድ፡ ወካዕበ፡ ይቤ፡ ዲዮናስዮስ፡ አርዮስፋ  
 ጎስ፡ ኤጲስቆጶስ፡ ዘሀገረ፡ አትናስ፡ ወእንዘ፡  
 ይትሌለዩ፡ ገጸተ፡ ሥላሴ፡ በበ፡ መልክኩ፡ ፍጹ  
 ሙ፡ ዮትብሩ፡ በተዋሕዶተ፡ መለኮት፡ ሰብሕ  
 ዎሙ፡ እስሙ፡ ሠለስቱ፡ እሙንቱ፡ በእንተ፡  
 ግሀደተ፡ ሠለስቱ፡ አካላት፡ ዘውእቶሙ፡ አብ፡  
 ወወልድ፡ ወመንፈስ፡ ቅዱስ፡ እንዘ፡ አሐዱ፡  
 ብርሃን፡ አብ፡ ወቃሉ፡ ወልድ፡ ዘተወልደ፡ እ  
 ምአብ፡ ብርሃን፡ ዘእምብርሃን፡ ወከማሁ፡ መን  
 ፈስ፡ ቅዱስ፡ ዘወዕኦ፡ እምአብ፡ ብርሃን፡ ዘእ  
 ምብርሃን፡ ልደተ፡ ወልድ፡ ወፀሐተ፡ መንፈ  
 ስ፡ ቅዱስ፡ እምአብ፡ ይትነከር፡ ወኢይትነገር፡  
 ወይትሌዐል፡ ላዕለ፡ ኩሉ፡ ኅሊና፡ ወኢይትረ  
 ከብ፡ ወኩሉ፡ ዘይሰመዶ፡ ሊቀ፡ በዳበ፡ ም  
 ድር፡ እምኔሆሙ፡ ውእቱ፡ እስሙ፡ ጥንተ፡ ኩ  
 ሉ፡ ወገባርያን፡ ኩሉ፡ እሙንቱ፡ እስሙ፡ ኩ  
 ሉ፡ በጽሐ፡ ለክዋኔ፡ በኒሩቶሙ፡ ሰብሕዎሙ፡  
 እስሙ፡ ጠቢባን፡ ወሠሩያን፡ እሙንቱ፡ ወኩ

ሎሙ ፡ ሰብእ ፡ ሶበ ፡ ይድግኑ ፡ ወይከውኑ ፡ ፍ  
 ዱማነ ፡ እንበለ ፡ ሙስና ፡ በሀላዌሆሙ ፡ ይኔጽር  
 ዎሙ ፡ በአርአያ ፡ ከሀናት ፡ ሠናያን ። ዘከመ ፡  
 አፍቅሮቶሙ ፡ ሰብአ ፡ እስመ ፡ በጽድቅ ፡ ተሳተ  
 ቶነ ፡ በአሐዱ ፡ አካል ፡ እምአካላቲሆሙ ፡ ወኅ  
 ረዩ ፡ ሎሙ ፡ ለባሕቲቶሙ ፡ ማኅደረ ፡ በዕንላ ፡  
 እመሕያው ። በሥምረተ ፡ አቡሁ ፡ ወመንፈሱ ፡  
 ቅዱስ ፡ በጽሐ ፡ ወልድ ፡ ዋሕድ ፡ ኢየሱስ ፡ ክር  
 ስቶስ ፡ ይኩን ፡ ሰብአ ፡ ወኅደረ ፡ ውስተ ፡ ከር  
 ሣ ፡ ለቀድስት ፡ ድንግል ፡ ማርያም ፡ ወተወልደ ፡  
 እምኔሃ ፡ በመንክር ፡ ምስጢር ፡ ዘለዓለም ። ዘ  
 አልቦ ፡ ጥንት ፡ ኮነ ፡ መትሕተ ፡ ዘመን ፡ ለቢሶ ፡  
 ሀላዌ ፡ ዘኣነ ። በረከቶሙ ፡ ለእሉ ፡ መምህራን ፡  
 የሀሉ ፡ ምስሌነ ፡ ለዓለመ ፡ ዓለም ፡ አሜን ።

ምንተነ ፡ በል ። ወኸሉ ፡ መቅደሙ ፡ ተኣምሪሃ ፡ ለድንግል ፡  
 በከመ ፡ ተጽሕፈ ፡ ቀዳሚ ፡ በማኅትወ ፡ ሆግዕና ።

ተኣምሪሃ ፡ ለእግዝእትን ፡ ቅድስት ፡ ድንግል ፡ በክ  
 ልኤ ፡ ማርያም ፡ ወላዲተ ፡ አምላክ ፡ ጸሎታ ፡ ወበ  
 ረከታ ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።

ወከነ ፡ ሎቱ ፡ ለአባ ፡ አሞኒ ፡ ረድእ ፡ ዘከመ ፡  
 ብሔር ፡ ዝንቱ ፡ ኮነ ፡ መነኮሰ ፡ ፍጹመ ፡ ወተሐ  
 ራሜ ፡ ወውኦቱ ፡ ለባሌ ፡ መንፈስ ። ወብዙኅ ፡  
 ጊዜ ፡ ኮነ ፡ ይሬኢ ፡ ልዑላተ ። ወእምዝ ፡ ወዕኦ ፡  
 አባ ፡ ብሔር ፡ እምኅበ ፡ ቅዱስ ፡ አሞኒ ፡ ወምዕ  
 ረ ፡ ሐረ ፡ ኅበ ፡ ገዳም ፡ ወሰገደ ፡ በገጹ ፡ ወነበ  
 ረ ፡ አርብዓ ፡ ዕለተ ፡ ወአርብዓ ፡ ሌሊተ ፡ እንዘ ፡  
 ውኦቱ ፡ ስጉድ ፡ ቅድመ ፡ እግዚአብሔር ፡ በገዳ  
 ም ፡ እንዘ ፡ ኢይበልዕ ፡ ወኢይሰተ ፡ ወኢያነሥ  
 እ ፡ ገጸ ፡ ላዕለ ፡ ከመ ፡ ኢይርአይ ፡ ፀሐየ ፡ ጊ  
 ዜ ፡ ሥርቀታ ፡ ወጊዜ ፡ ዕርብታ ። ወበተፍጻሜ  
 ተ ፡ አርብዓ ፡ ዕለት ፡ አስተርአየት ፡ ሎቱ ፡ እ  
 መ ፡ እግዚአብሔር ፡ ቅድስት ፡ ድንግል ፡ በክል  
 ኤ ፡ ማርያም ፡ ወላዲተ ፡ አምላክ ፡ እመ ፡ ሕይ  
 ወት ፡ ወብርሀት ፡ ይእቲ ፡ ፊድፋደ ፡ በስብሐት ፡  
 ዘኢይትነገር ። ይዬ ፡ አንሰ ፡ ሶበ ፡ ርኢክዋ ፡ በ  
 ዝንቱ ፡ ስብሐት ፡ ፈራህኩ ፡ ወወደቁ ፡ ዲበ ፡ ም  
 ድር ፡ ቅድሜሃ ። ወይእቲ ፡ አንሥአተኒ ፡ ወት  
 ቤለኒ ፡ አ ፡ ብሔር ፡ ገብረ ፡ እግዚአብሔር ፡ ማእ  
 ምን ፡ አንተ ፡ ጽናዕ ፡ ወኅይል ፡ በኅይል ፡ እግ

ዘእየ ፡ ወአንሰ ፡ እቤላ ፡ መኑ ፡ አንቲ ፡ ዘሀሎ  
 ኪ ፡ በዝንቱ ፡ ስብሐት ፡ ዐቢይ ። ወይእቲኒ ፡ ት  
 ቤለኒ ፡ አነ ፡ ማርያም ፡ ድንግል ፡ እመ ፡ ሕይወ  
 ት ፡ እግዚአ ፡ ሰማያት ፡ ወምድር ፡ ዘተሰብአ ፡ እ  
 ምኔየ ፡ እስከ ፡ አድኅነ ፡ ኹሎ ፡ ዓለመ ፡ ተንሥ  
 እ ፡ አ ፡ ብሔር ፡ ፍቁረ ፡ ኢየሱስ ፡ ወልድየ ፡ ከ  
 መ ፡ ትርአይ ፡ ክርስቶስሀ ፡ ዘአንተ ፡ ታመልኮ ።  
 ወአንሰ ፡ ነጸርኩ ፡ መንገለ ፡ ምሥራቅ ፡ ሠረገላ ፡  
 ብርሃን ፡ መልዕልተ ፡ ሰማይ ፡ ወይጸውርዎ ፡ አ  
 ርባዕቱ ፡ እንስሳ ፡ ወይነብር ፡ ዲቤሀ ፡ መድኅን ፡  
 ኄር ። እልፍ ፡ ወአእላፍ ፡ ወትእልፊተ ፡ አእላ  
 ፍ ፡ ይሴብሕዎ ። ወአንሰ ፡ ሶበ ፡ ሰማዕክዎ ፡ እን  
 ዘ ፡ ይትናገረኒ ፡ እንዘ ፡ ይብል ፡ ከመ ፡ ዝ ፡ አባ ፡  
 ብሔር ፡ ወአሞኒ ፡ አዛላን ፡ ጸባእያነ ፡ እከይ ፡ ዘ  
 ውስተ ፡ ዓለም ፡ ማኡ ፡ ወአጽንዑ ፡ ልበክሙ ፡  
 ወንበሩ ፡ እስከ ፡ ማኅለቅተ ፡ ዓለም ። ወእምድኅ  
 ረ ፡ ዝ ፡ ዐርገ ፡ ውስተ ፡ ሰማያት ፡ እምኔየ ። ርእዩ  
 ኬ ፡ ፍቁራንዩ ፡ ዘከመ ፡ ትሔውጸሙ ፡ ወታስተ  
 ርእዩሙ ፡ ለጸድቃን ፡ እለ ፡ ይጸምዉ ፡ በእንተ ፡  
 ጽድቅ ፡ ወታርእዮሙ ፡ ኢየሱስሀ ፡ ወልዳ ። ወለ  
 ነኒ ፡ ታስተርእዩነ ፡ እግዝእትን ፡ ቅድስት ፡ ድንግ  
 ል ፡ በክልኤ ፡ ማርያም ፡ ወላዲተ ፡ አምላክ ፡ በ  
 ከመ ፡ አስተርአየቶ ፡ ለአባ ፡ ብሔር ፡ ወታርእየ  
 ነ ፡ ኢየሱስሀ ፡ ወልዳ ፡ በከመ ፡ ተርእዮ ፡ ሎቱ ።  
 ጸሎታ ፡ ወበረከታ ፡ የሀሉ ፡ ምስሌነ ፡ ለዓለመ ፡  
 ዓለም ፤ አሜን ።

ለተኣምርኪ ፡ ናኩብር ፡ ማርያም ፡ ድንግል ። ወኢፍሐጽጸ ፡ እ  
 ምወንጌል ። እስመ ፡ ምክሕን ፡ ውኦቱ ፡ ወቤዛዊን ፡ እምሀጉ  
 ል ። እምይደቅ ፡ እምኔሁ ፡ ወይትገደፍ ፡ ቃል ፡ ኅልፈተ ፡ ም  
 ድር ፡ ወሰማይ ፡ ቀለል ።

ሃሌ ፡ ሱዮ ፡ በብዝነ ፡ ኒሩትኪ ፡ በል ። ወላዲተ ፡ አምላክ ፡ በ  
 ል ። ስብሐት ፡ ለኪ ፡ በል ። ኢየሱስ ፡ ክርስቶስ ፡ በል ። ወኸ  
 ሎ ፡ መቅደሙ ፡ ተኣምሪሁ ፡ ሰመድኅን ፡ በከመ ፡ ተጽሕፈ ፡ ቀ  
 ዳሚ ፡ በማኅትወ ፡ ሆግዕና ፡ በል ።

ተኣምሪሁ ፡ ለእግዚእነ ፡ ወአምላክነ ፡ ወመድኅ  
 ኒነ ፡ ኢየሱስ ፡ ክርስቶስ ፡ ዘከመ ፡ አለበዎሙ ፡  
 ለአርዳኢሁ ፡ ተግሣጸ ፡ መከራ ፡ እንተ ፡ ሀለወ  
 ት ፡ ውስተ ፡ ሐዲስ ፡ ሕግ ። ሣህሉ ፡ ወምሕረ  
 ቱ ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።

ወለለ፣ አሐዱ፣ እምኔክሙ፣ ሀለዎ፣ በዘይትወ  
 ሀብ፣ ለአናብስት፣ ወቦ፣ ዘይትቀተል፣ በመጥ  
 ባሕት፣ ወቦ፣ እምኔክሙ፣ ዘይትዌሠር፣ በሞሠ  
 ርት፣ ወቦ፣ እምኔክሙ፣ ዘይትወደይ፣ ውስተ፣  
 ቀላይ፣ ወቦ፣ እምኔክሙ፣ ዘይትቀል፣ ወቦ፣ እ  
 ምኔክሙ፣ ዘይትዌግርዎ፣ በአእባን፣ ወበውእቱ፣  
 መዋዕል፣ ይሄሉ፣ መንፈስየ፣ ላዕለ፣ እለ፣ ይ  
 ጸንዑ፣ በሃይማኖትየ፣ እስከ፣ ይትኔበየ፣ ደቂቆ  
 ሙ፣ ትንቢተ፣ በስሞሙ፣ ወአርአ፣ እምሥጋ  
 ሆሙ፣ ተአምራተ፣ ወመንክራተ፣ ዘይፈደፍድ፣  
 አምተአምራት፣ ዘገበርኩ፣ አነ፣ ተፈሥሐ፣  
 አ፣ አጎውየ፣ በዘመነ፣ ምንዳቤ፣ እስመ፣ ቦቱ፣ ት  
 ወርሱ፣ መንግሥትየ፣ እስመ፣ ለእመ፣ ተከዘ፣  
 ዘየአምን፣ ብየ፣ እሄሉ፣ አነ፣ ምስሌሁ፣ ወእና  
 ዝዘ፣ ጎዳጠ፣ እሄሉ፣ ምስሌክሙ፣ ወኢትሬኦ  
 ዩኒ፣ ጎዳጠ፣ አሐውር፣ እምጎቤክሙ፣ ወከዕ  
 በ፣ እትመየጥ፣ ጎቤክሙ፣ አእምሩ፣ ከሎ፣ ዘ  
 ሰአልክሙ፣ በስምየ፣ ይሁበክሙ፣ አቡየ፣ ወ  
 ጎበ፣ ተጋብኡ፣ ክልኤቱ፣ እምኔክሙ፣ አነ፣ እከ  
 ውን፣ ሣልሰሙ፣ ሰበሰ፣ ኢተዐቀፍክሙ፣ ብ  
 የ፣ ቅድመ፣ እምኢፈለሰ፣ እምውስተ፣ ዝንቱ፣  
 ዓለም፣ መነሂ፣ እምኔክሙ፣ እስከ፣ ዳግም፣ ም  
 ጽአትየ፣ አእምሩ፣ ከመ፣ ጎላቋክሙ፣ ዕቀብ፣  
 ጎበ፣ አቡየ፣ ወጽሐፋን፣ አስማቲክሙ፣ ውስ  
 ተ፣ መጽሐፈ፣ ሕይወት፣ ወኢትወድቅ፣ ሥዕ  
 ርተ፣ ርእስክሙ፣ እስመ፣ አነ፣ አዐቅባ፣ እስ  
 ከ፣ ጊዜ፣ ምጽአትየ፣ ጎቤክሙ፣ አእምሩ፣ እ  
 ስመ፣ አሕዛብ፣ ይትፈሥሐ፣ ወአንትሙስ፣ ት  
 ቱክዙ፣ እስመ፣ ኢኮንክሙ፣ እምአሕዛብ፣ እ  
 ለ፣ ሀለዉ፣ ውስተ፣ ዛቲ፣ ዓለም፣ ሰበሰ፣ ኮን  
 ክሙ፣ ከግሆሙ፣ እምተፈሣሕክሙ፣ በፍሥ  
 ሐሆሙ፣ ወባሕቱ፣ እምሰብእ፣ ዓለም፣ ዘይመ  
 ጽእ፣ አንትሙ፣ ዘድልው፣ ለክሙ፣ ርህ፣ አ  
 ዘዝኩክሙ፣ ወከዕበ፣ እኤዝዘክሙ፣ ንቅሁ፣  
 እምቅድመ፣ ይብጻሕ፣ ጊዜሁ፣ ለጸብእ፣ ማእከ  
 ለ፣ ሰብአ፣ ምሥራቅ፣ ወምዕራብ፣ በከመ፣ ይ  
 ቤ፣ ዳንኤል፣ ነቢይ፣ እስመ፣ ከሎሙ፣ አራ  
 ዊት፣ ይፈርህም፣ ለዕንላ፣ አንበሳ፣ ወይደነግ፡፡  
 እምኔሁ፣ ወይከውን፣ ንጉሠ፣ ላዕሌሆሙ፣ አእ

ምሩ፣ እስመ፣ ከሎሙ፣ መንግሥታት፣ ይጠ  
 ፍኡ፣ ወየጎልፉ፣ ወእለሰ፣ የአምኑ፣ በስምየ፣  
 ኢየጎልፍ፣ መንግሥቶሙ፣ ለዝሎፉ፣ ወአን  
 ትሙስ፣ አጥምቅዎሙ፣ ለሰብእ፣ ውስተ፣ ከ  
 ሉ፣ አጽናፈ፣ ዓለም፣ በስመ፣ አብ፣ ወወልድ፣  
 ወመንፈስ፣ ቅዱስ፣ ዘአምነ፣ ወዘተጠምቀ፣ የ  
 ሐዩ፣ ለዓለም፣ ወዘሰ፣ ኢአምነ፣ ወኢተጠም  
 ቀ፣ ይመውት፣ በዳግም፣ ሞት፣ አመ፣ ይሰዐ  
 ር፣ መንግሥቶሙ፣ ለሊቃናት፣ ወሥልጣናት፣  
 ተዓቀብም፣ ለጸላኢ፣ እስመ፣ ይመጽእ፣ ከመ፣  
 ሰራቂ፣ በዕለተ፣ ኢተሐዘብክሙ፣ አሌ፣ ላ፣ ለ  
 ከራዘ፣ አሌ፣ ላ፣ ለቤተ፣ ሳይዳ፣ አሌ፣ ላ፣ ለምክ  
 ዕቢት፣ ቅፍርናሐም፣ ለእመ፣ ዐርገት፣ እስከ፣  
 ሰማይ፣ ሀለዎ፣ ትረድ፣ ውስተ፣ ሲኦል፣ ታሕ  
 ተ፣ አእምሩ፣ ከመ፣ በቢሎን፣ ወፋርስ፣ ይት  
 መዘበራ፣ ወይመጽእ፣ ጽልመት፣ እመንገለ፣ ሀ  
 ገረ፣ የማን፣ ወትጸልም፣ ገጸ፣ ለምድር፣ ወአ  
 ሚሃ፣ ይመጽእ፣ በትረ፣ መዓትየ፣ ላዕለ፣ ከ  
 ሎሙ፣ እለ፣ ኢየአምኑ፣ ብየ፣ ወየጎልፍ፣ መ  
 ንግሥተ፣ ፋርስ፣ ወመንግሥታት፣ እለ፣ ዐውዳ፣  
 አመ፣ ትመጽእ፣ ሃሌ፣ ሱየ፣ በብዝሃ፣ ጊሩትከ፣ እምከሉ፣  
 ይኔይስ፣ ሰብሐት፣ ለከ፣ ከርስቶስ፣ በል፣ (ይዲ)፣ ቅድመ፣ ወ  
 ንጌል፣ ለሌብሕ፣ ወእዜምር፣ ለእግዚአብሔር፣ ስምዐኒ፣ እግ  
 ዜኦ፣ ቃልየ፣ ዘሰአኩ፣ ገቤከ፣ ተግሀሲ፣ ወስምዐኒ፣ ለከ፣  
 ይብላከ፣ ልብየ፣ ሕዝብኒ፣ ይሰጠዉ፣ ዘንተ፣ (ይዲ)፣ ቁሙ፣  
 ወእጽምዑ፣ (ይከ)፣ ወንጌል፣ ቅዱስ፣ ዘሰበከ፣ የሐንበ፣ ዝ፣ ቃ  
 ል፣ በል፣

ወንጌል፣ ዘየሐንስ፣

ወቦ፣ እምውስተ፣ አረሚኒ፣ እለ፣ ዐርጉ፣ ይስ  
 ግዳ፣ ለበዓል፣ ወሐሩ፣ እሙንቱ፣ ጎበ፣ ፊልጶ  
 ስ፣ ዘቤተ፣ ሳይዳ፣ ዘገሊላ፣ ወሰአልዎ፣ ወይቤ  
 ልዎ፣ እግዚአ፣ ንፈቅድ፣ ንርአዮ፣ ለእግዚእ፣  
 ኢየሱስ፣ ወሐረ፣ ፊልጶስ፣ ወነገር፣ ለእንድር  
 ያስ፣ ወሐሩ፣ እንድርያስ፣ ወፊልጶስ፣ ወነገርዎ፣  
 ለእግዚእ፣ ኢየሱስ፣ ወአውሥአ፣ እግዚእ፣ ኢ  
 የሱስ፣ ወይቤሎሙ፣ በጽሐ፣ ጊዜሁ፣ ከመ፣ ይ  
 ሰባሕ፣ ወልደ፣ ዕንላ፣ እመሕያው፣ አማን፣ አ  
 ማን፣ እብላክሙ፣ እመ፣ ኢወድቅት፣ ጎጠተ፣  
 ሥርናይ፣ ውስተ፣ ምድር፣ ወኢሞተት፣ ባሕ



በሠለብት ፡ ሰዓት ፡ ሌሊት ፡ ዘሰንይ ። ወይትጋብኤ ፡ ካህናት ፡  
 ውስተ ፡ ቤተ ፡ ክርስቲያን ፡ ወያንብቡ ፡ ፀሐርተ ፡ ወጎምስተ ፡  
 መሐልፍ ፡ ነቢያት ፡ ወጎምስተ ፡ መሐልፍ ፡ ሰሎሞን ፡ ወይበሉ ፡  
 ክሎሙ ፡ ጎቡረ ፡ በአሐዱ ፡ ዜማ ፡ ፀሐርተ ፡ ወክልኤተ ፡ ጊዜ ፡  
 ለክ ፡ ጎይል ፡ ክብር ፡ ወሰብሐት ፡ ወዕዘዝ ፡ እስክ ፡ ለዓለም ።  
 ፀማንኤል ፡ አምላኪያ ፤ ለክ ፡ ጎይል ፡ ክብር ፡ ወሰብሐት ፡ ወ  
 ዕዘዝ ፡ እስክ ፡ ለዓለም ። ኦ ፡ እግዚአብሔር ፡ ኢየሱስ ፡ ክርስቶስ ፡ ለ  
 ክ ፡ ጎይል ፡ ክብር ፡ ወሰብሐት ፡ ወዕዘዝ ፡ እስክ ፡ ለዓለም ።  
 ጎይል፣ ወጸወንዮ ፡ ውላቱ ፡ እግዚአብሔር ፡ እስመ ፡ ኮንከኒ ፡ ረዳ  
 ኢያ ፡ አባል ፡ በኢቡቱት ፡ አቡን ፡ ዘበሰማያት ፡ ይትቀደስ ፡ ስም  
 ክ ፡ እስክ ፡ ተፍጻሚቱ ። (በጸ) ፡ ይቤ ፡ እግዚአብሔር ፡ ኢየሱስ ፡ ክ  
 ርስቶስ ፡ እንዝ ፡ ይሚህረን ፡ በወንጌሉ ፡ ሉቃስ ፡ ወባሕቱ ፡ ይ  
 ቀልል ፡ ሰማይ ፡ ወምድር ፡ ይጎልፍ ፡ እምትደቅ ፡ አሐቲ ፡ ቃ  
 ል ፡ እምኦሪት ።

ዘሰንይንያስ ፡ ነቢይ ። በረከቱ ፡ ትኩን ፡ ምስሌን ፡  
 ለዓለመ ፡ ዓለም ፡ አሚን ።

እስመ ፡ አልጸቀት ፡ ዕለተ ፡ እግዚአብሔር ፡ ፀ  
 ባይ ፤ ቀርበት ፡ ወአፍጠነት ፡ ጥቀ ። ድምፃ ፡ ለዕ  
 ለተ ፡ እግዚአብሔር ፡ መራር ፡ ወእከት ፤ ጽን  
 ዕት ፡ ይእቲ ፡ ዕለተ ፡ መንሱት ፡ ዕለተ ፡ ሕማም ፡  
 ወምንዳቤ ፡ ዕለተ ፡ ምምፃ ፡ ወሙስና ፡ ዕለተ ፡  
 ጽልመት ፡ ወቀባር ፤ ዕለተ ፡ ደመና ፡ ወጊሜ ፤  
 ዕለተ ፡ ቀርን ፡ ወውውዳ ፡ ላዕለ ፡ አህጉር ፡ ጽ  
 ኑዳት ፡ ወላዕለ ፡ በሐውርት ፡ ልዑላት ። ወአሙ  
 ነድበሙ ፡ ለሰብእ ፤ ወየሐውሩ ፡ ከመ ፡ ዕውራን ፤  
 እስመ ፡ አበሱ ፡ ለእግዚአብሔር ። ወይክዕወ ፡  
 ደሞሙ ፡ ከመ ፡ ጸበል ፡ ወሥጋሆሙ ፡ ከመ ፡ ዕ  
 ፍዕ ። ወኢያድጎሞሙ ፡ ወርቆሙ ፡ ወብሩርሙ ፡  
 እምዕለተ ፡ መዓቱ ፡ ለእግዚአብሔር ፤ ወእምእ  
 ሳተ ፡ ቀንአቱ ፡ ትጠፍእ ፡ ኩላ ፡ ምድር ፡ እስመ ፡  
 ፍጡን ፡ ያጎልቆሙ ፡ ለእለ ፡ ይነብሩ ፡ ውስተ ፡  
 ምድር ። ተጋብኡ ፡ ወተጋነዩ ፡ ሕዝብ ፡ አብዳን ፡  
 ዘእንበለ ፡ ትኩኑ ፡ ከመ ፡ ጽጌ ፡ ይቡስ ፡ ዘወድ  
 ቀ ፡ ዘእንበለ ፡ ትብዳሕክሙ ፡ ዕለተ ፡ መዓቱ ፡  
 ለእግዚአብሔር ። ጎሥዎ ፡ ለእግዚአብሔር ፡ ኩ  
 ልክሙ ፡ ትሑታን ፡ ምድር ፡ ተገበሩ ፡ ጽድቀ ፡  
 ወጎሥዎ ፡ ለርትዕ ፡ ወአውሥአዎ ፡ ከመ ፡ ትትከ  
 ደኑ ፡ እምዕለተ ፡ መዓቱ ፡ ለእግዚአብሔር ።

ሃይማኖተ ፡ አበው ።

ይቤ ፡ ቅዱስ ፡ አግኖጥዮስ ፡ ሰማዕት ፡ ሊቀ ፡ ጳጳ  
 ሳት ፡ ዘአንጸኪያ ፡ ተጎራር ፡ አንተሂ ፡ ዘትቤ ፡  
 ከመ ፡ መለኮት ፡ ሐመ ፡ ወሞተ ፡ ሰሚዐክ ፡ ቃ  
 ለነ ። ንሕነሰ ፡ ነአምን ፡ ከመ ፡ ክርስቶስ ፡ እግዚ  
 አብሔር ፡ ሐመ ፡ በሥጋ ፡ ወኢሐመ ፡ በመለኮ  
 ቱ ፤ ጥዕመ ፡ ሞተ ፡ በሥጋ ፡ ወኢሞተ ፡ በመለ  
 ኮቱ ። ወለእመ ፡ ሰማዕክ ፡ እግዚአብሔር ፡ ቃል ፡  
 ከመ ፡ ሐመ ፡ በእንተአነ ፡ ወሞተ ፡ እግዚአብሔ  
 ር ፡ ቃል ፡ በእንተ ፡ ቤዛነ ፡ ለቡ ፡ ከመ ፡ ንሕነ ፡  
 ንሬስዮ ፡ አሐደ ፡ ህላዌ ፡ ለመለኮት ፡ ምስለ ፡ ት  
 ስብእት ፡ ወንሰምዮ ፡ በዝንቱ ፡ ስም ፡ አሐዱ ፡  
 ዘይደሉ ፡ ለእግዚአብሔር ። በከመ ፡ አንተሂ ፡  
 ከዕበ ፡ እምክልኤቱ ፡ ህላውያት ፡ ዘውኢቶሙ ፡  
 ነፍስ ፡ ወሥጋ ፡ ወትሰመይ ፡ በዝንቱ ፡ ስም ፡ አ  
 ሐዱ ፡ ዘይደሉ ፡ ለሰብእ ፤ ወነፍስከሰ ፡ ኢትመ  
 ውት ፡ በህላዌሃ ፡ እንዝ ፡ ኢኮነት ፡ ነፍስከ ፡ መለኮ  
 ቱ ፤ አላ ፡ ይእቲ ፡ ካልእት ፡ እምሥጋ ፡ ወክብረሂ ፡  
 ዘንፈቱ ፡ ነሀብ ፡ ለነፍሳቱን ፡ በእንተ ፡ ዘኢይመው  
 ታ ፤ ወእፎኑ ፡ አንተ ፡ ዘኢትፈቅድ ፡ ተሀቦ ፡ ለ  
 መለኮተ ፡ ሥላሴ ፡ አሐዱ ፡ ዘውኢቱ ፡ ህልው ፡  
 በወልድ ፡ ዋሕድ ፡ እግዚአብሔር ፡ ኢየሱስ ፡ ክርስቶ  
 ስ ። ኢተአምርኑ ፡ ለእመ ፡ ትቤ ፡ ከመ ፡ መለኮ  
 ት ፡ ሞተ ፡ አንተ ፡ ትከውን ፡ ቀታሊሆሙ ፡ ለሥ  
 ሉስ ፡ ቅዱስ ። ወለሥጋ ፡ እግዚአብሔር ፡ ረሰይክ ፡  
 ውስተ ፡ መቃብር ፡ ከመ ፡ አብድንተ ፡ ሙታን ፡  
 ፍጹመ ፡ ወፈለጥክ ፡ እመለኮቱ ። እስመ ፡ ባሕር  
 ዮ ፡ ሥላሴ ፡ አሐዱ ፡ ውኢቱ ፡ ዘውኢቱ ፡ አሐዱ ፡  
 መለኮት ። አይቱን ፡ ይእዜ ፡ ዘሞኦ ፡ ለሞት ፡ ወ  
 ዪወዎ ፡ ለሲኦል ። ወአንተሰ ፡ ትሬስዮ ፡ ከመ ፡  
 አሐዱ ፡ ዘአልቦቱ ፡ ጎይል ፡ ወጎለቆ ፡ ምስለ ፡  
 ምዉታን ፡ እለ ፡ ኢያንሳሐስሐ ፡ ዘእንበለ ፡ ጽ  
 ንዕ ። ወፊድፋደስ ፡ ናሁ ፡ ንረክብ ፡ ካልኣነ ፡ ፀ  
 ላውያን ፡ በውስተ ፡ ታኤማጎሲስ ፡ ዘበትርንሜ  
 ሁ ፡ ፀረ ፡ እግዚአብሔር ፡ ብሂል ፤ ከመ ፡ ዝ ፡ ይ  
 ንልዮ ፡ በሥጋ ፡ ዘሐነጸ ፡ ሎቱ ፡ እግዚአብሔር ፡  
 እምሥጋሃ ፡ ወደማ ፡ ለእግዚአብሔር ፡ ቀድስት ፡ ድ  
 ንግል ፡ ማርያም ፡ በከመ ፡ የአምር ፡ ለሊሁ ፡ ከ  
 መ ፡ ገበሬ ፤ እስመ ፡ ውኢቱ ፡ ሥጋ ፡ ዘእንበለ ፡

ነፍስ ፤ ወይቤሉ ፤ እስመ ፤ መለኮት ፤ ከኖ ፤ ህዩ  
 ንተ ፤ ነፍስ ። ቦነ ፤ እንጋ ፤ ወዕኦ ፤ እምኔሁ ፤ መ  
 ለኮት ፤ ወተፈልጠ ፤ ወሥጋሂ ፤ ሞተ ፤ ለግሙራ ።  
 ይትጎፈር ፤ ይእኬ ፤ ዘይቤ ፤ ዘንተ ፤ ወይክሕድ ፤  
 ከመ ፤ ዝ ፤ ሰሚዖ ፤ ቃለ ፤ እግዚአብሔር ፤ እግ  
 ዚእነ ፤ ኢየሱስ ፤ ክርስቶስ ፤ ዘይቤ ፤ ተከዘት ፤  
 ነፍሰዩ ፤ እስከ ፤ ለሞት ፤ ላዕለ ፤ መኑ ፤ እግዚአ  
 ላዕለ ፤ ሕዝብ ፤ ዘይትህጉል ። ወካዕበ ፤ ይቤ ፤  
 ቅዱስ ፤ ጎርጎርዮስ ፤ ርእሰ ፤ ኤጲስቆጶስት ፤ ዘአ  
 ርማንያ ፤ ሰማዕት ፤ እንበለ ፤ ደም ፤ በጸሎቱ ፤  
 ዘፈነው ፤ ወልደ ፤ ዋሕደ ፤ ውስተ ፤ ዓለም ፤ ብር  
 ሃን ፤ ዘእምብርሃን ፤ ሕይወት ፤ ዘእምሕይወት ፤  
 ከመ ፤ ይሠጎ ፤ በአርአያነ ፤ እምቅድስት ፤ ድን  
 ግል ፤ ማርያም ፤ ወያብጽሐነ ፤ ጎበ ፤ መለኮቱ ፤  
 ዝንቱ ፤ ዘኮነ ፤ ከማነ ፤ ወተወልደ ፤ እምቅድስ  
 ት ፤ ዘእንበለ ፤ ዘርዕ ፤ ብእሲ ፤ ወእምድጎረ ፤ ት  
 ስብእቱ ፤ ሀለው ፤ ካዕበ ፤ በስብሐቲሁ ፤ ወሀላዌ ፤  
 መለኮቱ ፤ ኢተመይጠ ፤ ጎበ ፤ ሀላዌ ፤ ትስብእ  
 ት ፤ ወኢሐጸ ፤ በእንተ ፤ ሥጋ ፤ ዳኤሙ ፤ ብሉ  
 ዩ ፤ መዋዕል ፤ ውእቱ ፤ ወይሄሉ ፤ ለዓለመ ፤ ዓ  
 ለም ፤ ምስለ ፤ አቡሁ ፤ ኄር ፤ ወመንፊሱ ፤ ቅዱ  
 ስ ። ወበእንተ ፤ አፍቅሮቱ ፤ ኪያነ ፤ ኮነ ፤ ከማ  
 ነ ፤ ይረስዩነ ፤ አማልክተ ። እስመ ፤ ዘቲ ፤ ይእቲ ፤  
 ሥምረቱ ፤ ወኣቱመ ፤ ወሀበ ፤ ትዕግሥተ ፤ ለቅ  
 ዱሳኒሁ ፤ ይጸሩ ፤ ጸማ ፤ ወዝንጎጌ ፤ ወሞተ ። ወ  
 ሰብሐሙ ፤ በእንተ ፤ ዝንቱ ። እስመ ፤ አሕዛብ ፤  
 አፍቀሩ ፤ አርአያ ፤ ወአምሳላተ ፤ ዘጸረብዎ ፤ ጸ  
 ረብት ፤ ወበእንተ ፤ ዝ ፤ ውእቱኒ ፤ ኮነ ፤ በአርአ  
 ያ ፤ ሰብእ ፤ እሙኅ ፤ ከመ ፤ ይርአይዎ ፤ ገባርያ  
 ነ ፤ አርአያ ፤ ወአምሳላት ፤ ወይትቀነዩ ፤ ለአምሳ  
 ለ ፤ መለኮቱ ። ወዓዲ ፤ ይቤ ፤ በውስተ ፤ ዝንቱ ፤  
 ድርሳን ፤ ወበእንተ ፤ ዝንቱ ፤ ኮነ ፤ ወልድ ፤ ዋ  
 ሕድ ፤ ሥጋ ፤ ወለብሰ ፤ አርአያ ፤ ሰብእ ።  
 ምንተነ ፤ እባዩክ ፤ (ይካ) ፤ መቅድመ ፤ በከመ ፤ ቀዳሚ ።

ተአምሪሃ ፤ ለእግዚእትነ ፤ ቅድስት ፤ ድንግል ፤ በክ  
 ልኤ ፤ ማርያም ፤ ወላዲተ ፤ አምላክ ፤ ጸሎታ ፤ ወበ  
 ረከታ ፤ የሀሉ ፤ ምስሌነ ፤ ለዓለመ ፤ ዓለም ፤ አሜን ።  
 ወእንዝ ፤ ሀለውት ፤ እግዚእትነ ፤ ቅድስት ፤ ድንግ  
 ል ፤ በክልኤ ፤ ማርያም ፤ ወላዲተ ፤ አምላክ ፤ በ

ቤተ ፤ ልሔም ፤ መጽአት ፤ አሐቲ ፤ ብእሲት ፤ እ  
 ንተ ፤ አዖራ ፤ ጋኔን ፤ ዐይና ፤ ዘየማን ፤ ጎበ ፤ እግ  
 ዝእትነ ፤ ቅድስት ፤ ድንግል ፤ በክልኤ ፤ ማርያም ፤  
 ወላዲተ ፤ አምላክ ፤ አስተብቀዕታ ፤ ወትቤላ ፤  
 መሐርኒ ፤ አ ፤ እግዚእትዮ ። ወድንግልኒ ፤ እመ ፤  
 ሕይወት ፤ አንበረት ፤ እዴሃ ፤ ላዕለ ፤ ዐይና ፤ ወ  
 ሐይወት ፤ በይእቲ ፤ ሰዓት ። ነጽሩኬ ፤ ዕበዩ ፤ ኒ  
 ፋታ ፤ ለእግዚእትነ ፤ ማርያም ፤ በከመ ፤ አሕዩወ  
 ታ ፤ ዐይና ፤ ለብእሲት ፤ እንተ ፤ አዖራ ፤ ጋኔን ።  
 እስመ ፤ ረድኤታሰ ፤ ለእግዚእትነ ፤ ቅድስት ፤ ድ  
 ንግል ፤ በክልኤ ፤ ማርያም ፤ ወላዲተ ፤ አምላክ ፤  
 ይትረከብ ፤ በጎበ ፤ ብዙኃን ፤ በላዕለ ፤ ነቢያት ፤  
 ወሐዋርያት ፤ በላዕለ ፤ ጸድቃን ፤ ወሰማዕት ፤ በ  
 ላዕለ ፤ ኄራን ፤ መነኮሳት ። ጸሎታ ፤ ወበረከታ ፤  
 የሀሉ ፤ ምስሌነ ፤ ለዓለመ ፤ ዓለም ፤ አሜን ።

ተአምሪሁ ፤ ለእግዚእትነ ፤ ወአምላክነ ፤ ወመድኅ  
 ኒነ ፤ ኢየሱስ ፤ ክርስቶስ ፤ ዘከመ ፤ ተናገሮሙ ፤  
 ለዐሠርቱ ፤ ወክልኤቱ ፤ ሐዋርያት ፤ በኢያሬክ ።  
 ሃሀሉ ፤ ምስሌነ ፤ የሀሉ ፤ ምስሌነ ፤ ለዓለመ ፤  
 ዓለም ፤ አሜን ።

ወአመ ፤ ሐረ ፤ እግዚእ ፤ ኢየሱስ ፤ ክርስቶስ ፤ ኢ  
 ያሪሐ ፤ አስተጋብአሙ ፤ ለአርዳኢሁ ፤ ወይቤሎ  
 ሙ ፤ አንትሙ ፤ ደቂቀ ፤ እግዚአብሔር ፤ ወለክ  
 ሙ ፤ አስተዳለውኩ ፤ መንግሥተ ፤ ሰማያት ፤ እ  
 ምቅድመ ፤ አዝማን ፤ ወእምቅድመ ፤ ይትፈጠሩ ፤  
 ሰማያት ፤ ወምድር ፤ እስመ ፤ ዙልክሙ ፤ ንጹሐ  
 ን ፤ አንትሙ ። ወበእንተ ፤ ዝንቱ ፤ ጎረይኩክ  
 ሙ ፤ አነ ። ወበሕቱ ፤ ቦ ፤ እምኔክሙ ፤ አሐዱ ፤  
 ሰይጣን ፤ ወዘእንበሌሁሰ ፤ ትወርሱ ፤ ዙልክሙ ፤  
 መንግሥተ ፤ ሰማያት ፤ ዘኢርአያ ፤ ዐይን ፤ ወዘኢ  
 ሰምዓ ፤ እዝን ፤ ወውስተ ፤ ልበ ፤ ሰብእ ፤ ዘኢተጎ  
 ለዩት ፤ ዘኢይትነገር ፤ ተድላሃ ። ለክሙ ፤ እብል ፤  
 ለዐሠርቱ ፤ ወክልኤቱ ፤ እስመ ፤ ትነብሩ ፤ አመ ፤  
 ዕለተ ፤ ትንሣኤ ፤ ዲበ ፤ ዐሠርቱ ፤ ወክልኤቱ ፤  
 መናብርት ፤ ወትኳንነ ፤ ዐሠርተ ፤ ወክልኤተ ፤  
 ነገደ ፤ እስራኤል ፤ አንትሙ ፤ ብርሃኑ ፤ ለዓለም ፤  
 ወጸዳሉ ፤ ለበድው ፤ አንትሙ ፤ ጼወ ፤ ለምድር ።  
 ወካዕበ ፤ ይቤሎ ፤ ለስምዖን ፤ ጴጥሮስ ፤ አ ፤ ስም  
 ዖን ፤ ወልደ ፤ ዮና ፤ ምንተ ፤ ትብል ፤ በእንቲአዩ ፤

ይቤ ፡ ስምዖን ፡ አብል ፡ አንተ ፡ ውእቱ ፡ ክርስቶስ ፡ ወልደ ፡ እግዚአብሔር ፡ ሕያው ፡ መድኅን ፡ ዓለም ። ወይቤሎ ፡ እግዚእ ፡ ኢየሱስ ፡ ብፁዕ ፡ አንተ ፡ ውእቱ ፡ ወልደ ፡ ዮና ፡ እስመ ፡ አቡዮ ፡ ዘበሰማያት ፡ ከሠተ ፡ ለከ ፡ ከመ ፡ ታእምር ፡ ዘንተ ። አእምር ፡ አ ፡ ስምዖን ፡ እስመ ፡ ለእመ ፡ ጉድጉድክ ፡ ናኅተ ፡ ይትረኅው ፡ ለከ ። ብፁዕ ፡ አንተ ፡ ስምዖን ፤ እስመ ፡ ብዙኃን ፡ አበው ፡ ወነቢያት ፡ ፈተው ፡ ይርአዩ ፡ ዘርኢክ ፡ አንተ ፤ ወኢርአዩ ። ብፁዓት ፡ አዕይንቲክ ፡ እለ ፡ ርእያ ፡ ኪያዩ ፤ ወብፁዓት ፡ አእዛኒክ ፡ እለ ፡ ስምዖን ፡ ቃልዩ ። አእምር ፡ አ ፡ ስምዖን ፡ ጴጥሮስ ፤ እስመ ፡ አብርሃም ፡ ፍቁርዩ ፡ ፈተው ፡ ይርአይ ፡ ኪያዩ ፡ ብዙኅ ፡ አገማን ። ወእምዝ ፡ ፈጸምኩ ፡ ሎቱ ፡ ፍትወቶ ፡ ርእዩ ፡ ኪያዩ ፡ ወተፈሥሐ ። አማን ፡ እብለክ ፡ አ ፡ ስምዖን ፤ እስመ ፡ ዘማውያን ፡ ወፈያት ፡ ወመጸብሓን ፡ ወኩሎ ፡ ነገደ ፡ ኃጥአን ፡ ይቀድምዎሙ ፡ ለደቂቀ ፡ እስራኤል ፡ በዊአ ፡ ውስተ ፡ መንግሥተ ፡ ሰማያት ። አማን ፡ እብለክ ፡ አ ፡ ስምዖን ፤ እስመ ፡ ሰረይክ ፡ ለደቂቀ ፡ እስራኤል ፡ ኩሎ ፡ ኅጢአቶሙ ፤ ወዕርፈቶሙ ፡ ሰ ፡ ላዕለ ፡ አብ ፡ ወላዕለ ፡ ወልድ ፡ ወላዕለ ፡ መንፈስ ፡ ቅዱስ ፡ ወንባብ ፡ ቃሎሙ ፡ እኩዮ ፡ ላዕሌሆሙ ፡ ኢትኅድግ ፡ ሎሙ ፡ በዝ ፡ ዓለም ። ኩሎ ፡ ዘዩአምን ፡ ብዩ ፡ በቅድመ ፡ ሰብእ ፡ አነኒ ፡ አአምኖ ፡ በቅድመ ፡ አቡዮ ፡ ወመላእክትዮ ። ወዘክሕደኒ ፡ በቅድመ ፡ ሰብእ ፡ አነኒ ፡ እክሕዶ ፡ በቅድመ ፡ አቡዮ ፡ ወመላእክትዮ ። አእምር ፡ አ ፡ ስምዖን ፤ እስመ ፡ ይመጽእ ፡ መዋዕል ፡ ይኔሊ ፡ ኩሎ ፡ ዘይቀትለክሙ ፡ ይመስሎ ፡ ከመ ፡ ዘያበውእ ፡ ቍርባን ፡ ለእግዚአብሔር ። ወትከውኑ ፡ ጽሎአን ፡ በኅብ ፡ ኩሎ ፡ በእንተ ፡ ስምዩ ፡ ወይጸላእ ፡ ኩሎ ፡ ዘይዜክር ፡ ስምዩ ፡ በአፋሁ ፡ በኅብ ፡ ኩሎሙ ፡ አሕዛብ ። አእምር ፡ አ ፡ ስምዖን ፤ እስመ ፡ ይመጽኡ ፡ አሕዛብ ፡ እምነ ፡ ምድረ ፡ በድው ፡ ያስተሐቅሩ ፡ ሕዝብዩ ። ወይብሎ ፡ ቃለ ፡ ላዕለ ፡ እግዚአብሔር ፡ ዘኢይቤልዎ ፡ ካልአን ፡ አሕዛብ ፤ ወትረኩስ ፡ ምድር ፡ እምኔሆሙ ። ወይከይዱ ፡ ቤተ ፡ መቅደስዩ ፡ ወይጽሕቁ ፡ ከመ ፡ ያብጥሎ

ሕዝብዩ ። ወይደውዉ ፡ ደቂቀ ፡ ሕዝብዩ ፡ ወአዋልዲሆሙ ። ሣህሎ ፡ ወምሕረቱ ፡ የሀሎ ፡ ምስሌን ፡ ለዓለመ ፡ ዓለም ፤ አሜን ።  
 እመ ፡ ትመጽእ ፤ ሃሌ ፡ ሎዮ ፡ በብዝኅ ፡ ጊሩትን ፤ እምኩሎ ፡ ይኔይስ ፤ ብብሐት ፡ ለከ ፡ በል ።  
 አድኅን ፡ ሕዝብከ ፡ ወባርክ ፡ ርብክ ፡ ረዐዮሙ ፡ ወእልዕሎሙ ፡ እስከ ፡ ለዓለም ። ይትባረክ ፡ እግዚአብሔር ፡ እስመ ፡ ስምዕኒ ፡ ቃለ ፡ ስእለትዩ ። (ይካ) ፡ ወንጌል ፡ ትዳስ ፡ ዘዜነው ፡ ሎቶስ ፡ ቃለ ፡ ወልደ ፡ እግዚአብሔር ፡ (ይሕ) ፡ ብብሐት ፡ ለከ ፡ ዘርብቶስ ፡  
 ወንጌል ፡ ዘሎቃስ ።  
 ወእምዝ ፡ እንዘ ፡ ይጼሊ ፡ በባሕቲቲቱ ፡ ወአርዳኢሁኒ ፡ ምስሌሁ ፡ ተስእሎሙ ፡ ወይቤሎሙ ፡ መነ ፡ ይብሉኒ ፡ ሰብእ ፤ ወተሰጥውዎ ፡ ወይቤልዎ ፡ ዮሐንስሀ ፡ መጥምቅ ፡ ወቦ ፡ እለ ፡ ይብሉከ ፡ ኤልያስሀ ፡ ወቦ ፡ እለ ፡ ይብሉከ ፡ አሐዱ ፡ እምነቢያት ፡ ቀደምት ፡ ተንሥአ ። ወይቤሎሙ ፡ አንትሙኬ ፡ መነ ፡ ትብሉኒ ፤ ወተሰጥዎ ፡ ጴጥሮስ ፡ ወይቤሎ ፡ አንተ ፡ ውእቱ ፡ መሲሐ ፡ ለእግዚአብሔር ። ወገሠጸሙ ፡ ወክልሎሙ ፡ ኢይንግሩ ፡ ዘንተ ፡ ወኢለመኑሂ ። ወይቤሎሙ ፡ ሀለዎ ፡ ለወልደ ፡ ዕንለ ፡ እመሕያው ፡ ብዙኅ ፡ ያሕምም ፡ ወያመክርዎ ፡ ረቦናት ፡ ወሊቃን ፡ ካህናት ፡ ወጸሐፍት ፡ ወይቅትልዎ ፤ ወይትነሣእ ፡ በሣልስት ፡ ዕለት ። ይተልል ፡ በል ።  
 በሠለቱ ፡ ሰጥት ፡ እምሌሊተ ፡ ሰጉዳ ።  
 መድኅኒን ፡ ጸለዩ ፡ ከመ ፡ ይምሀረኒ ፡ ከመ ፡ ንትጋህ ፡ ኩሎ ፡ ጊዜ ፡ ውስተ ፡ ጸሎት ። ወእምድኅረ ፡ ፈጸመ ፡ ተስእሎሙ ፡ ወይቤሎሙ ፡ ለአርዳኢሁ ፡ መነ ፡ ይብሉኒ ፡ ሰብእ ፡ ኪያዩ ። አውሥእም ፤ ሰብእሰ ፡ ይብሉ ፡ ከመ ፡ አንተ ፡ ውእቱ ፡ ዮሐንስ ፡ መጥምቅ ፡ ንጹሕ ፤ ወካልአን ፡ ከመ ፡ አንተ ፡ ውእቱ ፡ ኤልያስ ፤ አው ፡ እምነቢያት ፡ ቀደምት ፡ አሐዱ ። ወዘዩአምር ፡ ኩሎ ፡ እምቅድመ ፡ ከዊኖቱ ፡ አመከርሙ ፤ ወእምዝ ፡ ይቤሎሙ ፡ አንትሙ ፡ ምንተ ፡ ትብሉ ። ወአውሥአ ፡ ጴጥሮስ ፡ ወይቤ ፡ አንተ ፡ ውእቱ ፡ ክርስቶስ ፡ ወልደ ፡ እግዚአብሔር ፡ ሕያው ፡ ዘመጽአ ፡ ውስተ ፡ ዓለም ፡ እስከ ፡ አድኅን ። ወይቤሎ ፡ መድ



ጎኒ፣ አንተ፣ ከጠቅላይ፣ ዘኢሳይያስ፣ እስ  
 መ፣ አከ፣ ዘሥጋ፣ ወደም፣ ከሠተ፣ ለከ፣ ዘን  
 ተ፣ በሕተ፣ አቡዮ፣ ከሠተ፣ ለከ፣ ለዝንቱ፣ ከ  
 መ፣ ትስብክ፣ ቦቱ፣ ውስተ፣ ዓለም፣ ወእልክ  
 ቱ፣ አይሁድ፣ ርገማን፣ ክሕዱ፣ በአንተ፣ ቅንኦ  
 ቶሙ፣ ወመጠወኒ፣ ለሞት፣ አነ፣ እራስዮሙ፣  
 ከሠታነ፣ ወእከሥት፣ መንጠላዕቶሙ፣ ወእሁ  
 በሙ፣ ጽዕለተ፣ ውነፍረተ፣ ዘለዓለም፣ ክርስቶ  
 ስ፣ መድኅኒ፣ መጽአ፣ ወሐመ፣ ወበሕማማቲ  
 ቡ፣ አደኅነነ።

ወእምዝ፣ ይዳል፣ ካህን።

ጸልዩ፣ በአንተ፣ ጽንዕ፣ ዘቲ፣ መካን፣ ወኩሎን፣  
 መካኖት፣ እንተ፣ አበዊን፣ ቅዱሳን፣ ወገዳማት፣  
 ወአዕሩግ፣ እለ፣ ዮጎድሩ፣ ውስቱቶን፣ ወዕቅበ  
 ተ፣ ዝንቱ፣ ዓለም፣ በምልኡ፣ ከመ፣ ይዕቀቦሙ፣  
 እግዚእ፣ እምኩሎ፣ እኩይ፣ ወይስረይ፣ ለነ፣  
 ኅጣውኢነ። (ይሕ)፣ እግዚእ፣ ተግሀለን፣ ጸልዩ፣ በእ  
 ንተ፣ አበዊን፣ ወአኅዊን፣ ዱያን፣ እለ፣ በኩሎ፣  
 ደዌ፣ እለ፣ ውስተ፣ መካን፣ ወእለ፣ ውስተ፣ ኩ  
 ሎን፣ መካኖት፣ ከመ፣ ያሠኒ፣ እግዚእ፣ ላዕሌ  
 ነ፣ ወላዕሌሆሙ፣ በጥሒ፣ ወሕይወት፣ ወይስ  
 ረይ፣ ለነ፣ ኅጣውኢነ። (ይሕ)፣ እግዚእ፣ ተግሀለን፣  
 ጸልዩ፣ በአንተ፣ አበዊን፣ ወአኅዊን፣ እለ፣ ይነግ  
 ዱ፣ እመሂ፣ በበድወ፣ ወእመሂ፣ በባሕር፣ ወ  
 እመሂ፣ በአፍላግ፣ ወእመሂ፣ በቀላያት፣ ወእመ  
 ሂ፣ በኩሎ፣ ፍናዋት፣ ወበኩሎ፣ ገጽ፣ ከመ፣  
 ይምርሐሙ፣ እግዚእ፣ ወያግብአሙ፣ ኅበ፣ ማ  
 ኅደሪሆሙ፣ በፍሥሐ፣ ወበሰላም፣ ወይስረይ፣  
 ለነ፣ ኅጣውኢነ። (ይሕ)፣ እግዚእ፣ ተግሀለን፣ ጸልዩ፣  
 በአንተ፣ ፍሬ፣ ገራውህ፣ ወአዕዋም፣ ወአውያ  
 ን፣ ወኩሎ፣ ዕዕ፣ እንተ፣ ይፈሪ፣ ውስተ፣ ኩሎ፣  
 ዓለም፣ ከመ፣ ይበርከሙ፣ እግዚእ፣ ወያብዝኖ  
 ሙ፣ ወያረጽሞሙ፣ በሰላም፣ ዘእንበለ፣ ሙስ  
 ና፣ ወይስረይ፣ ለነ፣ ኅጣውኢነ። (ይሕ)፣ እግዚእ፣ ተ  
 ግሀለን፣ ጸልዩ፣ ከመ፣ ክርስቶስ፣ አምላክነ፣ ይጸግ  
 ወነ፣ ምሕረተ፣ ወነህላ፣ በቅድመ፣ ኩሎሙ፣ ም  
 ኩኖናተ፣ መኳንንት፣ ወያራሃር፣ ልበሙ፣ ላዕሌ  
 ነ፣ በነሩት፣ በኩሎ፣ ጊዜ፣ ወይስረይ፣ ለነ፣ ኅጣ  
 ውኢነ። (ይሕ)፣ እግዚእ፣ ተግሀለን፣ ጸልዩ፣ በእ

ንተ፣ ሀገሪትነ፣ ኢትዮጵያ፣ ከመ፣  
 ይዕቀብ፣ እግዚእ፣ በሰላም፣  
 ወየኅልያ ሠናዩ፣ በአንተ፣ አብያተ፣ ክርስ  
 ቲያናት፣ ወይስረይ፣ ለነ፣ ኅጣውኢነ። (ይሕ)፣  
 እግዚእ፣ ተግሀለን፣ ጸልዩ፣ በአንተ፣ አበዊን፣ ወአ  
 ኅዊን፣ እለ፣ ኖሙ፣ ወአዕረፍ፣ በአንተ፣ ሃይማ  
 ኖተ፣ ክርስቶስ፣ እምቀዳሚ፣ አበዊን፣ ቅዱሳን፣  
 ሊቃነ፣ ጳጳሳት፣ ወአበዊን፣ ጳጳሳት፣ ወአበዊን፣  
 ኤጲስቆጶሳት፣ ወአበዊን፣ ቆሞሳት፣ ወአበዊን፣  
 ቀዳሳት፣ ወአኅዊን፣ ዲያቆናት፣ ወአበዊን፣  
 መነኮሳት፣ ወአኅዊን፣ ሕዝባውያን፣ ወኩሎሙ፣  
 እለ፣ አዕረፍ፣ እምክርስቲያን፣ ከመ፣ ያዕርፍ፣  
 እግዚእ፣ ነፍሳቲሆሙ፣ ወይምሐሮሙ፣ ወኪያ  
 ነሂ፣ ወይስረይ፣ ለነ፣ ኅጣውኢነ። (ይሕ)፣ እግዚ  
 ኢ፣ ተግሀለን፣ ጸልዩ፣ በአንተ፣ ንኡስ፣ ክርስቲያ  
 ን፣ ሕዝብነ፣ ለይባርክ፣ እግዚእ፣ ላዕሌሆሙ።  
 ወያጽንዖሙ፣ ዲበ፣ ሃይማኖት፣ ርትዕት፣ እስ  
 ከ፣ ነፍስ፣ ደኃሪት፣ ወይስረይ፣ ለነ፣ ኅጣው  
 ኢነ። (ይሕ)፣ እግዚእ፣ ተግሀለን፣ ጸልዩ፣ በአንተ፣ ሰ  
 ላመ፣ ቤተ፣ ክርስቲያን፣ ቅድስት፣ አሐቲ፣ ጉብ  
 ኤ፣ እንተ፣ ሐዋርያት፣ ወመድኅኒተ፣ ሕዝብ፣  
 ወዕቅቦታት፣ ለኩሎ፣ መካን፣ ወይስረይ፣ ለነ፣  
 ኅጣውኢነ። (ይሕ)፣ እግዚእ፣ ተግሀለን፣ ጸልዩ፣ በእ  
 ንተ፣ ሕይወቱ፣ ወንብረቱ፣ ለአቡነ፣ ቅዱስ፣  
 ሊቀ፣ ጳጳሳት፣ አባ፣ ዮሳብ፣ ወአቡነ፣ ብፁዕ፣  
 ጳጳስ፣ አባ፣ ባስልዮስ፣ ከመ፣ ይዕቀብ፣ ሕይወቶ  
 ሙ፣ ወያጽንዖሙ፣ ዲበ፣ መናብርቲሆሙ፣ ዓ  
 መታተ፣ ብዙኅ፣ ወአዝማነ፣ ነዋኅ፣ በሰላም፣  
 ወይስረይ፣ ለነ፣ ኅጣውኢነ። (ይሕ)፣ እግዚእ፣ ተግ  
 ሀለን፣ ጸልዩ፣ በአንተ፣ ዝንቱ፣ ማኅበርነ፣ ወኩ  
 ሎ፣ ማኅበረ፣ ሕዝብ፣ ክርስቲያን፣ ርቱዓነ፣ ሃ  
 ይማኖት፣ ከመ፣ ይዕቀቦሙ፣ እግዚእ፣ ወያረጽ  
 ሞሙ፣ በሰላም፣ ወይስረይ፣ ለነ፣ ኅጣውኢነ።  
 (ይሕ)፣ እግዚእ፣ ተግሀለን፣ ጸልዩ፣ በአንተ፣ እለ፣ ያበ  
 ውኢ፣ መባኣ፣ ለቤተ፣ ክርስቲያን፣ ቅድስት፣  
 እምነ፣ ሰብእ፣ ወአንስሳ፣ ከመ፣ ይባርከሙ፣ እ  
 ግዚእ፣ ወያጽንዖሙ፣ ወይርድአሙ፣ ወይስረይ፣  
 ለነ፣ ኅጣውኢነ። (ይሕ)፣ እግዚእ፣ ተግሀለን፣ ጸልዩ፣  
 በአንተ፣ ኩሎ፣ ነፍስ፣ እለ፣ ይጸምወ፣ ወይዜ

ከሩ፡ ቤተ፡ ክርስቲያን፡ በኩሉ፡ መካኛት፡ ርቱ፡  
 ዓነ፡ ሃይማኖት፡ ከመ፡ ይበርከሙ፡ እግዚእ፡ ወ  
 ይዕስዮሙ፡ ወይግበር፡ ላዕሌሆሙ፡ ወይስረይ፡  
 ለነ፡ ጎጣውኢነ፡ = (ይሕ)፡ እግዚእ፡ ተሣህለን፡ ጸል  
 ዩ፡ በእንተ፡ እለ፡ ይኄልዩ፡ በቀርባናት፡ ወበ  
 ዕጣን፡ ወዘይት፡ ወመጸሐፍት፡ ለአንብቦ፡ ወኩ  
 ሉ፡ ንዋዩ፡ ቤተ፡ መቅደስ፡ ከመ፡ ይዕስዮሙ፡  
 እግዚእ፡ በዘይኄይስ፡ በኢየሩሳሌም፡ እንተ፡  
 በሰማያት፡ ወይስረይ፡ ለነ፡ ጎጣውኢነ፡ = (ይሕ)፡ እ  
 ግዚእ፡ ተሣህለን፡ ጸልዩ፡ በእንተ፡ መላህቅት፡ ወ  
 ሊቃውንት፡ ቤተ፡ ክርስቲያን፡ እለ፡ አዘዙን፡ ከ  
 መ፡ ንዘከሮሙ፡ ለለ፡ አሐዱ፡ አሐዱ፡ በበ፡ አ  
 ስማቲሆሙ፡ ለይበርክ፡ እግዚእ፡ ላዕሌሆሙ፡ ወ  
 የሀቦሙ፡ ፍቅር፡ በቅድመ፡ መኳንንት፡ ወበባይ  
 ት፡ ወሥልጣናት፡ ወይስረይ፡ ለነ፡ ጎጣውኢነ፡ =  
 (ይሕ)፡ እግዚእ፡ ተሣህለን፡ ጸልዩ፡ በእንተ፡ ድኩማን፡  
 ወምስኪናን፡ ወመዓስብ፡ ወዕንላ፡ ማውታ፡ ወዕ  
 ጸብን፡ ወዘራዕያን፡ ወሐረሳውያን፡ ወእለ፡ ይሠ  
 ዩሙ፡ ወይሣዩሙ፡ ወኩላ፡ ነፍስ፡ ዕጽብት፡ ወኩ  
 ሉ፡ መካን፡ ከመ፡ ይምሐሮሙ፡ እግዚእ፡ ወይሣ  
 ሀሎሙ፡ ወይስረይ፡ ለነ፡ ጎጣውኢነ፡ = (ይሕ)፡ እግ  
 ዚእ፡ ተሣህለን፡ ጸልዩ፡ በእንተ፡ እለ፡ ይትመንደቡ፡  
 በቤተ፡ ሞቅሕ፡ ወእለ፡ ውስተ፡ ጊዋዌ፡ ወእለሂ፡  
 ተሰዱ፡ ወእለሂ፡ ተአስሩ፡ በማእሰረ፡ እኩያን፡  
 ሰይጣናት፡ ከመ፡ ይፍትሐሙ፡ እግዚእ፡ ወያድ  
 ኅኖሙ፡ ወይሣህል፡ ላዕሌሆሙ፡ ወላዕሌነ፡ ወ  
 ይስረይ፡ ለነ፡ ጎጣውኢነ፡ = (ይሕ)፡ እግዚእ፡ ተሣህለን፡  
 ጸልዩ፡ በእንተ፡ ኩሉ፡ ነፍስ፡ እለ፡ ተጋብኡ፡  
 ውስተ፡ ዝንቱ፡ መካን፡ ቅዱስ፡ ከመ፡ ይኅሥ  
 ሠ፡ ምሕረተ፡ ለነፍሶሙ፡ ለይርከቦሙ፡ ምሕ  
 ረተ፡ እግዚእ፡ አምላክነ፡ ዘበአማን፡ ፍጡነ፡ ወ  
 ይስረይ፡ ለነ፡ ጎጣውኢነ፡ = (ይሕ)፡ እግዚእ፡ ተሣህለን፡  
 ጸልዩ፡ በእንተ፡ ርደተ፡ ዝናማት፡ ወዕርገተ፡  
 ማያተ፡ ባሕር፡ ወአፍላግ፡ በዝንቱ፡ ዓመት፡  
 ከመ፡ ክርስቶስ፡ አምላክነ፡ ዘበአማን፡ ይበርከ  
 ሙ፡ ወያዕርገሙ፡ እስከ፡ መስፈርቶሙ፡ ወያ  
 ስተፍሥሕ፡ ገጸ፡ ለምድር፡ ወያጽንዕ፡ ለኩሉ፡  
 ዘሥጋ፡ ወይጸጉ፡ መድኅኒተ፡ ለእንስሳ፡ ወይ  
 ስረይ፡ ለነ፡ ጎጣውኢነ፡ = (ይሕ)፡ እግዚእ፡ ተሣህለን፡

ጸልዩ፡ በእንተ፡ እለ፡ ይቤሉን፡ ወአዘዙን፡ ከመ፡  
 ንዘከሮሙ፡ በጸሎትን፡ ከመ፡ እግዚእ፡ ይዘከሮ  
 ሙ፡ በሠናይ፡ ወይምሐሮሙ፡ በኩሉ፡ ጊዜ፡  
 ወይስረይ፡ ለነ፡ ጎጣውኢነ፡ = (ይሕ)፡ እግዚእ፡ ተሣ  
 ህለን፡ ጸልዩ፡ በእንተ፡ ዛቲ፡ ሰሙን፡ ከመ፡ እግ  
 ዚእ፡ ይፈጽማ፡ በሰላም፡ ወያዕስል፡ እምኔነ፡ ተ  
 ቃርኖቶ፡ ለፀረዋ፡ ወያድኅን፡ ነፍሳተን፡ ይምሐ  
 ረነ፡ ወይሣህለን፡ ወይስረይ፡ ለነ፡ ጎጣውኢነ፡ =  
 (ይሕ)፡ እግዚእ፡ ተሣህለን፡ ጸልዩ፡ ከመ፡ ይምሐረ  
 ነ፡ እግዚእ፡ አምላክነ፡ ወይሣህል፡ ላዕሌነ፡ ወ  
 ይትወከፍ፡ ስኢተን፡ ወያዕጽመነ፡ ዛተ፡ ፍሲካ፡  
 በሰላም፡ ወያርእዩነ፡ ብርሃነ፡ ትንሣኤሁ፡ በፍሥ  
 ሐ፡ ወበሐሜት፡ ወይስረይ፡ ለነ፡ ጎጣውኢነ፡ =  
 (ይሕ)፡ እግዚእ፡ ተሣህለን፡ እግዚእ፡ መሐረነ፡ ክርስቶ  
 ስ፡ ኦርብዓ፡ ወአሐደ፡ ጊዜ፡ እንዝ፡ ያስተባርዩ፡ ኪርያላይሶን ።  
 ክርስቶስ፡ አምላክነ፡ ዘመጽኦ፡ ወሐመ፡ በእንቲኣነ፡ በሕማ  
 ማቲሁ፡ ቤዘወን ። ከመ፡ ንሰብሐ፡ ወናልዕል፡ ስሞ፡ ኅቡረ፡  
 እስመ፡ ውእቱ፡ ገብረ፡ ለነ፡ ምሕረተ፡ በከመ፡ ዕባዩ፡ ሣህ  
 ሉ ። ኪርያላይሶን፡ ኪርያላይሶን፡ ኪርያላይሶን፡ ኪርያላይሶን ።  
 ኪርያላይሶን፡ ኪርያላይሶን፡ ኪርያላይሶን፡ ኪርያላይሶን ። ኪር  
 ያላይሶን፡ ኪርያላይሶን፡ ኪርያላይሶን፡ ኪርያላይሶን ። ኪርያላ  
 ዩሶን፡ ኪርያላይሶን፡ አብኖዲ፡ ናይኖን፡ ኪርያላይሶን ። ኪር  
 ያላይሶን፡ ኪርያላይሶን፡ ታኦስ፡ ናይኖን፡ ኪርያላይሶን ። ኪር  
 ያላይሶን፡ ኪርያላይሶን፡ ማስደብ፡ ናይኖን፡ ኪርያላይሶን ። ኪ  
 ርያላይሶን፡ ኪርያላይሶን፡ ዐማንኤል፡ ናይኖን፡ ኪርያላይሶን ።  
 ኪርያላይሶን፡ ኪርያላይሶን፡ ኢየሱስ፡ ናይኖን፡ ኪርያላይሶን ።  
 ኪርያላይሶን፡ ኪርያላይሶን፡ ክርስቶስ፡ ናይኖን፡ ኪርያላይሶ  
 ን ። ኪርያላይሶን፡ ኪርያላይሶን፡ ትስቡጣ፡ ናይኖን፡ ኪርያላይ  
 ሶን ። ኪርያላይሶን፡ ኪርያላይሶን ። ኦርብዓ፡ ወአሐደ፡ ጊዜ፡  
 በል ። ይርከብን፡ ሰላምኪ፡ ማርያም፡ ከብካብ፡ በል ። ስብሐ  
 ት፡ ለክ፡ ስምዐን፡ አምላክነ፡ በል ። ገናይ፡ ለከመ፡ ሥሉ  
 ስ፡ ቅዱስ፡ አማልክተ፡ ኅቡእ፡ ጥበብ፡ በል ። ስብሐት፡ ለእ  
 ግዚአብሔር፡ ኪዳን፡ ዘፈጠረ፡ ከመ፡ ናምልኮ ። ስብሐት፡ ለ  
 ማርያም፡ እመ፡ አምላክ፡ እግዚእን፡ ወመድኅኒትን ። ስብ  
 ሐት፡ ለመስቀለ፡ ክርስቶስ፡ ዕፁ፡ መድኅኒት ። ኅይልን፡ ወጸወ  
 ንን ። ጸሎተ፡ ሃይማኖት፡ ለሱን፡ ዘሰሰማያት፡  
 (ይህ)፡ ለዛቲ፡ መጽሐፍ፡ ግብረ፡ ሕማማት፡ ለ  
 ዘአጽሐፍ፡ መምህር፡ ወልደ፡ ሚካኤል፡ ወለዘጸ  
 ሐፍ፡ እገሌ፡ ይጽሐፍ፡ ስሞሙ፡ እግዚአብሔር፡

ጸባአት ፣ ጎብ ፣ ዐምደ ፣ ወርቅ ፣ በሰማያት ፣ ጎብ ፣ ተጽሕፈ ፣ ስመ ፣ ነቢያት ፣ ወሐዋርያት ፣ አለ ፣ አብርሀም ፣ ለዓለም ፣ ከመ ፣ ማጎቶት ፣ ወጎብ ፣ ተለክአ ፣ ስመ ፣ ጸድቃን ፣ ወሰማዕታት ፣ ወስመ ፣ ደናግል ፣ ወመነኮሳት ፣ አለ ፣ አምሀዝዋ ፣ ለቤተ ፣ ክርስቲያን ፣ ከመ ፣ ዕናረት ፣ በሥነ ፣ ጽድቆመ ፣ ወበሥነ ፣ ገድሎመ ፣ ሠናይት ፣ በእንተ ፣ ስቅለቱ ፣ ወሞቱ ፣ ወርግዘተ ፣ ገቦሁ ፣ በኩናት ፣ ወበእንተ ፣ ትንሣኤሁ ፣ ቅድስት ፣ አመ ፣ ሣልስት ፣ ዕለት ፣ ይዕቀቦመ ፣ አምላክ ፣ ምሕረት ፣ አመሥገርተ ፣ ሰይጣን ፣ መስሕት ፣ በኑሉ ፣ ጊዜ ፣ ወበኑሉ ፣ ሰዓት ፣ በዝ ፣ ዓለም ፣ ወበዘይመጽአ ፣ ዓለማት ፣ በእንተ ፣ ሥጋሁ ፣ ጥብሐ ፣ መለክት ፣ ወበእንተ ፣ ደመ ፣ ደመ ፣ መድኅኒት ፣ ለዓለመ ፣ ዓለም ፣ አሜን ፣ ወአሜን ፣ ለይኩን ፣ ለይኩን ።

አ ፣ ማጎብራሂሁ ፣ ለኢየሱስ ፣ ክርስቶስ ፣ አለ ፣ ተጋባእክመ ፣ ውስተ ፣ ዛቲ ፣ ኤላመ ፣ በእንተ ፣ ላሐ ፣ ሕማመ ፣ ወበእንተ ፣ ስቅለቱ ፣ ወሞቱ ፣ ወርግዘተ ፣ ገቦሁ ፣ ወክዕወተ ፣ ደመ ፣ ለሕዝበ ፣ አይሁድ ፣ በፋሲካሆመ ፣ አመ ፣ አግብእም ፣ አሉ ፣ ውስተ ፣ አደ ፣ ኃጥአን ፣ በቅንአቶመ ፣ ይትወከፍ ፣ እግዚአብሔር ፣ ድካመክመ ፣ ወጸሎተክመ ፣ ወስግደተክመ ፣ ወመዝመረክመ ፣ ወኑሉ ፣ ጸማክመ ፣ እምሳሊና ፣ ሥጋ ፣ በኅሊና ፣ መንፈስ ፣ ኑሉ ፣ ጎሣሥተክመ ፣ በሥምረቱ ፣ ይፈጽም ፣ ለክመ ፣ ተስፋ ፣ ትንሣኤሁ ፣ የሀብክመ ፣ ቃለ ፣ ፍሥሐ ፣ ያስምዕክመ ፣ በሣሀለ ፣ ምሕረቱ ፣ ይክድንክመ ፣ በከመ ፣ ሐወጸመ ፣ ለአርዳኢሁ ፣ ከማሁ ፣ የሐውጽክመ ፣ ለይሱቅ ፣ ትንታኔክመ ፣ ወይናዝዝ ፣ ተካዘክመ ፣ ለያጽንዕ ፣ ድካመክመ ፣ ምስለ ፣ ጸሓፊሁ ፣ ኃጥእ ፣ እገሌ ፣ እኅወ ፣ ዘኢክመ ፣ ጥቡዕ ፣ ለመልእክተ ፣ ዛቲ ፣ መጽሐፍክመ ፣ ወምስለ ፣ ኑሉመ ፣ አለ ፣ ተማሕፀተ ፣ ዘርሐቅ ፣ ወዘቅሩብ ፣ በኅይለ ፣ ጸሎትክመ ፣ ከመ ፣ ይደመሩ ፣ አመ ፣ ይመጽእ ፣ እግዚአክመ ፣ በዕለተ ፣ መርዓሁ ፣ ምስሌክመ ፣ ውስተ ፣ ገብኤሆመ ፣ ለአበዊክመ ፣ በየማኑ ፣ ያቅምክመ ፣ ውስተ ፣ ቤተ ፣ ተድላሁ ፣ ያብእክመ ፣ ለዓለም ፣ ወለዓለመ ፣ ዓለም ፣ አሜን ፣ ወአሜን ፣

ለይኩን ፣ ለይኩን ፣ በእንተ ፣ ሥጋሁ ፣ ወደመ ፣ ለክርስቶስ ።

(ይክ) ፣ ጸሎተ ፣ ቡራኬ ፣ አ ፣ ሥሉስ ፣ ቅዱስ ፣ አብ ፣ ወወልድ ፣ ወመንፈስ ፣ ቅዱስ ፣ ባርክ ፣ ዲቦ ፣ ሕዝብክ ፣ ፍቅራን ፣ ክርስቶሳውያን ፣ በበረከተ ፣ ሰማያውያን ፣ ወምድራውያን ፣ ወፈት ፣ ላዕሌን ፣ ጸጋ ፣ መንፈስ ፣ ቅዱስ ፣ ወረሲ ፣ ጎሣጎሠ ፣ ቤተ ፣ ክርስቲያንክ ፣ ቅድስት ፣ ርኅወ ፣ ለነ ፣ በምሕረት ፣ ወበአሚን ፣ ወፈጽም ፣ ለነ ፣ አሚን ፣ ሥላሴ ፣ አስከ ፣ ደኃሪት ፣ አስትንፋስ ፣ አ ፣ ሊቅዩ ፣ ኢየሱስ ፣ ክርስቶስ ፣ ሐውጽ ፣ ሕሙማን ፣ ሕዝበክ ፣ ፈውሶመ ፣ ወምርሐመ ፣ ለአበዊን ፣ ወለአኅዊን ፣ አለ ፣ ሐፍ ፣ ወተአንገዱ ፣ ሚጠመ ፣ ጎብ ፣ ማጎደሪሆመ ፣ በሰላም ፣ ወጥሒና ፣ ባርክ ፣ ነፋሳተ ፣ ሰማይ ፣ ወዝናማተ ፣ ወፍሬያተ ፣ ምድር ፣ በዛቲ ፣ ዓመት ፣ በከመ ፣ ጸጋክ ፣ ወረሲ ፣ ፍግዓ ፣ ወተድላ ፣ ወትረ ፣ ውስተ ፣ ገጸ ፣ ለምድር ፣ ወአጽንዕ ፣ ለነ ፣ ሰላመክ ፣ ሚጥ ፣ ልቦ ፣ ነገሥት ፣ ዐበይት ፣ ወወዚዛን ፣ ለአሠንዮ ፣ ላዕሌን ፣ በኑሉ ፣ ጊዜ ፣ ጸጉ ፣ ሞገሰ ፣ ለሊቃውንተ ፣ ቤተ ፣ ክርስቲያን ፣ ቅድስት ፣ ለኑሉ ፣ ለሊ ፣ አሐዱ ፣ አሐዱ ፣ በቦ ፣ አስማቲሆመ ፣ በቅድመ ፣ ነገሥት ፣ ጎያላን ፣ አምላክን ፣ አንሂ ፣ ሎመ ፣ መከዕርፍ ፣ ነፍሶመ ፣ ለአበዊን ፣ ወለአኅዊን ፣ አለ ፣ ፍመ ፣ ወአዕረፋ ፣ በሃይማኖት ፣ ርትዕት ፣ ባርክ ፣ አለ ፣ ያስተነትኑ ፣ በዕጣን ፣ ወበቀርባን ፣ ወወይን ፣ ወዘይት ፣ ወመንጠዋልዕ ፣ ወመጸሕፍተ ፣ ምንባብ ፣ ወንዋዩ ፣ ቤተ ፣ መቅደስ ፣ ክርስቶስ ፣ አምላክን ፣ ዕስዮመ ፣ በኢየሩሳሌም ፣ ሰማያዊት ፣ ወኑሉመ ፣ አለ ፣ ተጋብኡ ፣ ምስሌን ፣ ይኅሥሁ ፣ ምሕረተክ ፣ አ ፣ ክርስቶስ ፣ አምላክን ፣ ተሣሀል ፣ ላዕሌሆመ ፣ ምጽዋተ ፣ በቅድመ ፣ መንበርክ ፣ መፍርሀ ፣ አንሂ ፣ ለኑሉ ፣ ነፍስ ፣ ዕጽብት ፣ አለ ፣ ውስተ ፣ መዋቅሕት ፣ ወአለ ፣ ውስተ ፣ ጊጥዌ ፣ ወአለ ፣ እሱራን ፣ ወአለ ፣ እኅዛን ፣ በቅኔ ፣ መሬር ፣ አምላክን ፣ አድኅኖመ ፣ በብዝሃ ፣ ምሕረትክ ፣ አ ፣ ሊቅዩ ፣ ኢየሱስ ፣ ክርስቶስ ፣ ወለኑሎመ ፣ አለ ፣ አዘዙን ፣ ከመ ፣ ንዘከሮመ ፣ ክርስቶስ ፣ አምላክን ፣ ተዘከሮመ ፣ በምሕረትክ ፣ በውስተ ፣

መንግሥት፣ ሰማያዊት ። አ፡ እግዚአብሔር፡ አድኅን፡ ሕዝቡ፡ ወባርክ፡ ርስተክ፡ ረዐዮሙ፡ ወአልዕለሙ፡ እስከ፡ ለዓለም ።

ነዋ፡ በግዑ፡ ለእግዚአብሔር፡ ዘያክትት፡ ኅጢአት፡ ዓለም፡ ዘጸረ፡ ሕግማተ፡ መስቀል፡ በእንቲአነ፡ ወአግዐዘነ፡ እምአርዑተ፡ ኅጢአት፡ ወአንገፈነ፡ እምእጆ፡ ሰይጣን፡ በደሙ፡ ክቡር፡ ወበመስቀሉ፡ ማሕደረ፡ ተወከፍ፡ ኅቤክ፡ ጸማነ፡ ወተወከፍ፡ እንከ፡ ጸሎተነ፡ ወቀጥቅጥ፡ ኅይሎ፡ ለጸላኢ፡ ታሕተ፡ እገሪነ፡ ወብትክ፡ እከዩ፡ መሣግሪሀ፡ እንተ፡ ትጸብአነ፡ ወአፈጽመነ፡ ዛተ፡ ሰሙነ፡ በዳኅና፡ ወበሰላም ። ወአርአዩነ፡ ብርሃነ፡ ትንሣኤከ፡ ቅድስት፡ በፍሥሐ፡ ወበሐሜት፡ በስእለት፡ ወበአስተብቀዎት፡ እንተ፡ ትገብር፡ በእንቲአነ፡ እግዝአተ፡ ኩልነ፡ ማርያም፡ ወበጸሎተ፡ ኩሎሙ፡ ቅዱሳን፡ ወሰማዕት ። ወባል፡ ዘንተ፡ ጸሎተ፡ እስከ፡ ተፍጻሜቱ ።

ወዕቀብሙ፡ በሃይማኖት፡ ርትዕት፡ በስብሐት፡ ወክብር፡ በኩሎ፡ መዋዕል፡ ሕይወቶሙ፡ ወረስዮሙ፡ ውስተ፡ ፍቅር፡ እንተ፡ ትትሌዐል፡ እምኩሎ፡ ኅሊና፡ ወእምኩሎ፡ ልቡና፡ በስእለት፡ ወበአስተብቀዎት፡ እንተ፡ ትገብር፡ በእንቲአነ፡ እግዝአተ፡ ኩልነ፡ ወላዲተ፡ አምላክ፡ ማርያም፡ ንጽሕት፡ ወቅድስት ። ወበአርባዕቱ፡ ብርሃናውያን፡ ዐበይት፡ ቅዱሳን፡ ሚካኤል፡ ወገብርኤል፡ ሩፋኤል፡ ወሱርያል፡ ወበአርባዕቱ፡ እንስሳ፡ እለ፡ እንበለ፡ ሥጋ፡ ዕሥራ፡ ወአርባዕቱ፡ ከሀናተ፡ ሰማይ፡ ወቅዱስ፡ ዮሐንስ፡ መጥምቅ፡ ዐሠርቱ፡ ወአርባዕቱ፡ እልፍ፡ ወአርብዓ፡ ምእት፡ ቅዱሳን፡ ወአበዊነ፡ ሊቃውንት፡ ሐዋርያት፡ ወቅዱስ፡ ማርቆስ፡ ወንጌላዊ፡ ሐዋርያ፡ ወሰማዕት፡ ሰብዓ፡ ወክልኤቱ፡ አርድእት፡ ሠለስቱ፡ ምእት፡ ዐሠርቱ፡ ወሰመንቱ፡ ርቱዓነ፡ ሃይማኖት፡ ወሠለስቱ፡ ደቂቅ፡ ቅዱሳን፡ ወቅዱስ፡ እስጢፋኖስ፡ ሊቀ፡ ዲያቆናት፡ ወቀዳሚ፡ ሰማዕት፡ ወቅዱስ፡ ጊዮርጊስ፡ ወቅዱስ፡ መርቆሬዎስ፡ ወቅዱስ፡ ቴዎድሮስ፡ ወቅዱስ፡ ገላውዲዎስ፡ ወቅዱስ፡ ሚናስ፡ ወቅዱስ፡ ሬቅጦር፡ ወቅዱስ፡ በፍዲሊዮስ፡ ወቅዱስ፡ ጎርጎር

ዮስ፡ ወቅዱስ፡ ባስልዮስ፡ ወቅዱስ፡ ሬላታዎስ፡ ወቅዱስ፡ ቂርቆስ፡ ወአሙ፡ ኢየሱጣ፡ ወቅዱስ፡ አባ፡ ኖብ፡ ድንግል፡ ወሰማዕተ፡ ዋሕድ፡ አዛል፡ ወመስተጋድል፡ ወቅዱስ፡ አበከረዙን፡ ወኩሎሙ፡ ቅዱሳን፡ ወሰማዕት፡ ወአብ፡ እግዚአብሔር፡ ወጸድቅ፡ እንጦንዮስ፡ ወአበዊነ፡ ቅዱሳን፡ ሠለስቱ፡ መቃርሳት፡ ወቅዱስ፡ አባ፡ ዮሐንስ፡ ኅጺር፡ ወአባ፡ ብሶይ፡ ወአባ፡ ዮሐንስ፡ ከማ፡ ወጸድቅ፡ አባ፡ ቡላ፡ ወአበዊነ፡ ቅዱሳን፡ ሮማውያን፡ መክሲሞስ፡ ወዲማቴዎስ፡ ወቅዱስ፡ ወጽኑዕ፡ አባ፡ ሙሴ፡ ወአቡነ፡ አባ፡ በርሶማ፡ ወአቡነ፡ አባ፡ ጳጳሚስ፡ ወአቡነ፡ አባ፡ ብስንዳ፡ ወአቡነ፡ አባ፡ ዮሐንስ፡ አፈ፡ ወርቅ፡ ወአርብዓ፡ ወተስዐቱ፡ ሰማዕታት፡ ወኩሎሙ፡ ለባስያነ፡ መስቀል፡ ጸድቃን፡ ወኔራን፡ ወመልአክ፡ ዛቲ፡ ዕለት፡ ቡርክት ። በረከቶሙ፡ ወጸጋ፡ ረድኤቶሙ፡ የሀሉ፡ ምስሌነ፡ ለዓለሙ፡ ዓለም፡ አሜን ።

(ይዲ)፡ እግዚአብሔር፡ የሀሉ፡ ምስሌክሙ፡ ሑሩ፡ በሰላም፡ ወንዑ፡ ወተጋብኤ፡ በጊዜ፡ በድስቱ፡ ሰዓት፡ ዘሰንዶ፡ በሌሊት፡ አሜን ።

ወይትጋብኤ፡ ከሀናት፡ በበድስቱ፡ ሰዓት፡ ሌሊት፡ ዘሰንዶ፡ ወይጸልዩ፡ ኅቡረ፡ ወዳሌሃ፡ ለእግዝአትነ፡ ማርያም፡ ዘሰብዐቱ፡ ዕለታት ። ለክ፡ ኅይል፡ እስከ፡ ተፍጻሜቱ፡ በል ። ይበል፡ መራሒ፡ (በዩ)፡ በምዕምኬ፡ ለእግዚአብሔር፡ ኩባያተ፡ ክርስቲያናት፡ ከመ፡ ዘአክበርሙ፡ ለኑሪት፡ ወለነቢያት፡ በወንጌላ፡ መንግሥት፡ እንክ፡ ይብል፡ ክርስቶስ፡ ወልደ፡ ዳዊት፡ አሜን፡ አሜን፡ እብላክሙ፡ እስከ፡ አመ፡ ዮጎልፍ፡ ሰማይ፡ ወምድር፡ የውጣ፡ እንተ፡ አሕቲ፡ ቅርጾታ፡ ወአሕቲ፡ ጎርመታ፡ እተጎልፍ፡ እምኑሪት፡ ወእምነቢያት፡ እስከ፡ ሶበ፡ ኩሎ፡ ይትገብር፡ ወይከውን፡ ይቤ፡ እግዚአብሔር፡ ዘበዕብራይስጢ፡ ልላን፡ በወንጌላ፡ ማቴዎስ፡ ብርሃን፡ ዘእምብርሃን ።

ዘኢየሱሳ፡ ነቢይ፡ በረከቱ፡ ትኩን፡ ምስሌነ፡ ለዓለሙ፡ ዓለም፡ አሜን ።

ንቅሁ፡ እንክ፡ እለ፡ ትሰትዩ፡ ወይነ፡ ብክዩ፡ ወላሕዉ፡ ኩልክሙ፡ እለ፡ ትሰትይዎ፡ ለወይን፡ ለሰከር ። እስመ፡ ተስዕሪ፡ ፍሥሐ፡ ወሐሜት፡ እምአፋክሙ፡ እስመ፡ ዐርጉ፡ አሕዛብ፡ ውስተ፡

ምድርክመ፡ ጽኑዓን ፣ ወአልበሙ፡ ጉልቀ፡ ስነኒሆሙ፡ ስነ፡ አናብስት ፣ ወኩርናዓቲሆሙ፡ ዘዕንላ ፣ አናብስት ፣ ረሰይዎ ፣ ምድረ ፣ ለወይን ዩ ፣ ወሰብሩ ፣ በለስዩ ፣ ወሐሰዩ ፣ ወፈተኑ ፣ ወገ ደፉ ፣ በዘአጸዕደወት ፣ አዕጺቂሃ ፣ ብክዩ ፣ ሊተ ፣ በእንተ ፣ መርዓት ፣ እንተ ፣ ቀነተት ፣ ሠቀ ፣ በእንተ ፣ ምታ ፣ ዘአመ ፣ ድንግልናሃ ፣ ተሰዕሪ ፣ መሥዋዕት ፣ ወሞጸሐት ፣ አምቤተ ፣ እግዚአብሔር ፣ ላሕወ ፣ አ ፣ ከሀናት ፣ አለ ፣ ትገብሩ ፣ መሥዋዕት ፣ እስመ ፣ ጎስረ ፣ ገራህት ፣ ወትላሑ ፣ ምድር ፣ እስመ ፣ ጎስረ ፣ አክል ፣ ወዩብሰ ፣ ወይን ፣ ወጠፍአ ፣ ዘይት ፣ ወተኅፍሩ ፣ ሐረስት ፣ ወበክዩ ፣ ዐቀብተ ፣ ወይን ፣ በእንተ ፣ ሥርናይ ፣ ወስገም ፣ እስመ ፣ ጠፍአ ፣ ማእረር ፣ እምገራውሀ ፣ ወዩብሰ ፣ ወይን ፣ ወጎልቁ ፣ በለስ ፣ ወይግን ፣ ወተመርት ፣ ወከል ፣ ወተሉ ፣ አቅማሐ ፣ ገዳም ፣ ዩብሰ ፣ ወተኅፍረ ፣ ፍሥሐሆሙ ፣ ለደቂቀ ፣ ዕንላ ፣ እመሕያው ፣ ላሕወ ፣ ወቅንቱ ፣ ሠቀ ፣ ከሀናት ፣ ወብክዩ ፣ አለ ፣ ትሠውዑ ፣ መሥዋዕት ፣ ሐሩ ፣ ወስክቡ ፣ ውስተ ፣ ሠቀ ፣ አለ ፣ ትሠውዑ ፣ ለእግዚአብሔር ፣ እስመ ፣ ጎልቀ ፣ መሥዋዕት ፣ ወሞጸሐት ፣ አምቤተ ፣ እግዚአብሔር ፣ ቀድሱ ፣ ጸመ ፣ ወስብኩ ፣ ምሕላ ፣ አስተጋብኡ ፣ ሊቃናተ ፣ ወተሉ ፣ ዘይነብር ፣ ውስተ ፣ ምድርክመ ፣ ወውስተ ፣ ቤተ ፣ አምላክነ ፣ ወጽርሑ ፣ ጎበ ፣ እግዚአብሔር ፣ አሌ ፣ ሊተ ፣ አሌ ፣ ሊተ ፣ ይአተ ፣ ዕለተ ፣ እስመ ፣ አልጸቀት ፣ ዕለተ ፣ እግዚአብሔር ፣ ወከመ ፣ ዝ ፣ ይአቲ ፣ እምነ ፣ መቅሠፍት ፣ ውስተ ፣ መቅሠፍት ፣ እስመ ፣ ይመጽእ ፣ በቅድመ ፣ አዕይንቲክሙ ።

(ይዲ) ፣ ቅድመ ፣ ወንጌል ፣ እምጽኦ ፣ ለእግዚአብሔር ፣ ውሉደ ፣ አማልክት ፣ እምጽኦ ፣ ለእግዚአብሔር ፣ ዕጉላ ፣ ሐራጊት ፣ እምጽኦ ፣ ለእግዚአብሔር ፣ ክብረ ፣ ወብሐሐተ ፣ እምጽኦ ፣ ለእግዚአብሔር ፣ ሰብሐት ፣ ለሰሙ ፣ ስገዳ ፣ ለእግዚአብሔር ፣ በዐጸደ ፣ መቅደሱ ፣ ቆሙ ፣ ወአጽዎው (ይክ) ፣ ወንጌል ፣ ቅዱስ ፣ ዘይነወ ፣ ማርቆስ ፣ ቃለ ፣ ወልደ ፣ እግዚአብሔር ፣ (ይሕ) ፣ ሰብሐት ፣ ለክ ፣ ክርስቶስ ።

ወንጌል ፣ ዘማርቆስ ።  
 ወበፍፍት ፣ እንዘ ፣ የዐርጉ ፣ ኢየሩሳሌም ፣ ቀደሞሙ ፣ እግዚአ ፣ ኢየሱስ ፣ ወደንገዑ ፣ ወአለሂ ፣

ተርቶ ፣ ፈርሀ ፣ ወነሥአሙ ፣ ለዐሠርቱ ፣ ወክልኤቱ ፣ ወአጎዘ ፣ ይንግርሙ ፣ ዘሀለዎ ፣ ይርከቡ ፣ ወይቤሎሙ ፣ ናሁ ፣ ነዐርግ ፣ ኢየሩሳሌም ፣ ወይእግዝዎ ፣ ለወልደ ፣ ዕንላ ፣ እመሕያው ፣ ሊቃነ ፣ ከሀናት ፣ ወጸሐፍት ፣ ወይኳንንዎ ፣ በሞት ፣ ወይሜጥውዎ ፣ ለአሕዛብ ፣ ወይሣለቁ ፣ ላዕሌሁ ፣ ወይዌርቅዎ ፣ ወይቀትልዎ ፣ ወይትንሣእ ፣ በሣልስት ፣ ዕለት ።

ድገረ ፣ ወንጌል ፣ እምሌሊት ፣ ስገዳ ።  
 አስተባብሶ ፣ ጎቤከ ፣ አ ፣ እግዚአዩ ፣ ኢየሱስ ፣ ክርስቶስ ፣ ርኢ ፣ ጎቤዩ ፣ በዐይነ ፣ ምሕረትከ ፣ ወሱጥ ፣ ውስተ ፣ ልብዩ ፣ መንፈስከ ፣ ቅዱስ ፣ ከመ ፣ ያንጽሐኒ ፣ እምኩሉ ፣ ሐሜት ፣ ከመ ፣ እንብብ ፣ ወአእምር ፣ ዘንተ ፣ ግብረ ፣ ዐቢዩ ፣ ዘምሉእ ፣ ምስጢረ ፣ ዘአመ ፣ አመርከ ፣ ኪያሁ ፣ እስመ ፣ በዕለት ፣ ዘዐረገ ፣ ውስተ ፣ ፍፍተ ፣ ኢየሩሳሌም ፣ ከሠትከ ፣ ሕማመከ ፣ ለአርዳኢከ ፣ ወትቤሎሙ ፣ ናሁ ፣ ነሐውር ፣ ኢየሩሳሌም ፣ ወናሁ ፣ ይእግዝዎ ፣ ለወልደ ፣ ዕንላ ፣ እመሕያው ፣ ሊቃነ ፣ ከሀናት ፣ ወይቀትልዎ ፣ ወይሜጥውዎ ፣ ለሞት ፣ ወይቀብርዎ ፣ ውስተ ፣ መቃብር ፣ ከመ ፣ ኩሉ ፣ ዕንላ ፣ እመሕያው ፣ ወይትንሣእ ፣ በሣልስት ፣ ዕለት ፣ ንሕነ ፣ ኩልነ ፣ ምእመናን ፣ ንጽራሕ ፣ እንዘ ፣ ንብል ፣ አ ፣ ዘሐመ ፣ በእንቲእነ ፣ አድጎነ ፣ ወመሐረነ ፣ ክርስቶስ ፣ መድኅኒ ፣ መጽአ ፣ ወሐመ ፣ ወበሕማማቲሁ ፣ ቤዘወነ ፣ ለንሰብሐኬ ፣ ወናልዕል ፣ ስሞ ፣ እስመ ፣ ውእቱ ፣ ገብረ ፣ ለነ ፣ ምሕረተ ፣ በከመ ፣ ዕባዩ ፣ ምሕረቱ ።

በተባቡት ፣ ስገተ ፣ ሌሊት ።

ዘሚክያስ ፣ ነቢይ ፣ በረከቱ ፣ ትኩን ፣ ምስሌነ ፣ ለዓለመ ፣ ዓለም ፣ አሜን ።

በእንተ ፣ ዝንቱ ፣ ከመ ፣ ዝ ፣ ይቤ ፣ እግዚአብሔር ፣ ናሁ ፣ አነ ፣ መከርኩ ፣ እኩዩ ፣ ላዕለ ፣ ዝንቱ ፣ ሕዝብ ፣ በዘኢያኒሥኡ ፣ እንከ ፣ ክሣዶሙ ፣ ወኢየሐውሩ ፣ እንከ ፣ ርቱዐ ፣ ፍፍተ ፣ እስመ ፣ ታወግሎሙ ፣ ዕለት ፣ አኪት ፣ ይአተ ፣ አሚረ ፣ ይሜስሉ ፣ ምሳሌ ፣ ላዕሌክመ ፣ ወታስቂቅወ ፣ ወትብሉ ፣ ጎሰርነ ፣ ወሐርተምነ ፣ ወይሰፍርዎ ፣ በሐ

ብል ፣ ለምድረ ፣ ሕዝብዩ ፣ ወአልቦ ፣ ዘይከልእ ፣  
 ወዘያጎድግ ፣ ወይትካረሉ ፣ ገራውሂክሙ ። ወ  
 በእንተ ፣ ዝንቱ ፣ ኢትረክቢ ፣ ዘያዕውድ ፣ ለኪ ፣  
 ሐብለ ፣ ዲቦ ፣ መክፈልትኪ ፣ ውስተ ፣ ማኅበረ ፣  
 እግዚአብሔር ። ኢትብክዩ ፣ ወኢታንብው ፣ በ  
 እንተ ፣ ዝንቱ ፣ እስመ ፣ ኢይትጎደግ ፣ ጎሳርክሙ ፣  
 ዘይቤ ። ቤተ ፣ ያዕቆብ ፣ አምዕዑ ፣ መንፈስ ፣ እ  
 ግዚአብሔር ፣ በዝንቱ ፣ ጌጋዮሙ ፣ እንዘ ፣ ነገሩ ፣  
 ሠናይ ፣ በጎቤሆሙ ። ወራትግን ፣ የሐውሩ ፣ ቦቱ ፣  
 ወይሚልዑ ፣ ቅድመ ፣ ወሕዝብዩ ፣ ተቃወምዎ ፣  
 ቅድሚያ ፣ ለሰላምሙ ፣ ወይገረርዋ ፣ ወሰለብዎ ፣  
 ኩናቶ ፣ ወአጎደግዎ ፣ ትውክልቶ ፣ ወይቀጠቅ  
 ጥዎ ፣ በውስተ ፣ ቀትል ፣ ወበበይነ ፣ ዝንቱ ፣ ይ  
 ገድፍዎሙ ፣ ለመላእክተ ፣ ሕዝብዩ ፣ እምውስ  
 ተ ፣ ትርሲተ ፣ አብያቲሆሙ ፣ ወይሰድድዎሙ ፣  
 እስመ ፣ እኩይ ፣ ምግባሮሙ ፣ ቅረቡ ፣ አድባር ፣  
 አለ ፣ እምፍጥረተ ፣ ዓለም ፣ ተንሥእ ፣ ወሐር ፣  
 እስመ ፣ ኢክነት ፣ እንቲአክ ፣ ዛቲ ፣ ዕረፍት ። በ  
 እንተ ፣ ርዙስክሙ ፣ ጠፋእክሙ ፣ ወጎለቅሙ ፣  
 ወጉዩይክሙ ፣ እንዘ ፣ አልቦ ፣ ዘይደግነክሙ ።  
 (ይገ) ፣ ቅድመ ፣ ወንጌል ፣ ሐወጽካኒ ፣ ሌሊት ፣ ወረተንገገ ፣ ለ  
 ልብዩ ፣ እመክርካኒ ፣ ወእተረክቦ ፣ ዐመገ ፣ በሳዕሌዩ ፣ ቁሙ ፣  
 ወአጽዎ (ይካ) ፣ ወንጌል ፣ ቅዱስ ፣ ዘዜነው ፣ ማርቆስ ፣ ቃ  
 ለ ፣ ወልደ ፣ እግዚአብሔር ፣ (ይሕ) ፣ ቡብሐት ፣ ለካ ፣

ወንጌል ፣ ዘማርቆስ ።

ወሐረ ፣ እግዚእ ፣ ኢየሱስ ፣ ወአርዳኢሁኒ ፣ ው  
 ስተ ፣ ሀገረ ፣ ቂርቆስ ፣ ዘፈልጶስ ፣ ወተስእሎሙ ፣  
 ለአርዳኢሁ ፣ በፍኖት ፣ ወይቤሎሙ ፣ መነ ፣ ይ  
 ብለኒ ፣ ሰብእ ፣ ወይቤልዎ ፣ ዮሐንስሀ ፣ መጥም  
 ቀ ፣ ወካልኦን ፣ ይብሉክ ፣ ኤልያስሀ ፣ አው ፣ አ  
 ሐደ ፣ እምነቢያት ፣ ቀደምት ፣ ወይቤሎሙ ፣ አ  
 ንትሙኬ ፣ መነ ፣ ትብሉኒ ፣ ከዊነ ፣ ወተሰጥዎ ፣  
 ስምዖን ፣ ጴጥሮስ ፣ ወይቤሎ ፣ አንተ ፣ ውእቱ ፣  
 ክርስቶስ ፣ ወልደ ፣ እግዚአብሔር ፣ ሕያው ፣ ወ  
 ገሠጸሙ ፣ ከመ ፣ አልቦ ፣ ዘይነግሩ ፣ ወኢለመኑ  
 ኒ ፣ በእንቲአሁ ፣ ወአኅዘ ፣ ይምሀርሙ ፣ ከመ ፣  
 ሀለዎ ፣ ለወልደ ፣ ዕንላ ፣ እመሕያው ፣ ይእኅዝ  
 ዎ ፣ ወያሐምም ፣ ብዙኅ ፣ ወይሚንንዎ ፣ ረበፍ

ወይቀትልዎ ፣ ወይትጎሣእ ፣ በሣልስት ፣ ዕለት ፣  
 ወገሃደ ፣ ነገሮሙ ፣ ዘንተ ፣ ወቀርቦ ፣ ጴጥሮስ ፣  
 ወአኅዘ ፣ ይገሥጸ ፣ ወተመይጠ ፣ ጎቦ ፣ አርዳኢ  
 ሁ ፣ ወገሠጸ ፣ ለጴጥሮስ ፣ ወይቤሎ ፣ ሐር ፣ እ  
 ምድጎሬዩ ፣ ሰይጣን ፣ እስመ ፣ ኢትጎሊ ፣ ዘእግ  
 ዘኢአብሔር ፣ ዘእንበለ ፣ ዳኢሙ ፣ ዘሰብእ ።

ድገረ ፣ ወንጌል ፣ በተሰገገገ ፣ ሰገገገ ፣ እምሌሊት ፣ ሰገገገ ።

ወሶቦ ፣ ወዕኦ ፣ እግዚእ ፣ ኢየሱስ ፣ ተዕኢሎሙ ፣  
 ለአርዳኢሁ ፣ በፍኖተ ፣ ቂርቆስ ፣ ዘፈልጶስ ፣ ነ  
 ገሮሙ ፣ ገሃደ ፣ በእንተ ፣ ዘይከውን ፣ ሎቱ ፣ በ  
 ኢየሩሳሌም ፣ ወይደሉ ፣ ውእቱ ፣ ከመ ፣ ይትፈ  
 ጸም ፣ ዘጽሑፍ ፣ ከመ ፣ ወልደ ፣ እግዚአብሔር ፣  
 ይትዌከፍ ፣ ሕማማተ ፣ ብዙኃተ ፣ ወይትሚነን ፣  
 እምጸሐፍት ፣ ወሊቃናተ ፣ አይሁድ ፣ ወእምድ  
 ጎረ ፣ ዘይትዌከፍሙ ፣ ይትጎሣእ ፣ እሙታን ፣ በ  
 ሣልስት ፣ ዕለት ፣ እስመ ፣ ዝንቱ ፣ ውእቱ ፣ እብ  
 ን ፣ ዘመነንዎ ፣ ነደቅት ፣ በከመ ፣ ጽሑፍ ፣ ውክ  
 ተ ፣ መጻሕፍት ፣ ያወርድ ፣ ዲቤሆሙ ፣ መዓተ ፣  
 ዐቢዩ ፣ ወያንጎሎሙ ፣ በመዓቱ ፣ ይሰወጥ ፣ ጎፍ  
 ረት ፣ ውስተ ፣ ገጸቲሆሙ ፣ እስመ ፣ እሙንቱ ፣  
 ፈደይዎ ፣ እኪተ ፣ ህዩንተ ፣ ሠናይት ፣ ወለእለ ፣  
 ይትኤዘዙ ፣ ወየአምኑ ፣ ቦቱ ፣ ይሁብሙ ፣ ፍሥ  
 ሓ ፣ ዘኢይማስን ፣ ክርስቶስ ፣ መድኅኒን ፣ መጽ  
 አ ፣ ወሐመ ፣ ወበሕማማቲሁ ፣ አድኅነን ።

በዐሠርቱ ፣ ወአሐዱ ፣ ሰገገገ ፣ ሌሊት ፣ ዘሰጉይ ።

ዘሚክያስ ፣ ነቢይ ፣ በረከቱ ፣ ትኩን ፣ ምስሌነ ፣  
 ለዓለመ ፣ ዓለም ፣ አሜን ።  
 ወይብል ፣ ስምዑ ፣ ዘንተ ፣ መኳንንተ ፣ ቤተ ፣ ያ  
 ዕቆብ ፣ ወተረፈ ፣ ቤተ ፣ እስራኤል ፣ አክኑ ፣ ለ  
 ክሙ ፣ አእምሮ ፣ ፍትሕ ፣ እለ ፣ ትጻልኩ ፣ ሠና  
 ዩ ፣ ወተጎሥሡ ፣ እኩዩ ፣ ወትመሥጥዎሙ ፣ አም  
 እስቲሆሙ ፣ እምላዕሌሆሙ ፣ ወሥጋሆሙኒ ፣ እ  
 ምውስተ ፣ አዕዕምቲሆሙ ፣ ወበከመ ፣ በልዑ ፣  
 ሥጋሆሙ ፣ ለሕዝብዩ ፣ ወአውዕኩ ፣ አምእስቲ  
 ሆሙ ፣ እምውስተ ፣ አዕዕምቲሆሙ ፣ ወገመዱ ፣  
 መሌሊቶሙ ፣ ከመ ፣ ሥጋ ፣ ውስተ ፣ ጽህርት ፣

ይጸርሱ ፡ ጎበ ፡ እግዚአብሔር ፡ ወኢይሰምዖ  
ሙ ፡ ወይመደግ ፡ ገጸ ፡ እምኔሆሙ ፡ ይእት ፡ አ  
ሚረ ፡ እስመ ፡ አሕሠሙ ፡ ገቢረ ፡ ላዕሌሆሙ ።

ሃይማኖት ፡ አበው ።

ይቤሉ ፡ ሠለስቱ ፡ ምእት ፡ ዐሠርቱ ፡ ወሰመንቱ ፡  
ርቱዓነ ፡ ሃይማኖት ። ንሕነሰ ፡ ንብል ፡ እስመ ፡  
ወልደ ፡ እግዚአብሔር ፡ ውእቱ ፡ ቀዳማዊ ፡ በ  
ኩሉ ፡ አዝማን ፡ ወመዋዕል ፡ ህልው ፡ ምስለ ፡  
አብ ፡ በከመ ፡ አቅደሙ ፡ ወጸሐፉ ። አልቦ ፡ ዘ  
መን ፡ ወመዋዕል ፡ ዘኢህሎ ፡ ወልድ ፡ ምስለ ፡  
አብ ፡ አላ ፡ በኩሉ ፡ ዘመን ፡ ወመዋዕል ። እስ  
መ ፡ ለወልድ ፡ ቦቱ ፡ አብ ፡ ኄር ፡ ወኢይትከ  
ህል ፡ ከመ ፡ የሀሉ ፡ አብ ፡ ዘመነ ፡ ዘእንበለ ፡  
ወልዱ ፡ ወይሰመይ ፡ እምድኅረ ፡ ዝ ፡ አበ ፡ ዘ  
ውእቱ ፡ ረባሕ ። ዳእሙ ፡ አብሂ ፡ ህልው ፡ በኩ  
ሉ ፡ አዝማን ፡ ወመዋዕል ። ወልድሂ ፡ ህልው ፡  
በኩሉ ፡ አዝማን ፡ በከመ ፡ አቅደምን ፡ ወንቤ ፡  
ከመ ፡ ውእቱ ፡ ኢተገብረ ፡ አላ ፡ ውእቱ ፡ ተወ  
ልደ ። ወውእቱ ፡ ቀዳማዊ ፡ ምስለ ፡ አብ ፡ እም  
ቀዳሙ ፡ በከመ ፡ አቅደሙ ፡ ወጸሐፉ ፡ በእን  
ተ ፡ አብ ፡ ወወልድ ። ወበእንተ ፡ መንፈስ ፡ ቅ  
ዱስሂ ፡ ከመ ፡ ዝ ፡ ነአምን ፡ ከመ ፡ መንፈስ ፡ ቅ  
ዱስ ፡ ውእቱ ፡ መንፈስ ፡ እግዚአብሔር ፡ መን  
ፈስ ፡ ፍጹም ፡ ጳራቅሊጦስ ፡ ውእቱ ፡ ዘኢተገ  
ብረ ፡ ነባቢ ፡ በውስተ ፡ ሕግ ፡ ወነቢያት ፡ ወሐ  
ዋርያት ። ወወረደ ፡ ላዕለ ፡ መድኅኒን ፡ በውስ  
ተ ፡ ዮርዳኖስ ፡ በከመ ፡ ሥርዐት ፡ በእንተ ፡ ክ  
ዋኔሁ ፡ ለወልድ ፡ በውስተ ፡ ሰብእ ። ነአምን ፡  
ከመ ፡ ዝ ፡ እስመ ፡ ውእቱ ፡ ነሥኦ ፡ ሥጋ ፡ ፍ  
ጹመ ፡ እምእግዝእትን ፡ ቅድስት ፡ ድንግል ፡ ማ  
ርያም ፡ ወላዲተ ፡ አምላክ ፡ እመንፈስ ፡ ቅዱስ ፡  
ወአክ ፡ እምዘርዐ ፡ ሰብእ ፡ ቦቱ ፡ ሥጋ ፡ ወነፍ  
ስ ፡ ዘበአማን ። አኮ ፡ በኅሊና ፡ ወከመ ፡ ዝ ፡ ያ  
ድኅን ፡ በፍጹም ፡ ሰብኦ ፡ ሐመ ። ወካዕበ ፡ ይ  
ቤ ፡ ቅዱስ ፡ ባስልዮስ ፡ እንዘ ፡ ይተረጉም ፡ ቃ  
ለ ፡ ሰሎሞን ፡ ዘይቤ ፡ እስመ ፡ እግዚአብሔር ፡  
ፈጠረኒ ፡ ቀዳሜ ፡ ኩሉ ፡ ተግባሩ ። ዝንቱ ፡ ው  
እቱ ፡ አሐዱ ፡ እግዚእ ፡ ቃለ ፡ እግዚአብሔር ፡  
አብ ፡ ዘይብል ፡ አነ ፡ ውእቱ ፡ ፍኖተ ፡ ጽድቅ ፡

ወሕይወት ፡ ወአልቦ ፡ ዘይመጽእ ፡ መትሂ ፡ ጎበ ፡  
አብ ፡ ዘእንበለ ፡ ብዩ ። ወዓዲመ ፡ ለሊሁ ፡ ይ  
ቤ ፡ በአፈ ፡ ነቢይ ፡ እግዚአብሔር ፡ ፈጠረኒ ፡ ወ  
ረሰየኒ ፡ መቅድመ ፡ ተግባሩ ። ይብል ፡ ዘንተ ፡  
በእንተ ፡ ልደቱ ፡ በሥጋ ፡ ከመ ፡ ውእቱ ፡ ፍጹ  
ር ፡ ወግቡር ፡ በከመ ፡ ጽሑፍ ። እስመ ፡ ብእሴ ፡  
ተወልደ ፡ እምጎበ ፡ እግዚአብሔር ። ወካዕበ ፡ ይ  
ቤ ፡ ወለዱ ፡ ደቂቀ ፡ ወአዋልደ ፡ ዳዊትኒ ፡ ይብ  
ል ፡ ልበ ፡ ንጹሐ ፡ ፍጥር ፡ ሊተ ፡ እግዚእ ፡ ወ  
ኢኅሠሠ ፡ ምንተኒ ፡ ዘእንበለ ፡ ዳእሙ ፡ ንጽሐ  
ልብ ። ወዓዲ ፡ ይብል ፡ መንፈስ ፡ ርቱዐ ፡ ሐድ  
ስ ፡ ውስተ ፡ ከርሥዩ ፡ ወኢዘከረ ፡ ካልኦ ፡ ፍጥ  
ረተ ፡ እለኒ ፡ ተፈጥሩ ፡ ይእዜ ፡ ሐዲሳን ፡ እሙ  
ንቱ ፡ ህለዉ ፡ በምግባር ፡ ርቱዕ ። ይትበህል ፡ ዝ  
ንቱ ፡ ትርጓሜ ፡ በእንተ ፡ ትስብእቱ ፡ ለመድኅ  
ን ፡ እስመ ፡ ፍጹር ፡ ውእቱ ። ወአኮ ፡ በእንተ ፡  
መለኮቱ ። ሰሎሞንኒ ፡ ተናገረ ፡ ዘንተ ፡ በእንተ ፡  
ጥብብ ፡ ዘህለዋ ፡ ታስተርኢ ፡ በሥጋ ። ወለዛቲ ፡  
ዘከራ ፡ ጳውሎስ ፡ ሐዋርያ ፡ እንዘ ፡ ይብል ፡ እ  
ስመ ፡ በጥበቡ ፡ ለእግዚአብሔር ፡ ኢያእመሮ ፡  
ዓለም ፡ በጥበብ ። እስመ ፡ ዝንቱ ፡ ነገር ፡ ዘተና  
ገረ ፡ ሰሎሞን ፡ ውስተ ፡ ነገረ ፡ ምሳሌ ፡ ወምሳ  
ሌሂ ፡ ተዛውዖ ፡ ውእቱ ፡ ወአኮ ፡ ከመ ፡ ነገረ ፡  
ትንቢት ። እመስ ፡ ለሊሁ ፡ ወልደ ፡ እግዚአብ  
ሔር ፡ ይቤ ፡ እስመ ፡ እግዚአብሔር ፡ ፈጠረኒ ፡  
ለምንትኑ ፡ ይትመለክ ፡ እንከ ፡ እስመ ፡ ብሂለ ፡  
ወለደኒ ፡ ይተረጎም ፡ በወልደ ፡ እግዚአብሔር ፡  
ወብሂለ ፡ ፈጠረኒ ፡ በእንተ ፡ ትስብእቱ ። ወኢ  
ንሬስዮ ፡ ለዝንቱ ፡ ወልድ ፡ ዋሕድ ፡ ክልኤተ  
ወኢንቤ ፡ ከመ ፡ መለኮቱ ፡ በህላዌሁ ፡ ወትስብእ  
ት ፡ በህላዌሁ ። አላ ፡ ንብል ፡ አሐዱ ፡ ህላዌ ፡  
ወአሐዱ ፡ አካል ። ወጲጥሮስሂ ፡ ሐዋርያ ፡ ኢዘ  
ከረ ፡ ክልኤተ ፡ ህላዌ ። ወባሕቱ ፡ አምነ ፡ ወይ  
ቤ ፡ ከመ ፡ ክርስቶስ ፡ ተሰቅለ ፡ በእንቲአነ ፡ በሥ  
ጋ ። ወዓዲ ፡ በእንተ ፡ ልደቱ ፡ በሥጋ ፡ አብሠሮ  
ሙ ፡ መልአክ ፡ ለኖሎት ፡ እንዘ ፡ ይብል ፡ ናሁ ፡  
ተወልደ ፡ ለክሙ ፡ ዮም ፡ መድኅን ፡ ዘውእቱ ፡  
እግዚእነ ፡ ክርስቶስ ፡ ወብሂሎቱ ፡ ዮም ፡ ተወል  
ደ ፡ ለክሙ ። አኮ ፡ ጥንተ ፡ ህልዎቱ ፡ እስመ ፡

ህልው ፡ ውእቱ ፡ እምቅድመ ፡ ዓለም ፤ አላ ፡ ክ  
 ሠተ ፡ ይተረጎም ፡ ከመ ፡ ወልድ ፡ ዘሀሎ ፡ እምቅ  
 ድመ ፡ ዓለም ፡ ተወልደ ፡ ዮም ፡ ከዊኖ ፡ ብእሴ ።  
 ወከዕበ ፡ ይቤ ፡ በውስተ ፡ አብረክሱስ ፡ ዝ ፡ ው  
 እቱ ፡ ክርስቶስ ፡ ዘሰቀልዎ ። ወበጎበ ፡ ዐላውያን  
 ሰ ፡ ይትበህል ፡ እስመ ፡ በጊዜ ፡ ልደቱ ፡ ለወል  
 ድ ፡ በሥጋ ፡ ኮነ ፡ ህላዌሁ ፡ ለቃል ፡ ረከበሙ ፡  
 ምክንያተ ፡ እምቃለ ፡ ሰሎሞን ፡ ነቢይ ፡ ዘይቤ ፡  
 እግዚአብሔር ፡ ፈጠረኒ ። ውእቱስ ፡ ይቤ ፡ በእን  
 ተ ፡ ልደቱ ፡ በሥጋ ፤ ወእመ ፡ ዘኮነ ፡ ዘከመ ፡ ንብ  
 በሙ ፡ ከንቱ ። ዘሰ ፡ ተብህለ ፡ ከመ ፡ ውእቱ ፡ ተ  
 ወልደ ፡ ውእቱ ፡ ዓዲ ፡ ኢየሱስህ ፡ ተሰምየ ፤ ወ  
 ለሊሁ ፡ ተሰቀለ ። በእንተ ፡ ህላዌሁስ ፡ እምትካ  
 ት ፡ ለቃል ፡ እግዚአብሔር ፡ ይቤ ፡ ዳዊት ፡ ነቢይ ፡  
 ይቤሎ ፡ እግዚእ ፡ ለእግዚእየ ፡ ንበር ፡ በየማንየ ።  
 ጳውሎስሂ ፡ ይቤ ፡ እስመ ፡ ክርስቶስ ፡ ጎይላ ፡  
 እግዚአብሔር ፡ ወቃለ ፡ እግዚአብሔር ። ሙሴ  
 ኒ ፡ ነቢይ ፡ ይቤ ፤ ወይቤ ፡ እግዚአብሔር ፡ ንግ  
 በር ፡ ሰብአ ፡ በአርአያነ ፡ ወበአምሳሊነ ። ወዓ  
 ዲ ፡ ይቤ ፡ ወገብር ፡ እግዚአብሔር ፡ ለአዳም ፡  
 በአምሳሊ ፡ እግዚአብሔር ። ወዓዲ ፡ ይቤ ፡ አዳ  
 ም ፡ ኮነ ፡ ከመ ፡ አሐዳ ፡ እምኔነ ። ወዓዲ ፡ ይ  
 ቤ ፡ ወአዝነመ ፡ እግዚአብሔር ፡ እሳተ ፡ እምጎ  
 በ ፡ እግዚአብሔር ። ዳዊትኒ ፡ ይቤ ፡ አምጽኡ ፡  
 ለእግዚአብሔር ፡ ውሉደ ፡ አማልክት ። ዮሐንስ  
 ኒ ፡ ወንጌላዊ ፡ ይቤ ፡ ቀዳሚሁ ፡ ቃል ፡ ውእቱ ።  
 ወውእቱ ፡ ቃል ፡ ጎበ ፡ እግዚአብሔር ፡ ውእቱ ።  
 ወእግዚአብሔር ፡ ውእቱ ፡ ቃል ። ወከማሁ ፡ ቀዳ  
 ሚሁ ፡ እምቀዳሙ ፡ ጎበ ፡ እግዚአብሔር ፡ ውእ  
 ቱ ። ወኩሉ ፡ ቦቱ ፡ ኮነ ፡ ወዘእንበሌሁስ ፡ አልቦ ፡  
 ዘኮነ ፡ ወኢምንትኒ ። ወቶማስ ፡ ሐዋርያ ፡ ይቤ  
 ሎ ፡ እግዚእየ ፡ ወአምላኪየ ። ወለዝንቱ ፡ ነገር ፡  
 ዘተናገርነ ፡ ንእነ ፡ ይቤልዎ ፡ ዐላውያን ፡ በእን  
 ተ ፡ ዓለም ፡ ወፍጡራን ፡ ወበእንተ ፡ አማልክተ ፡  
 ሐሰት ፡ እለ ፡ ተገብሩ ፡ በአደ ፡ ዕገለ ፡ እመሕያ  
 ው ። ወኢየአምሩ ፡ ጽድቀ ፡ ወኢየአምኑ ፡ በአ  
 ምላክ ፡ ጽድቀ ፡ አብ ፡ አኃዜ ፡ ኩሉ ፡ ወወልዳ ፡  
 ዋሕድ ፡ ኢየሱስ ፡ ክርስቶስ ፡ ወመንፈሱ ፡ ቀዳ  
 ስ ፡ ማሕየዊ ። በረከቶሙ ፡ ለእሉ ፡ መምህራን ፡

የሀሉ ፡ ምስሌነ ፡ ለዓለመ ፡ ዓለም ፡ አሜን ።  
 ምንተነ ፡ አዕባኪ ፡ በል ። (ደክ) ፡ ኩሉ ፡ መቅድመ ፡ በዝመ ፡  
 ቀዳሚ ።  
 ተአምሪጎ ፡ ለእግዝእትነ ፡ ቅድስት ፡ ድንግል ፡ በ  
 ክልኤ ፡ ማርያም ፡ ወላዲታ ፡ አምላክ ፡ ዘከመ ፡  
 ታስተርኢ ፡ በውስተ ፡ ደብረ ፡ ማህው ፡ ወትገብ  
 ር ፡ ተአምራት ፡ ወመንክራት ። ጸሎታ ፡ ወበረከ  
 ታ ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።  
 ወሀሎ ፡ በሀገረ ፡ ኢየሩሳሌም ፡ መንገል ፡ ሔኖነ ፡  
 በቅሩብ ፡ ሳሌም ፡ በማዕድታት ፡ ዮርዳኖስ ፡ እንተ ፡  
 ህየ ፡ ይነብር ፡ ደብር ፡ ዘስሙ ፡ ማህው ፡ እንተ ፡  
 ዐውዱ ፡ ክፉል ፡ ፈለግ ፡ ይምን ፡ ወፅግመ ፡ ወእን  
 ተ ፡ መልዕልቲሁ ፡ ዐዘቅተ ፡ ማይ ፡ ዘአውሐዘ ፡ እ  
 ግዚእነ ፡ አመ ፡ ነበረ ፡ ህየ ፡ ሠሉስ ፡ መዋዕል ፡ ወ  
 ሠሉስ ፡ ለያልየ ፡ ምስለ ፡ ማርያም ፡ እሙ ፡ ወሰ  
 ሎሜ ፡ ወዮሴፍ ፡ አመ ፡ ይገብይ ፡ እምሄሮድስ ፡  
 ወደየ ፡ በረከቶ ፡ ውስተ ፡ ይእቲ ፡ ዐዘቅት ። ወኮ  
 ነ ፡ ፈውሰ ፡ ለሕሙማን ፡ ወለድወያን ፡ ለእለ ፡  
 ይጽሕቁ ፡ በአሚን ፤ ወዐዘቅት ፡ ቅዱስ ፡ ሀሎ ፡ እ  
 ስከ ፡ ዮም ፡ ያሐይዎሙ ፡ ለቀሱላን ፡ ወይፌው  
 ሰሙ ፡ ለድወያን ። ወይገብር ፡ ፈቃድሙ ፡ ለእ  
 ለ ፡ ዮጎሥሥዎ ፡ በአሚን ፡ ለክርስቶስ ። ወሀሎ ፡  
 ዮሐንስ ፡ ያስተርኢ ፡ ውስተ ፡ ውእቱ ፡ ደብር ፡  
 ለለ ፡ ኩሉ ፡ ዓመት ፡ አመ ፡ ዐሠሩ ፡ ወሰነዮ ፡  
 ለወርጎ ፡ ጎዳር ፡ በዕለተ ፡ በዓሉ ፡ ለልቀ ፡ መላ  
 እክት ፡ ሚካኤል ፡ ወይትናቡብ ፡ ምስለ ፡ ሕዝብ ፡  
 ጎሩያን ፡ እስከ ፡ ዮም ። ዮሐንስ ፡ ዘንቤ ፡ ዘውእ  
 ቱ ፡ እንሁ ፡ ለእግዚእነ ፡ በሥጋ ። ወእግዝእትነ ፡  
 ቅድስት ፡ ድንግል ፡ በክልኤ ፡ ማርያም ፡ ወላዲ  
 ታ ፡ አምላክ ፡ ሀለወት ፡ ታስተርኢ ፡ ውስተ ፡ ው  
 እቱ ፡ መካን ፡ አመ ፡ ዐሠሩ ፡ ወሰነዮ ፡ ለወርጎ ፡  
 ጥር ፡ ወትገብር ፡ ተአምረ ፡ ወመንክረ ፡ በህየ ፡ ወ  
 ስወር ፡ እምአዕይንተ ፡ አረማውያን ፡ ወክሠት ፡  
 ለሕዝብ ፡ ክርስቲያን ። ኦ ፡ እግዝእትየ ፡ ቅድስ  
 ት ፡ ድንግል ፡ በክልኤ ፡ ማርያም ፡ ወላዲታ ፡ አ  
 ምላክ ፡ በከመ ፡ አስተርኢይኪ ፡ በውስተ ፡ ደብ  
 ረ ፡ ማህው ፡ ከማሁ ፡ አስተርኢይነ ፡ ለነ ፡ ለእግ  
 ብርትኪ ። ጸሎታ ፡ ወበረከታ ፡ የሀሉ ፡ ምስሌነ ፡  
 ለዓለመ ፡ ዓለም ፤ አሜን ።



ተአምሪሁ ፡ ለእግዚአብሔር ፡ ወአምላክነ ፡ ወመድኅ  
 ኒነ ፡ ኢየሱስ ፡ ክርስቶስ ፡ ዘከመ ፡ አሰራዎሙ ፡  
 ተሰፋ ፡ ተአምራት ፡ ዘይትገበር ፡ በእደዊሆሙ ፡  
 ላዕለ ፡ ድወያን ፡ ወምወታን ፡ ወዘከመ ፡ ይት  
 ኤዘዙ ፡ አጋንንት ፡ ለዐሠርቱ ፡ ወክልኤቱ ፡ ሐ  
 ዋርያት ፡ ሣህሉ ፡ ወምሕረቱ ፡ የሀሉ ፡ ምስሌነ ፡  
 ለዓለመ ፡ ዓለም ፤ አሜን ።

ነጽሩ ፡ አ ፡ አኅወዳዥ ፡ ነፍሰክሙ ፡ እምቅድመ ፡  
 ምንዳቤ ፡ ወእምቅድመ ፡ ዕለተ ፡ ድቀት ፡ ተዐቀ  
 ቡ ፡ እምውሉደ ፡ ቄዳር ፡ ጸሊም ፡ ኢየሱስሕቱክ  
 ሙ ፡ እስመ ፡ ሀለዎሙ ፡ ያስሕቱ ፡ ብዙኃነ ፡ ሰ  
 ብአ ፡ በሕልደን ፡ ዘወርቅ ፡ ወዘብሩር ፡ አእምሩ ፡  
 እስመ ፡ ጊዜ ፡ ዘይከውን ፡ ቦቱ ፡ ጊዜያት ፡ በከ  
 ሙ ፡ እቤለክሙ ፡ ወክዕብ ፡ ቦቱ ፡ ይድኅን ፡ በወ  
 ርቅ ፡ ጽሩይ ፡ እምነ ፡ ደነስ ፡ ኢትፍትወ ፡ ንዋየ ፡  
 ዝንቱ ፡ ዓለም ፤ ወኢትጽሩ ፡ ውስተ ፡ ቀሩሳጣቲ  
 ክሙ ፡ ወርቅ ፡ ውብሩረ ፡ ወኢፀራይቀ ፤ ወኢተ  
 አኅዙ ፡ በእደክሙ ፡ በትረ ፡ ለእመ ፡ ሐርክሙ ፡  
 በፍኖት ፡ ወኢታብዝኑ ፡ አልባስ ፡ ወኢትረስዩ ፡  
 በአእጋሪክሙ ፡ አሣኒ ፡ ወየአክለክሙ ፡ አሐዱ ፡  
 ልብስ ፡ ዘይከደን ፡ ሥጋክሙ ፤ ኢትእመኑ ፡ ኅይ  
 ሎሙ ፡ ለእለ ፡ በሙ ፡ መጥባሕት ፡ እስመ ፡ ኢይ  
 ሠምር ፡ አነ ፡ በዝንቱ ፡ አኮ ፡ ዘእስሕብ ፡ አሕዛ  
 በ ፡ ኅቤክሙ ፡ በመዊአ ፡ ንጉሥ ፤ ወባሕቱ ፡ በገ  
 ቢረ ፡ ተአምራት ፡ ዘሀለወክሙ ፡ ትግበሩ ፤ እስመ ፡  
 አጋንንትኒ ፡ ይሰምዑ ፡ ወይትኤዘዙ ፡ ለክሙ ፡ ወ  
 ይገቡይዩ ፡ እምቅድሜክሙ ፡ ወበእደዊክሙ ፡ ይ  
 ትፊሬወሱ ፡ ድወያን ፡ ወእለ ፡ ለምጽሃ ፡ ይነጽሑ ፤  
 ወበጸሎትክሙ ፡ ይትነሥኡ ፡ ምወታን ፡ እስከ ፡  
 ሰማያት ፡ ወምድር ፡ ያጸምዑ ፡ ቃለክሙ ፡ ወይት  
 ኤዘዙክሙ ፡ መላእክትሂ ፡ የዐውዱክሙ ፡ ወነገ  
 ሥት ፡ ይፈርህክሙ ፡ ሐሩ ፡ ውስተ ፡ ከሉ ፡ አ  
 ሕዛብ ፡ ወጠቢባን ፡ ወነገሥት ፡ እለ ፡ ሀለወ ፡ ው  
 ስተ ፡ ዓለም ፤ ወመሀርዎሙ ፡ ከመ ፡ ይእመኑ ፡ ብ  
 ዩ ፡ እስመ ፡ አነሂ ፡ እሂሉ ፡ ምስሌክሙ ፡ ወአኄ  
 ይለክሙ ፡ ኢትፍርህዎሙ ፡ ለነገሥት ፡ ወኢታ  
 ድልወ ፡ ወኢትትኤዘዙ ፡ ለቃሎሙ ፡ አንትሙ  
 ሰ ፡ ስብኩ ፡ ውስተ ፡ ከሉ ፡ አጽናፈ ፡ ምድር ፡ እ  
 ንዝ ፡ ትብሉ ፡ ቀርቦት ፡ እምኔክሙ ፡ መንግሥተ ፡

ሰማያት ፡ ኢትጉዩዩ ፡ እምዘዩኅሥሁክሙ ፡ ወለ  
 እመ ፡ አስተባባሪክሙ ፡ አሕዛብ ፡ ተፈሥሐ ፡ እ  
 ስመ ፡ ኢየሱስክሙ ፡ ወለእመ ፡ ቆምክሙ ፡ ቅ  
 ድመ ፡ ነገሥት ፡ ወጠቢባን ፡ ኢተገልዩ ፡ ዘትነብ  
 ቡ ፡ እስመ ፡ እሁብክሙ ፡ ቃለ ፡ ወጥበባ ፡ እስከ ፡  
 ይመውእ ፡ እበድክሙ ፡ ጥበባሙ ፡ ለጠቢባን ፡  
 አእምሩ ፡ እስመ ፡ ኢይትሀገጋል ፡ እምእለ ፡ ተጠ  
 ምቁ ፡ በስምዩ ፡ ዘእንበለ ፡ ፍሬሁ ፡ ለዲያብሎስ ፡  
 እኩይ ፡ ባኡ ፡ ኅበ ፡ ነገሥት ፡ ወስብኩ ፡ ቅድሜ  
 ሆሙ ፡ በስምዩ ፤ ወኢትፍርህ ፡ ከነኔሆሙ ፡ ወተ  
 ዐገሡ ፡ በምንዳቤ ፡ ዘይበጽሐክሙ ፡ እምኔሆሙ ፤  
 እስመ ፡ እሬስዩክሙ ፡ ከሉ ፡ ፍጥረት ፡ ይትእዘ  
 ዙ ፡ ለቃልክሙ ፡ ስብኩ ፡ ውስተ ፡ ባሕር ፡ ወየ  
 ብስ ፡ እስመ ፡ ሰማያት ፡ ወምድር ፡ ይሰምዑክሙ ፡  
 ወየዐልወ ፡ ንባባሙ ፤ ወመላእክትዩኒ ፡ ይወርዱ ፡  
 እምሰማይ ፡ ያክብሩክሙ ፡ ወይትራድኡክሙ ፡  
 ሣህሉ ፡ ወምሕረቱ ፡ የሀሉ ፡ ምስሌነ ፡ ለዓለመ ፡  
 ዓለም ፤ አሜን ።

እመ ፡ ትመጽእ ፡ በላ ፤ ወከሉ ፡ ሥርዐተ ፡ ከመ ፡ ቀዳሚ ፡  
 (ይዲ) ፡ ቅድመ ፡ ወንጌል ፤ ዘይባልሕን ፡ እምጸላእትዩ ፡ ምን  
 ስዋን ፡ ወዘያሌዕለን ፡ እምእለ ፡ ቆሙ ፡ ላዕሊዩ ፤ እምብእሲ ፡  
 ገፋዲ ፡ ባልሕን ፡ ቆሙ ፡ ወአጽምዑ ፡ በላ ፡ (ይካ) ፡ ወንጌል ፡  
 ቅዱስ ፡ ዘዜነወ ፡ ማቴዎስ ፡ ቃለ ፡ ወልደ ፡ እግዚአብሔር ።

ወንጌል ፡ ዘማቴዎስ ፡

ወእምዝ ፡ መጽሐ ፡ ኅቤሁ ፡ አርዳኢሁ ፡ ባሕቲ  
 ቶሙ ፡ ወይቤልዎ ፡ ለእግዚአ ፡ ኢየሱስ ፡ በእን  
 ተ ፡ ምንት ፡ ንሕነ ፡ ስእነ ፡ አውዕአቶ ፤ ወይቤሎ  
 ሙ ፡ እግዚአ ፡ ኢየሱስ ፡ በእንተ ፡ ሕጻተ ፡ ሃይ  
 ማኖትክሙ ፡ አማን ፡ እብለክሙ ፡ እመ ፡ ብክ  
 ሙ ፡ ሃይማኖት ፡ መጠነ ፡ ኅጠተ ፡ ሰናፔ ፡ ወት  
 ብልዎ ፡ ለዝንቱ ፡ ደብር ፡ ፍልስ ፡ እምዝዩ ፡ ከ  
 ሃከ ፡ ወይፊልስ ፤ ወአልቦ ፡ ዘይሰአነክሙ ፡ ምን  
 ትኒ ፡ ወዝንቱ ፡ ዘመድ ፡ ኢይወዕእ ፡ ዘእንበለ ፡  
 በጸም ፡ ወበጸሎት ፡ ወእንዝ ፡ ያንሲሱ ፡ ውስተ ፡  
 ገሊላ ፡ ተመይጦሙ ፡ እግዚአ ፡ ኢየሱስ ፡ ወይ  
 ቤሎሙ ፡ ለአርዳኢሁ ፡ ሀለዎ ፡ ለወልደ ፡ ዕጋለ ፡  
 እመሕያው ፡ ይባእ ፡ ውስተ ፡ እደ ፡ ሰብእ ፡ ኃጥ  
 አን ፡ ወይቀትልዎ ፡ ወአመ ፡ ሣልስት ፡ ዕለት ፡  
 ይትነሣእ ።

ድገረ፣ ወንጌል፣ በወርቅ፣ ወአሐዳ፣ ሰዓት፣ እምሌሊት፣ ሰንይ።  
 አጽምዑ፣ ጎበ፣ መስተሣህል፣ ወሠናይ፣ በዓለ፣  
 ጎሩት፣ ወምሕረት፣ ይሴብሕ፣ ጸሎተ፣ ወያኩብ  
 ር፣ ጸመ፣ እስመ፣ እሙንቱ፣ መሠረተ፣ ትሩፋ  
 ት። ወተስእልዎ፣ አርዳኢሁ፣ ወይቤልዎ፣ በእን  
 ተ፣ ምንት፣ ዘኢክህልነ፣ ከመ፣ ናው፣ ፅኦ፣ ለሰይ  
 ጣን። ወውእቱ፣ ይቤሎሙ፣ በእንተ፣ ሕጸተ፣ ሃ  
 ይማኖትክሙ፣ አበዩ፣ ሰይጣን፣ ከመ፣ ይፃእ። እ  
 ብለክሙ፣ ይቤ፣ እግዚአብሔር፣ እስመ፣ ለእመ፣  
 ከነ፣ ለክሙ፣ ሃይማኖት፣ ህዩ፣ እመ፣ ትብልዎ፣  
 ለዝንቱ፣ ደብር፣ ፍልስ፣ እምዝዩ፣ ወበጊዜሃ፣  
 ፍጡነ፣ ይሰምዕ፣ እምኔክሙ፣ ወኢዩዐጽበክሙ፣  
 ምንትኒ፣ እስመ፣ ኩሉ፣ ይትከህል፣ ለምእመና  
 ን። ወናጥሪ፣ ለነ፣ ተስፋ፣ ዐቢዩ፣ ወሃይማኖተ፣  
 ዘበአማን፣ ዘእንበለ፣ ኑፋቄ፣ ወንትቃሐው፣ ው  
 ስተ፣ ፍቅር፣ ዘልዕልት፣ ላዕለ፣ ኩሉ። እስመ፣  
 ፍቅር፣ ያስተአምን፣ በኩሉ። ወናዝልፍ፣ ጸሎ  
 ተ፣ ወናፍቅር፣ ጸመ፣ ከመ፣ ንትመጠ፣ ተስፋ  
 ሆሙ። ክርስቶስ፣ መድኅኒን፣ መጽአ፣ ወሐመ፣  
 ወበሕማማቲሁ፣ አድኅነን።

ጸልዩ፣ በእንተ፣ ጽንዑ፣ ዛቲ፣ በል፣ ክርስቶስ፣ አምላክነ፣ በ  
 ል፣ ሰላም፣ ለኪ፣ ማርያም፣ ውድሰት፣ በል፣ ስብሐት፣ ለክ  
 ተዘክርኩ፣ በሌሊት፣ በል፣ ግናይ፣ ለክሙ፣ ሥሎስ፣ ቅዱስ፣  
 አዕማደ፣ ብሩህ፣ እሳት፣ በል፣ ስብሐት፣ ለእግዚአብሔር፣ በ  
 ል፣ ጸሎተ፣ ሃይማኖት፣ ለዛቲ፣ ግብረ፣ ሕማማት፣ ኦ፣ ማኅበ  
 ፊኒህ፣ ለኢየሱስ፣ ክርስቶስ፣ በል፣ ነግ፣ በግዑ፣ ወዕቀቦሙ፣  
 በል፣ (ይዲ)፣ ሕሩ፣ በሰላም፣ ወእግዚአብሔር፣ የህሉ፣ ምስ  
 ሌክሙ። ወእምዝ፣ ንዑ፣ ወተጋብኢ፣ ውስተ፣ ቤተ፣ ክርስቲ  
 ያን፣ በሰዓተ፣ ጽባሕ፣ በሰላም።

ወይትጋብኢ፣ ውስተ፣ ቤተ፣ ክርስቲያን፣ ካህናት፣ በጊዜ፣ ነግ  
 ህ፣ ወይጸልዩ፣ መዝሙረ፣ ዳዊት፣ ዘይብል፣ ብፁዕ፣ ብእሲ፣  
 ዘኢሐረ፣ በምክረ፣ ረሲዓን፣ እስክ፣ ነበ፣ ይብል፣ ተዐገሡ፣  
 ወእጽገሁ፣ ለበክሙ፣ ኩልክሙ፣ እስ፣ ተወክልክሙ፣ በእግ  
 ዚአብሔር፣ ውዳሴሃ፣ ለእግዝእትነ፣ ድንግል፣ ማርያም፣ ዘ  
 ስንይ፣ በል፣ ወይበሉ፣ ኩሎሙ፣ ኅቡረ፣ በሰጊድ፣ ወበትጋህ፣  
 ዐሠርተ፣ ወክልኤት፣ ጊዜ፣ ለክ፣ ንይል፣ እስክ፣ ተፍጻሜቱ።  
 ወእምዝ፣ ይበል፣ መራሒ፣ (ቡዩ)፣ ስምዕምኪ፣ ለእግዚእነ፣ ኩ  
 ልክሙ፣ አብያተ፣ ክርስቲያናት፣ ከመ፣ ዘእክበሮሙ፣ ሌሎት፣

ወለንቢያት፣ በወንጌል፣ መንግሥት፣ እንዘ፣ ይብል፣ ክርስቶስ፣  
 ወልደ፣ ዳዊት፣ ለኢይምሰልክሙ፣ ዘመጸእኩ፣ እበሮሙ፣  
 ለኦሪት፣ ወለንቢያት፣ ወኢክመ፣ እንሥዩሙ፣ ለላ፣ ላእሙ፣  
 ዘእንበለ፣ ከመ፣ እፈጽሞሙ፣ ይቤ፣ እግዚእ፣ በወንጌል፣ ሰ  
 ላሙ፣ ፣ ዐማንኤል፣ ከሙ፣ ፣ ማርያም፣ እሙ።

ምንግብ፣ ዘዕለተ፣ ሰንይ፣ በጊዜ፣ ነግህ።

ኦሪት፣ ዘልደት።

በቀዳሚ፣ ጉብረ፣ እግዚአብሔር፣ ሰማዩ፣ ወም  
 ድረ። ወምድርሰ፣ ኢታስተርኢ፣ ወኢክነት፣ ደ  
 ሉተ። ወጽልመት፣ መልዕልተ፣ ቀላይ፣ ወመን  
 ፈሰ፣ እግዚአብሔር፣ ይጾልል፣ መልዕልተ፣ ማ  
 ዩ። ወይቤ፣ እግዚአብሔር፣ ለይኩን፣ ብርሃን፣  
 ወከነ፣ ብርሃን። ወርእዮ፣ እግዚአብሔር፣ ለብር  
 ሃን፣ ከመ፣ ሠናይ። ወፈለጠ፣ እግዚአብሔር፣  
 ማእከለ፣ ብርሃን፣ ወማእከለ፣ ጽልመት። ወሰ  
 መዮ፣ እግዚአብሔር፣ ለብርሃን፣ ዕለተ፣ ወለ  
 ጽልመት፣ ሌሊተ። ወከነ፣ ሌሊተ፣ ወጽብሐ፣  
 ወከነ፣ መዓልተ፣ አሐደ። ወይቤ፣ እግዚአብሔ  
 ር፣ ለይኩን፣ ጠፈር፣ ማእከለ፣ ማይ፣ ከመ፣ ይ  
 ፍልጥ፣ ማእከለ፣ ማይ፣ ወማይ፣ ወከነ፣ ከማሁ።  
 ወጉብረ፣ እግዚአብሔር፣ ጠፈረ፣ ወፈለጠ፣ እ  
 ግዚአብሔር፣ ማእከለ፣ ማይ፣ ዘታሕተ፣ ጠፈ  
 ር፣ ወማእከለ፣ ማይ፣ ዘመልዕልተ፣ ጠፈር። ወ  
 ሰመዮ፣ እግዚአብሔር፣ ለውእቱ፣ ጠፈር፣ ሰማ  
 ዩ። ወርእዮ፣ እግዚአብሔር፣ ከመ፣ ሠናይ። ወ  
 ከነ፣ ሌሊተ፣ ወጽብሐ፣ ወከነ፣ ካልኦ፣ ዕለተ።  
 ወይቤ፣ እግዚአብሔር፣ ለይትጋባእ፣ ማይ፣ ዘ  
 መትሕተ፣ ሰማይ፣ ውስተ፣ አሐዳ፣ መካን፣ ወ  
 ያስተርኢ፣ ዮብስ፣ ወከነ፣ ከማሁ። ወተጋብኢ፣  
 ማይ፣ ውስተ፣ ምእላዲሁ፣ ወአስተርኢዮ፣ ዮብ  
 ስ። ወሰመዮ፣ እግዚአብሔር፣ ለዮብስ፣ ምድረ፣  
 ወለምእላዲሁ፣ ለማይ፣ ሰመዮ፣ ባሕረ፣ ወርእ  
 ዮ፣ እግዚአብሔር፣ ከመ፣ ሠናይ። ወይቤ፣ እግ  
 ዚአብሔር፣ ለታብቀል፣ ምድር፣ ሐመልማለ፣  
 ሣዕር፣ ዘይዘራዕ፣ በበ፣ ዘርዑ፣ ወበበ፣ ዘመዱ፣  
 ወበበ፣ አምሳሊሁ፣ ወዕፁ፣ ዘይፈሪ፣ ወይገብር፣  
 ፍሬሁ፣ ዘእምውስቴቱ፣ ዘርዑ፣ ዘይወፅኦ፣ ዘይ  
 ከውን፣ በበ፣ ዘመዱ፣ ዲበ፣ ምድር፣ ወከነ፣ ከ  
 ማሁ። ወአውፅኦት፣ ምድር፣ ሐመልማለ፣ ሣዕር፣

ዘይዘራዕ : ዘርዕ : በበ : ዘመዱ : ወበበ : አር  
 አያሁ : ወዕፀ : ዘይፈሪ : ወይገብር : ፍሬሁ : ዘ  
 እምውስቴቱ : ዘርዕ : ዘይከውን : በበ : ዘመዱ :  
 መልዕልተ : ምድር ። ወርእዩ : እግዚአብሔር :  
 ከመ : ሠናይ ። ወኮነ : ሌሊተ : ወጸብሐ ፤ ወ  
 ኮነ : ሣልሰ : ዕለተ ። ወይቤ : እግዚአብሔር :  
 ይኩኑ : ብርሃናት : ውስተ : ጠፈረ : ሰማይ : ከ  
 መ : ያብርሁ : ዲበ : ምድር ፤ ወይፍልጡ : ማ  
 እከለ : ዕለት : ወማእከለ : ሌሊት ፤ ወይኩኑ :  
 ለተአምር : ወለዘመን : ወለመዋዕል : ወለዓመ  
 ታት ። ወይኩኑ : ለአብርሃ : ውስተ : ጠፈረ :  
 ሰማይ : ከመ : ያብርሁ : ዲበ : ምድር ፤ ወኮነ :  
 ከማሁ ። ወገብረ : እግዚአብሔር : ብርሃናተ : ክ  
 ልኤተ : ዐበይተ : ዘዩዐቢ : ብርሃን : ከመ : ይ  
 ምልክ : መዓልተ : ወዘይንእስ : ብርሃን : ከመ :  
 ይምልክ : ሌሊተ : ምስለ : ከዋክብቲሁ ። ወሣ  
 ሞሙ : እግዚአብሔር : ውስተ : ጠፈረ : ሰማ  
 ይ : ከመ : ያብርሁ : ዲበ : ምድር ፤ ወይኩንንዓ :  
 ለዕለት : ወለሌሊትጎ ፤ ወይፍልጡ : ማእከለ :  
 ሌሊት : ወማእከለ : ብርሃን ። ወርእዩ : እግዚአ  
 ብሔር : ከመ : ሠናይ ። ወኮነ : ሌሊተ : ወጸብ  
 ሐ ፤ ወኮነ : ራብዕ : ዕለተ ። ወይቤ : እግዚአብሔ  
 ር : ለታውዕእ : ማይ : ዘይትሐወስ : ዘበ : መ  
 ንፈሰ : ሕይወት : ወዖፊ : ዘይሰርር : መልዕል  
 ተ : ምድር : ወመትሕተ : ሰማይ ፤ ወኮነ : ከማ  
 ሁ ። ወገብረ : እግዚአብሔር : ዐናብርተ : ዐበ  
 ይተ ፤ ወኩሎ : ነፍሰ : ሕይወት : ዘይትሐወስ :  
 ዘአውዕእ : ማይ : በበ : ዘመዱ : ወኩሎ : ዖ  
 ፊ : ዘይሰርር : በበ : ዘመዱ ፤ ወርእዩ : እግዚአ  
 ብሔር : ከመ : ሠናይ ። ወባረከሙ : እግዚአብ  
 ሔር : ወይቤ : ብዝኑ : ወተባዝኑ : ወምልእ  
 ዋ : ለቀላይ ፤ ወአዕዋፍኒ : ይብዝኑ : ውስተ :  
 ምድር ። ወኮነ : ሌሊተ : ወጸብሐ ፤ ወኮነ : ኃ  
 ምስ : ዕለተ ። ወይቤ : እግዚአብሔር : ለታው  
 ዕእ : ምድር : ዘመዱ : እንስሳ : ወዘይትሐወስ :  
 ወአራዊተ : ምድር : በበ : ዘመዱ ፤ ወኮነ : ከ  
 ማሁ ። ወገብረ : እግዚአብሔር : እንስሳ : በበ :  
 ዘመዱ : ወኩሎ : ዘይትሐወስ : ውስተ : ምድር :  
 በበ : ዘመዱ ፤ ወአራዊተ : ምድር : በበ : ዘመዱ ፤

ወርእዩ : እግዚአብሔር : ከመ : ሠናይ ። ወይ  
 ቤ : እግዚአብሔር : ንግበር : ሰብአ : በአርአያ  
 ነ : ወበአምሳሊነ : ወይኩንን : ዓሣተ : ባሕር : ወ  
 አዕዋፊ : ሰማይ : ወእንስሳሂ : ወኩሎ : ምድር :  
 ወአራዊተ : ዘይትሐወስ : ዲበ : ምድር ። ወገብ  
 ር : እግዚአብሔር : ለዕንላ : አመሕያው : በአ  
 ምሳላ : እግዚአብሔር ፤ ተባዕተ : ወአንስተ : ን  
 ብርሙ ። ወባረከሙ : እግዚአብሔር ፤ ወይቤሎ  
 ሙ : ብዝኑ : ወተባዝኑ : ወምልእዋ : ለምድ  
 ር : ወቅንይዋ ፤ ወኩንንምሙ : ለዓሣተ : ባሕ  
 ር : ወለአዕዋፊ : ሰማይ : ወለኩሎ : እንስሳ : ወ  
 ለኩሎ : አራዊት : ዘይትሐወስ : ዲበ : ምድር ።  
 ወይቤ : እግዚአብሔር : ናሁ : ወሀብኩክሙ :  
 ኩሎ : ሣዕሪ : ዘይዘራዕ : ወይበቀላ : በዘርዕ :  
 ተዘሪዖ : ዲበ : ኩሎ : ምድር ፤ ወኩሎ : ዕፀ :  
 ዘሀሎ : ውስቴቱ : ዘርዕ : ዘይዘራዕ : በፍሬሁ :  
 ለክሙ : ውእቱ : መብልዕ ። ወለኩሎ : አራዊ  
 ተ : ምድር : ወለኩሎ : አዕዋፊ : ሰማይ : ወለ  
 ኩሎ : ዘይትሐወስ : ውስተ : ምድር : ዘበ : መ  
 ንፈሰ : ሕይወት ፤ ወኩሎ : ሐመልማለ : ሣዕር :  
 ይኩንክሙ : መብልዕ ፤ ወኮነ : ከማሁ ። ወርእ  
 ዩ : እግዚአብሔር : ኩሎ : ዘገብረ : ከመ : ጥቀ :  
 ሠናይ ፤ ወኮነ : ሌሊተ : ወጸብሐ ፤ ወኮነ : ሳድ  
 ሰ : ዕለተ ። ወተፈጸሙ : ሰማይ : ወምድር : ወኩ  
 ሎ : ዘውስቴቶሙ ። ወኩሎ : ዓለመ : ፈጸመ :  
 እግዚአብሔር : ወገብረ : ግብር ። በስሱ : ዕለ  
 ት ፤ ወአዕረፈ : እግዚአብሔር : በሳብዕት : ዕለት :  
 እምኩሎ : ግብር ። ወባረክ : እግዚአብሔር : ለ  
 ዕለት : ሳብዕት : ወቀደሳ ፤ እስመ : በቲ : አዕረ  
 ፈ : እምኩሎ : ግብር : ዘአኅዘ : ይግበር : እግ  
 ዚአብሔር ።

በሱይ : በአሐዱ : ስግት ።

ዘእሳይያስ : ነቢይ ። በረከቱ : ትኩን : ምስሌነ :  
 ለዓለመ : ዓለም ፤ አሜን ።  
 አሐሊ : ማሕሌተ : ለፍቁርዩ : ዘአፍቀርኩ ። ዐጻ  
 ደ : ወይን : ኮነ : ለፍቁር : በብሔር : ጥሉል ፤  
 ውስተ : ማእዘንቱ : ጻቂንኩ : ሎቱ : ጻቂነ : ወ  
 አግዘዝኩ : ወተከልኩ : ውስቴቱ : ወይነ : ጎሩ  
 ዩ : ዘሣፊቅ : ወሐነጽኩ : ማጎፊደ : ማእከለ ።

ወአክረይኩ ፡ ሎቱ ፡ ምክያደ ። ወእምዝ ፡ ጸናሕ  
 ክዎ ፡ ይፍረይ ፡ አስካለ ፡ ወፈረየ ፡ አሥዋክ ። ወ  
 ይእዘኒ ፡ አ ፡ ሰብአ ፡ ይሁዳ ፡ ወእለ ፡ ትንብሩ ፡  
 ኢየሩሳሌም ፡ ፍትሐ ፡ ማእከሌየ ፡ ወማእከለ ፡  
 ዐጻደ ፡ ወይንየ ። ምንተ ፡ እንከ ፡ ዓዲ ፡ እገብር ፡  
 ለወይንየ ፡ ዘኢገብርኩ ፡ ሎቱ ። ሩሁ ፡ ጸናሕክዎ ፡  
 ይፍረይ ፡ አስካለ ፡ ወፈረየ ፡ አሥዋክ ። ወይእዘ  
 ኒ ፡ እነግረክሙ ፡ ዘእራሰየ ፡ ለወይንየ ፡ እነሥት ፡  
 ጸቂኖ ፡ ወአካትት ፡ ጥቅዎ ፡ ወይከውን ፡ ምክያ  
 ደ ፡ ወአገድገ ፡ ወኢይገምዶ ፡ ወኢይከርዮ ፡ ወ  
 ይበቀላ ፡ ውስጥቴ ፡ ሣዕር ፡ ወዋክ ፡ ወይማሰን ፡  
 እንክ ። ወእኤዝዝ ፡ እንክ ፡ ደመኛ ፡ ከመ ፡ ኢያ  
 ዝንም ፡ ዝኖመ ፡ ላዕሌሁ ። ወዐጻደ ፡ ወይኑስ ፡  
 ለእግዚአብሔር ፡ ጸባኣት ፡ ቤተ ፡ እስራኤል ፡ ው  
 እቱ ። ወሰብአ ፡ ይሁዳ ፡ ውእቱ ፡ ተክል ፡ ሐዲ  
 ስ ፡ ዘአፍቀሩ ። ውጎደግዎሙ ፡ ከመ ፡ ይግበሩ ፡  
 ጽድቅ ፡ ወገብሩ ፡ ዐመፃ ፡ ወአኮ ፡ ርትዐ ፡ ዘእን  
 በለ ፡ ገዓር ። አሌ ፡ ሎሙ ፡ ለእለ ፡ ያስተእጎዙ ፡  
 ቤተ ፡ ምስለ ፡ ቤት ፡ ወእለ ፡ ያስተቃርቡ ፡ ገራ  
 ህተ ፡ ምስለ ፡ ገራህት ፡ ከመ ፡ ይቅሥጡ ፡ ዘኮነ ፡  
 እምገራህተ ፡ ቢጸሙ ። ወይፈቅዱ ፡ ያግምርዎ ፡  
 ለምድር ፡ በሕቲቶሙ ። ውተሰምዐ ፡ ዝንቱ ፡ ነገ  
 ር ፡ ውስተ ፡ እዝነ ፡ እግዚአብሔር ፡ ጸባኣት ።

51-9 ስርገሚ ፡ ትንቢተ ፡ ኢሳይያስ ፡ ነቢይ ።

ይቤ ፡ መተርጉም ፡ አሐሊ ፡ ማሕሌተ ፡ ለፍቁር  
 የ ። ዘንተ ፡ ዘይቤ ፡ በእንተ ፡ አብ ፡ አመ ፡ ሰብ  
 ሐ ፡ ለወልዱ ፡ በከመ ፡ ይቤ ፡ በወንጌል ፡ አ ፡ አ  
 ባ ፡ ሰብሐ ፡ ለወልድከ ። ይቤ ፡ ሰባሕኩከሂ ፡ ወ  
 ዓዲ ፡ እሴብሐከ ፡ ውበሂሎቱሰ ፡ ፍቁርየ ፡ በከመ ፡  
 ይቤ ፡ በወንጌል ፡ ዝንቱ ፡ ወልድየ ፡ ዘቦቱ ፡ ሠ  
 መርኩ ። ውበሂሎቱ ፡ ስብሐተ ፡ ለዐጻደ ፡ ወይ  
 ንየ ፡ ይብል ፡ እሎንተ ፡ ስብሐታት ፡ ክልኤተ ፡  
 መትልዋነ ፡ ዘይቤ ፡ ሰባሕኩከሂ ፡ ወዓዲ ፡ እሴብ  
 ሐከ ። ወሰመዮ ፡ ነቢይ ፡ ለወልድ ፡ ዐጻደ ፡ ወይ  
 ን ፡ በዝየ ፡ በከመ ፡ ሰመየ ፡ እግዚእ ፡ ርእሶ ፡ በ  
 ውስተ ፡ ወንጌል ፡ ዐጻደ ፡ ወይን ። በከመ ፡ ባህ  
 ለ ፡ አነ ፡ ውእቱ ፡ ዐጻደ ፡ ወይን ፡ ዘጽድቅ ። ወ  
 ብሂሎቱ ፡ ከዕበ ፡ አነ ፡ ውእቱ ፡ ዐጻደ ፡ ወይን ፡  
 ዘጽድቅ ፡ ወአንትሙ ፡ አዕጹቂሁ ። ወዛቲ ፡ ትን

ቢት ፡ ቀደመት ፡ በአፈ ፡ ነቢይ ፡ በእንተ ፡ ዘይቤ ፡  
 እግዚእ ፡ በእንተ ፡ ርእሶ ፡ ወባህሎሂ ፡ ኮነ ፡ ለ  
 ፍቁርየ ፡ ዐጻደ ፡ ወይን ፡ ውስተ ፡ ማእከንቱ ፡ ይብ  
 ል ፡ ዐጻደ ፡ ወይን ፡ እስራኤል ፡ ወማእከንትኒ ፡ ዘ  
 ይብል ፡ እስመ ፡ ደቂቀ ፡ እስራኤል ፡ ኢነበሩ ፡  
 ውስተ ፡ ኩላ ፡ ምድር ። ዳእሙ ፡ ውስተ ፡ ሣቅዕ ፡  
 ዘውእቱ ፡ ማዕዘንት ፡ እምውስተ ፡ ምድር ። ወ  
 ሰመዮ ፡ ነቢይ ፡ ምድር ፡ ርስት ፡ እንተ ፡ አውረ  
 ሰሙ ፡ እግዚአብሔር ፡ ከያሃ ። ውበሂሎቱ ፡ ሎ  
 ሙ ፡ ይእቲ ፡ ዛ ፡ ምድር ፡ እንተ ፡ ታውሕዝ ፡ ሐ  
 ሊበ ፡ ወመዓረ ። ዘይቤ ፡ ወአዎድኩ ፡ ሎቱ ፡ ጸ  
 ቂነ ፡ ይብል ፡ ጸቂነ ፡ ወእደ ፡ ሕገ ፡ አሪት ፡ ዘሐጸ  
 ሮሙ ፡ ቦቱ ፡ ወረሰየ ፡ ላዕሌሆሙ ፡ ከመ ፡ አረ  
 ፍት ፡ ዘላዕለ ፡ ሀገር ፡ ከመ ፡ እመ ፡ ቦ ፡ ዘወዕአ ፡  
 እምኔሁ ፡ ይሂሮ ። ወውእቱኬ ፡ ከመ ፡ ሀገር ፡  
 ወላዕሌሃ ፡ ጥቅም ፡ ወዐውዳ ፡ ጸላዕት ። እመ ፡ ቦ ፡  
 እንክ ፡ ዘወዕአ ፡ እምሀገር ፡ ወተዐደወ ፡ ጥቅመ ፡  
 ይሂሮ ፡ እምጸላእቱ ። ከማሁኬ ፡ ኩሉ ፡ ዘዐለ  
 ዋ ፡ ለሕገ ፡ እግዚአብሔር ፡ ወወዕአ ፡ እምውሳ  
 ንያቱ ፡ እስመ ፡ ሰያጥንት ፡ ጸላእቱ ፡ ይሂሮው  
 ዎ ፡ በምግባራቲሆሙ ፡ እኪት ። ይቤ ፡ ወአ  
 ንሣእክዎ ፡ ዲበ ፡ ጎለት ፡ ይብል ፡ ከመ ፡ ውእ  
 ቱ ፡ አልዐሎሙ ፡ ዲበ ፡ ጸላእቶሙ ፡ ወአንገሃ  
 ሙ ፡ ዲቤሆሙ ። ወሰመዮሙ ፡ ጎለተ ፡ በእን  
 ተ ፡ ፅበሶሙ ፡ በጎበ ፡ ሕዝበ ፡ እግዚአብሔር ።  
 እስመ ፡ አሕዛብ ፡ ኮነ ፡ ይጸብኡ ፡ ወአልበሙ ፡  
 ረድኤተ ፡ እግዚአብሔር ፡ ምስሌሆሙ ። ወደቂ  
 ቀ ፡ እስራኤል ፡ እንክ ፡ ጎዩላን ፡ ቀዲሙ ፡ እ  
 ምጎበ ፡ እግዚአብሔር ፡ ወበእንተ ፡ ውእቱኬ ፡  
 ሰመዮሙ ፡ እግዚአብሔር ፡ ለጸላእቶሙ ፡ በአ  
 ፈ ፡ ነቢይ ፡ ጎለተ ፡ እስመ ፡ ፅቡስ ፡ ውእቱ ።  
 ይቤ ፡ ወሐንጽኩ ፡ ማጎፊደ ፡ ማእከሎ ፡ ይብል ፡  
 በእንተ ፡ ውእቱ ፡ ማጎፊድ ፡ መንግሥተ ፡ ዘወ  
 ሀቦሙ ። እስመ ፡ መንግሥቶሙ ፡ ኮነ ፡ ላዕለ ፡  
 ኩሎሙ ፡ ነገሥት ፡ ወኢይክል ፡ መኑሂ ፡ እምነገ  
 ሥታተ ፡ ምድር ፡ ይትቃወሞሙ ፡ ዘእንበለ ፡ መ  
 ባሕተ ፡ እግዚአብሔር ፡ ሎሙ ፡ ቦቱ ። ይቤ ፡  
 ወገበርኩ ፡ ውስጥቴ ፡ ምክያደ ፡ ይብል ፡ በእን  
 ተ ፡ ምክያድ ፡ ወእደ ፡ ዝብሐት ፡ እንተ ፡ ኮነ ፡

ይገባርዋ ፡ ለአስተሰርዮ ፡ በእንቲአሆሙ ። እስ  
 መ ፡ ብእሲ ፡ ከነ ፡ ለእመ ፡ ገብረ ፡ ጎጠኦት ፡  
 ወኢያኦምን ፡ ኪያሃ ፡ ለመኑሂ ፡ እምሰብእ ፡ ያ  
 በውእ ፡ እንከ ፡ ውእቱ ፡ ዘከነ ፡ እምነ ፡ እንስሳ ፡  
 ወይትአመን ፡ ጎጠኦቶ ። ወይዘብሐ ፡ ካህን ፡  
 ለውእቱ ፡ እንስሳ ፡ ፍጻዩ ፡ በእንተ ፡ ጎጠኦቱ ።  
 ወዘንተ ፡ ኢገብረ ፡ እግዚአብሔር ፡ ስቡሕ ፡ ዘ  
 እንበለ ፡ ምሕረት ፡ ሎሙ ፡ እምኔሁ ። ይቤ ፡  
 ወጸናሕክዎ ፡ ከመ ፡ ይፍረይ ፡ ወይነ ፡ ወአውፅ  
 አ ፡ ሦከ ፡ ብሂሎቱ ፤ ወጸናሕክዎ ፡ ይብል ፡ ዘው  
 እቱ ፡ እስመ ፡ እግዚአብሔር ፡ ከነ ፡ ያነውሃ ፡ መ  
 ንፈሶ ፡ በእንቲአሆሙ ፤ ወይጸንሐሙ ፤ ወይትጫ  
 ገሥ ፡ በእንቲአሆሙ ፡ በእንተ ፡ ዘገብረ ፡ ምስሌ  
 ሆሙ ፡ ተአምራተ ፡ ወመደምግተ ፡ ለአልባብ ።  
 ወአድጎኖሙ ፡ እግዚአብሔር ፡ እምፀርሙ ፡ ግ  
 ብጻውያን ፡ ወአስጠሞሙ ፡ ውስተ ፡ ባሕር ፡ ወ  
 ሐሩ ፡ እሙንቱሰ ፡ ማእከለ ፡ ማያት ፡ ዲቦ ፡ ም  
 ድር ፡ ይብስት ። ወአብልዎሙ ፡ መና ፡ በገጻም ፡  
 አርብዓ ፡ ዓመተ ፡ ዘአውረደ ፡ እምሰማይ ፡ ወይ  
 ጼልሎሙ ፡ በደመና ፡ ወያበርሀ ፡ ሎሙ ፡ በዐም  
 ደ ፡ እሳት ። ወምስለ ፡ ዝንቱ ፡ ነሉ ፡ ከኑ ፡ ይ  
 ትሂዩ ፡ እምኔሁ ፡ ወይትመደጡ ፡ በአልባብሆ  
 ሙ ፡ እምፈቃዱ ። ይቤ ፡ ተሰፈውኩ ፡ ከመ ፡  
 ያውፅእ ፡ ወይነ ፡ ወአውፅአ ፡ ሦከ ፡ ይብል ፡ እን  
 በይነ ፡ ወይን ፡ ለጎበ ፡ ምግባራተ ፡ ሠናያት ፡ ወሦ  
 ከሰ ፡ ለጎበ ፡ ምግባራተ ፡ መንሱት ። ይቤ ፡  
 አ ፡ ሰብእ ፡ ይሁዳ ፡ ወእለ ፡ ትነብሩ ፡ ኢየሩሳሌ  
 ም ፡ ይእኬኒ ፡ ፍትሐ ፡ ማእከሌዩ ፡ ወማእከለ ፡ ዐጸ  
 ደ ፡ ወይንዩ ፡ ይብል ፡ እንበይነ ፡ ሰብእ ፡ ይሁዳ ፡ ነ  
 ቢያተ ፡ እለ ፡ ፈነዎሙ ፡ እግዚአብሔር ፡ ሎሙ ፡  
 ከመ ፡ ያለብውዎሙ ፡ ተዐቅቦተ ፡ ከመ ፡ ይትመ  
 ዩጡ ፡ እምግዕዘሙ ፡ እኩይ ፡ ወኢተመይጡ ።  
 ወበእንተ ፡ ውእቱ ፡ ይከውኑ ፡ በዕለተ ፡ ደይን ፡  
 ይትፋትሐዎሙ ፡ በስምዕ ፡ ላዕሌሆሙ ፡ በከመ ፡  
 አይድዕዎሙ ፡ በእንተ ፡ እግዚአብሔር ፡ ወአንቅ  
 ሀዎሙ ፡ ወአግሐሥዎሙ ፡ ወኢተመይጡ ፡ እ  
 ምግባራተሆሙ ፡ ይቤ ፡ ምንተ ፡ እገብር ፡ ጎ  
 ለዩ ፡ በዘይገብር ፡ ቦቱ ፡ ጻግመ ። ወይቤ ፡ ነቢይ ፡  
 ዘንተ ፡ ቃለ ፡ በእንተ ፡ እግዚአብሔር ፡ ከመ ፡

ብእሲ ፡ ዘዩሐትት ፡ ጎሊናሁ ፡ ወያስተነትን ፡ በ  
 እንተ ፡ ዘይገብር ፤ እስመ ፡ እግዚአብሔር ፡ ልዑ  
 ል ፡ ከነ ፡ ይፈቅደሙ ፡ ይግበሩ ፡ ፈቃዶ ፡ ወኢይ  
 ጻኡ ፡ እምሃይማኖት ፡ ቦቱ ። ወኢፈቀዱ ፡ ውእ  
 ተ ፤ ወበእንተ ፡ ዝ ፡ ዘለፎሙ ፡ ወንጌል ፡ በብሂሎ  
 ቱ ፡ ሚ ፡ መጠነ ፡ ፈቀድኩ ፡ ከመ ፡ አስተጋብእክ  
 ሙ ፤ ወኢፈቀድክሙ ፡ አንትሙ ። ወደገመ ፡ ቃለ ፡  
 ውስተ ፡ ዝ ፡ ከመ ፡ ዘይኔስሕ ፡ በእንቲአሆሙ ፡ እ  
 ስመ ፡ ኢከነ ፡ ውእቱ ፡ ዘይፈቅድ ፡ ከመ ፡ ይኩኑ ፡  
 እምሰብእ ፡ ጽልመት ፤ አላ ፡ እምሰብእ ፡ ብርሃ  
 ን ። ይቤ ፡ ተሰፈውኩ ፡ ከመ ፡ ያውፅእ ፡ ወ  
 ይነ ፡ ወአውፅአ ፡ ሦከ ፤ ይብል ፡ ለለ ፡ ነሉ ፡ አና  
 ጎኩ ፡ መንፈስዩ ፡ ላዕሌሆሙ ፡ ወተዐገሥክሙ ፡  
 ከመ ፡ ይነስሐ ፡ ወይትመደጡ ፡ እምእከይ ፡ ጎ  
 በ ፡ ጎሩት ፡ ወኢተመይጡ ። ይቤ ፡ አንሰ ፡  
 እነግረክሙ ፡ ምንተ ፡ እገብር ፡ ዘንተ ፡ ዐጸደ ፡  
 ወይንዩ ፤ ይብል ፡ ለእመሰ ፡ አዝለፉ ፡ ላዕለ ፡ ግዕ  
 ዘመ ፡ ሙሱን ፡ ወኢገብኡ ፡ እምዝ ፡ እሙንቱ ፡  
 ላዕሌሁ ። ይቤ ፡ አአትት ፡ ጸቂፍ ፤ ይብል ፡ ከ  
 መ ፡ ውእቱ ፡ ያአትት ፡ እምኔሆሙ ፡ መንግሥተ ፡  
 ወይሁብሙ ፡ ለምእመናን ። ይቤ ፡ ወአሬስዮ  
 ሙ ፡ ለተበርብር ፤ ይብል ፡ ከመ ፡ አሕዛብ ፡ እ  
 ለ ፡ ምእመናን ፡ ቦቱ ፡ ይነሥኡ ፡ መንግሥተ ፡ ዘ  
 ውስተ ፡ እደቂሆሙ ፡ እምሕግ ፡ ዘተወፈደዎ ፡ እ  
 ምእግዚአብሔር ፡ ልዑል ። ይቤ ፡ ወእነሥ  
 ት ፡ ጥቅሞ ፤ ይብል ፡ ከመ ፡ እግዚአብሔር ፡ ል  
 ዑል ፡ ያበጥላ ፡ ለሕጎሙ ፡ በካልእ ፡ ሕግ ። ወያ  
 ወፍያ ፡ ለካልአን ፡ አሕዛብ ፡ እለ ፡ የአምኑ ፡  
 በስሙ ፡ እንተ ፡ ይአቲ ፡ ሕግ ፡ ፍጽምት ።  
 ይቤ ፡ ወይከውን ፡ ምክያደ ፤ ይብል ፡ ከመ ፡ ነሉ  
 ሉ ፡ ዘይተርፍ ፡ እምደቂቀ ፡ እስራኤል ፡ ወኢ  
 የአምን ፡ በክርስቶስ ፡ ዘይሌፈውዎ ፡ ይከውን ፡  
 እንከ ፡ ውእቱ ፡ ምኑነ ፡ ወጽሉአ ፡ እምነሉ ፡  
 አሕዛብ ። ይቤ ፡ ወኢይከውን ፡ ለዐጸደ ፡ ወ  
 ይንዩ ፡ ሕንጻ ፤ ይብል ፡ እስመ ፡ እምድጎረ ፡ ፍ  
 ጸም ፡ ሕግ ፡ ኢይከውና ፡ ለሕገ ፡ ብሊት ፡ ሐድ  
 ሰ ፡ ካልእ ፡ ሕግ ። አከ ፡ በከመ ፡ ተምዐ ፡ ላዕሌ  
 ሆሙ ፡ ወዲውዎሙ ፡ ከለዳውያን ፡ ካዕበ ፡ ገ  
 ብአ ፡ ወመሐርሙ ፡ ወአግብአሙ ፡ ጎበ ፡ ርስ

ቶሙ፡ ወተሐደሱ፡ ምዕረ፤ ወበሕቱ፡ እምድ  
 ጎረ፡ ምጽአተ፡ ክርስቶስ፡ ዘውኢቱ፡ ተፍጻሚ  
 ት፡ ኢተርፈ፡ ለሕገ፡ ኦሪት፡ ካልእ፡ ሐደሶት።  
 ይቤ፡ ወይበቀ፡ ሦክ፡ ውስቴቱ፡ ከመ፡ ሣዕ  
 ር፤ ዘውኢቱ፡ ከመ፡ ቦ፡ ዘይተርፍ፡ እምኔሆሙ፡  
 ዘኢየሱስ፡ በክርስቶስ፡ እስመ፡ ሰይጣን፡ ይ  
 ዘርዕ፡ ውስቴቱ፡ ጎሊ፡ እኪተ፡ ወምንንተ፡  
 ወመዋታታ፡ ወበቲ፡ ያስሕቶሙ፡ አልባቢሆ  
 ሙ፡ ወኢየገድገሙ፡ ይእመኑ፡ ከመ፡ ይድጎ  
 ኑ። ወእኤ ዝዝ፡ ደመና፡ ከመ፡ ኢያውርድ፡ ላ  
 ዕሌሆሙ፡ ዝኖሎ፤ ይብል፡ እምድጎረ፡ ምጽ  
 አተ፡ ክርስቶስ፡ ኢተርፈ፡ ሎሙ፡ ኢቀርባን፡  
 ወኢትምህርት፡ ወኢትንቢት። ይቤ፡ አሌ፡  
 ሎሙ፡ ለእለ፡ ያስተእጎቱ፡ ቤተ፡ ምስለ፡ ቤ  
 ት፡ ወገራህተ፡ ምስለ፡ ገራህተ፡ ከመ፡ ይንሥ  
 ኡ፡ ደወለ፡ ቢጸሙ፤ ቦኑ፡ ትንብሩ፡ ውስተ፡ ም  
 ድር፡ በሕቲተክሙ። ዝንቱ፡ ይትሚስል፡ በእ  
 ንተ፡ አፍቅሮ፡ ዓለም፡ ከነት፡ ሞት፡ ላዕሌሆ  
 ሙ። ወአስተአደመ፡ ሎሙ፡ ሰይጣን፡ ከመ፡  
 ከተሉ፡ ዘከነ፡ ከኖሙ፡ ሎሙ። ወከኑ፡ ይትዓ  
 መ፡ በበይናቲሆሙ፡ ወይትቃሐዉ፡ በእንተ፡  
 ዘከነ፡ ወኢከነ፡ ሎሙ። ይቤ፡ ቦኑ፡ ትንብ  
 ሩ፡ ውስተ፡ ምድር፡ በሕቲተክሙ፤ ይብል፡ ብ  
 እሲ፡ ለእመ፡ ከነ፡ ፊራሂ፡ እግዚአብሔር፡ ወ  
 የጎሥሥ፡ ሥምረቶ፡ ወሥርዐቶ፡ እስመ፡ የአ  
 ክሎ፡ ዘወሀቦ፡ እግዚአብሔር፡ ሎቱ፡ በውስተ፡  
 ዝ፡ ዓለም። ወያፈቅሮሙ፡ ለአጎዊሁኒ፡ ወይፈ  
 ቱ፡ ከመ፡ ሎሙ፡ ዘያፈትዎ፡ ለርእሱ፡ ወኢጎ  
 ረያ፡ እምኔሆሙ፡ ኢለነቢረ፡ ምድር፡ ወለካል  
 አትኒ። ወበእንተ፡ ዝንቱመ፡ ትርጓሜ፡ ካልእ  
 ኒ፡ ወውኢቱኬ፡ እስመ፡ አመረ፡ ገራህተ፡ ለጎ  
 በ፡ ዓለም። ወውስተ፡ ዓለም፡ ቦ፡ ማእምራን፡  
 ወአለኒ፡ ኢማእምራን፤ ወማእምራን፡ እንከ፡  
 ለእመ፡ ኢያርብሕዎሙ፡ ለሰብእ፡ ትሩፋተ፡ በ  
 ቅንኣት፡ እምኔሆሙ። ከመ፡ ውኡቶሙ፡ በሕ  
 ቲቶሙ፡ ትሩፋኑ፡ ይከውኑ፡ ወይንሥኡ፡ ርስ  
 ተ፡ እመንቱ፡ እልክቱ፡ ለእመ፡ ኢማእምራን፡  
 ለጥንቃቄ፡ አእምሮታት፡ በዑቀቶሙ፡ ዘዘአሆ  
 ሙ፡ ይኩን፡ ሎሙ፡ በቅንኣቶሙ፡ ወውኢቱ፡

በጽልአተ፡ አእምሮተ፡ ዘአሆሙ። ይቤ፡ ቦ  
 ኑ፡ ትንብርዋ፡ ለምድር፡ በሕቲተክሙ፤ ይብ  
 ል፡ በእንተ፡ ምድርኒ፡ ለጎበ፡ ነገሥት። ወከ  
 ኑ፡ ደቂቀ፡ እስራኤል፡ አመ፡ ከኑ፡ ሕዝብ፡ እ  
 ግዚአብሔር፡ ወአምኑ፡ በእግዚእኒ፡ ኢየሱስ፡  
 ክርስቶስ፡ ከኑ፡ ይትሔዘቡ፡ በነፍሳቲሆሙ፡ ከ  
 መ፡ ኢይከውን፡ ሎሙ፡ ጸጋ፡ ለአሕዛብ፡ ወ  
 ኢይወርሱ፡ መንግሥተ፡ እግዚአብሔር። ወለእ  
 መኒ፡ አምኑ፤ አላ፡ ውኡቶሙ፡ በሕቲቶሙ። ወ  
 ዘለፎሙ፡ እንከ፡ ነቢይ፡ ወይቤ፡ ቦኑ፡ ትንብር  
 ዋ፡ ለምድር፡ በሕቲተክሙ፤ ይብል፡ እስመ፡  
 እምድጎረ፡ ምጽአተ፡ ክርስቶስ፡ ኢከነ፡ ሕዝብ፡  
 ዘይኔይስ፡ እምኑ፡ ሕዝብ፡ በእንተ፡ ብሂሎቱ፡  
 ለአርዳኢሁ፡ ሐሩ፡ ወመሀሩ፡ ከሎ፡ አሕዛብ፡  
 ወዘአም፡ እምኔሆሙ፡ ሎቱ፡ ጸጋ። ይቤ፡  
 ከመ፡ በጽሐ፡ ዝንቱ፡ ውስተ፡ ምስግዕ፡ እግ  
 ዚአብሔር፡ ጸባኣት፤ ይብል፡ እስመ፡ ከሎ፡ ዘ  
 ከነ፡ ክሡተ፡ ወክቡተ፡ በቅድሚሁ፡ ወውኢቱ፡  
 ማእምረ፡ ከሎ፡ ጎጣውእ፡ ክሡተ፡ ወክቡት፤  
 ወውኢቱ፡ ሰማዔ፡ ጽራሕ፡ ለዘይትማሐፀን፡ ጎ  
 ቤሁ፡ እምከሎ፡ ልቡ። ሎቱ፡ ስብሐት፡ እስከ፡  
 ለዓለመ፡ ዓለም፤ አሜን።

ጥበበ፡ ሢረክ። በረከቱ፡ ትኩን፡ ምስሌኒ፡ ለ  
 ዓለመ፡ ዓለም፤ አሜን።

ቀዳሚሃ፡ ለከላ፡ ጥበብ፡ እምጎበ፡ እግዚአብ  
 ሔር፡ ይእቲ፤ ወምስሌሁ፡ ሀለወት፡ ለዓለም።  
 ጥጸ፡ በሕር፡ ወነጠብጣብ፡ ዝኖም፡ ወመዋዕለ፡  
 ዓለም፡ መኑ፡ ትብላቱ፡ ሎጎሌ፡ ሰማይ፡ ወራሕብ፡  
 ምድር፡ ወዕመቀ፡ ቀላይ፤ ወለጥበብ፡ መኑ፡ ሰ  
 ፈሮሙ። ቀዳሚ፡ ከሎ፡ ተፈጥረት፡ ጥበብ፤ ወ  
 ጎሊናሃ፡ ለጥበብ፡ ዘእምፍጥረተ፡ ዓለም። ሥር  
 ዋ፡ ለጥበብ፡ ለመኑ፡ ተከሥተ፤ ወመኑ፡ አእ  
 መረ፡ ምክራ። አሐዓ፡ ውኢቱ፡ ጠቢብ፡ ወፈ  
 ድፋይ፡ ግሩም፡ ውኢቱ፡ ወይነብር፡ ላዕለ፡ መን  
 በሩ። ወእግዚአብሔር፡ ለሊሁ፡ ፈጠራ፤ ወር  
 እያ፡ ወሰፈራሂ፤ ወሶጣ፡ ላዕለ፡ ከሎ፡ ግብሩ፡  
 ምስለ፡ ከሎ፡ ዘሥጋ፡ በከመ፡ ህብቱ፤ ወወሀቦ  
 ሙ፡ ለከሎሙ፡ እለ፡ ያፈቅርዋ። ፊሪህ፡ እግዚ  
 አብሔር፡ ክብር፡ ውኢቱ፤ ወምክሕ፡ ወትፍሥ

ሕት ፡ ውእቱ ፡ ወአክሊለ ፡ ሐሣት ። ፈሪህ ፡ እ  
 ግዚአብሔር ፡ ትፍሥሕት ፡ ልብ ፡ ውእቱ ፤ ወይ  
 ሀብ ፡ ሐሣት ፤ ወያስተራሥሕ ፤ ወያነውሳ ፡ መ  
 ዋዕለ ፡ ሕይወት ። ለፈራሄ ፡ እግዚአብሔር ፡ ይ  
 ሣኒ ፡ ደኃሪቱ ፤ ወይትባረክ ፡ አመ ፡ ዕለት ፡ ሞ  
 ቱ ። ቀዳሚሃ ፡ ለጥበብ ፡ ፈሪህ ፡ እግዚአብሔር ።  
 ወተፈጥረት ፡ ምስለ ፡ ምእመናን ፡ እምከርወ ፡  
 እሞሙ ፤ ወምስለ ፡ ዕጋለ ፡ እመሕያው ፡ ተፈጥ  
 ረት ፡ መሠረተ ፡ ዓለም ፤ ወተአምነት ፡ ምስለ ፡  
 ዘርዖሙ ። ጸጊቦታ ፡ ለጥበብ ፡ ፈሪህ ፡ እግዚአብ  
 ሔር ፤ ወታረውዮሙ ፡ እምነ ፡ ቀምሐ ። ምሉእ ፡  
 ትፍሥሕት ፡ ውስተ ፡ አብያቲሃ ፤ ወውስተ ፡ አዕ  
 ጸዳቲሃ ፡ ምሉእ ፡ ፍሬሃ ። አክሊላ ፡ ለጥበብ ፡ ፈ  
 ሪህ ፡ እግዚአብሔር ፤ ወያመጽአ ፡ ለሰላም ፤ ወይ  
 ፈውስ ፡ ወያሐዩ ። ወርእያ ፡ ወፈጠራሂ ፡ ወሰፈ  
 ራ ፤ ወአውሐዘ ፡ ነቅዕ ፡ አእምሮ ፡ ወምክር ፡ ወ  
 ጥበብ ፤ ወአዕባዮሙ ፡ ለእለ ፡ ያጸንዕዋ ፡ ወአ  
 ክበርሙ ።

ተግሣጽ ፡ ዘአቡነ ፡ አባ ፡ ሲኖዳ ። በረከተ ፡ አምላ  
 ኩ ፡ ትኩን ፡ ምስሌነ ፡ ለዓለመ ፡ ዓለም ፤ አሜን ።  
 ኦ ፡ አኅውዮ ፡ ሶበ ፡ ፈቀድነ ፡ ናምሥጥ ፡ እመዓ  
 ተ ፡ እግዚአብሔር ፡ ወንርከብ ፡ ምሕረተ ፡ እም  
 ኅቤሁ ። ንንበር ፡ በምሴት ፡ ኩሎ ፡ ዕለተ ፡ በሕ  
 ቲተነ ፡ እምድኅረ ፡ ተፍጻሜተ ፡ ዕለት ፤ ወንሕ  
 ትት ፡ ነፍሳተነ ፡ ምንተ ፡ አቅረብነ ፡ ለመልአክ ፡  
 ዘየዐቅብነ ፡ ዘያቂርቦ ፡ ለእግዚአብሔር ። ወሶበ ፡  
 ተፈጸመ ፡ ሌሊት ፡ ዓዲ ፡ ሶበ ፡ ይሠርቅ ፡ ብርሃን ፡  
 ንሕትት ፡ ነፍሳተነ ፡ ወናእምር ፡ ምንተ ፡ አቅረ  
 ብነ ፡ ለመልአክ ፡ ዘየዐቅብነ ፡ ዘያዐርግ ፡ ለእግዚ  
 አብሔር ። ወኢትትዐቀፉ ፡ በዝንቱ ፡ ኩሎ ፡ አሐ  
 ዳ ፡ አሐዳ ፡ እንዘ ፡ ሕያውክሙ ። ለእመ ፡ ኮነ ፡  
 ተባዕተ ፡ አው ፡ አንስተ ፡ አው ፡ ንኡሰ ፡ አው ፡  
 ዐቢዩ ፡ ሶበ ፡ ተጠምቀ ፡ ጥምቀተ ፡ በሰመ ፡ አብ ፡  
 ወወልድ ፡ ወመንፈስ ፡ ቅዱስ ፡ ተገብረ ፡ ሎቱ ፡  
 መልአክ ፡ ዘየዐቅቦ ፡ እስከ ፡ ዕለተ ፡ ሞቱ ፡ ወያዐ  
 ርግ ፡ ኩሎ ፡ ዕለተ ፡ ምግባራቲሁ ፡ መዓልተ ፡ ወ  
 ሌሊተ ፡ ወአከ ፡ ዘኢየሐምር ፡ እግዚአብሔር ፡  
 ምግባራቲነ ፡ ሐሰ ። አላ ፡ ውእቱሰ ፡ የአምር ፡ ኩ  
 ሎ ፡ ምግባራቲነ ፤ እስመ ፡ ጽሑፍ ፡ በነቢይ ፡

ከመ ፡ ዝ ፡ አዕይንቲሁ ፡ ለእግዚአብሔር ፡ ኅበ ፡  
 እለ ፡ ይገብሩ ፡ እኪተ ፡ ወኔራተ ። አላ ፡ ለመላእ  
 ክትሰ ፡ ሣሞሙ ፡ ላእካነ ፡ እግዚአብሔር ፡ ፈጣ  
 ሬ ፡ ኩሎ ፡ ለዝንቱ ፡ በእንተ ፡ እለ ፡ ሀለምሙ ፡ ይ  
 ረሱ ፡ ድኅነ ። ዝንቱ ፡ ተግሣጽ ፡ ዘአቡነ ፡ አባ ፡  
 ሲኖዳ ፡ ተናገረ ፡ ምስሌነ ፡ በእንተ ፡ መድኅኒተ ፡  
 ነፍሳቲነ ። ስብሐት ፡ ለሥሎስ ፡ ቅዱስ ፡ ይኣዜኒ ፡  
 ወዘልፈኒ ፡ ወለዓለመ ፡ ዓለም ፤ አሜን ።

ሃይማኖተ ፡ አበው ።

ይቤ ፡ ቅዱስ ፡ አብ ፡ ጎርጎርዮስ ፡ ኤጲስቆጶስ ፡ ዘኩ  
 ሲስ ፡ እኑሁ ፡ ለባስልዮስ ፡ ዐቢይ ፡ በእንተ ፡ ነ  
 ገረ ፡ ጳውሎስ ፡ ሐዋርያ ፡ ዘይቤ ፡ በውስተ ፡ መ  
 ልእክቱ ፡ ኅበ ፡ ሰብአ ፡ ፊልጶስቶስ ። ኅልዩ ፡ ዘን  
 ተ ፡ በአልባባክሙ ፡ ዘኮነ ፡ ቦቱ ፡ ኢየሱስ ፡ ክ  
 ርሱቶስ ፡ ዘውእቱ ፡ አርአያ ፡ እግዚአብሔር ። አ  
 ኮ ፡ ሀዩዶ ፡ ዘኮነ ፡ ዕሩዩ ፡ ምስለ ፡ እግዚአብሔ  
 ር ፤ አላ ፡ አትሒቶ ፡ ርእሶ ፡ ወነሢኦ ፡ አርአያ ፡  
 ገብር ። ምንት ፡ ውእቱ ፡ ንዴት ፡ ዘይከውን ፡ ቅ  
 ድመ ፡ እግዚአብሔር ፡ ፈድፋድ ፡ እምግብርና  
 ት ። ወባሕቱ ፡ ኢኮነ ፡ ሕጻጽ ፡ ቅድመ ፡ እግዚ  
 አብሔር ፡ ግሙራ ፡ ሶበ ፡ ወረደ ፡ ውስተ ፡ ሱታ  
 ፊ ፡ ዘኢነ ፡ እንዘ ፡ ውእቱ ፡ ንጉሠ ፡ ነገሥት ፡ ወ  
 እግዚአ ፡ አጋዕዝት ፡ ወለብስ ፡ አርአያ ፡ ገብር ።  
 ለዘይካንና ፡ ለምድር ፡ ተቃጽብዎ ፡ ክቡራነ ፡ ዘ  
 መድ ፤ ወእግዚአ ፡ ኩሎ ፡ ፍጥረት ፡ ኢረከበ ፡  
 መካነ ፡ ይኅድር ፡ ውስቲታ ፤ አላ ፡ ሶበ ፡ ተወል  
 ደ ፡ በሥጋ ፡ አስከብዎ ፡ ውስተ ፡ ጎለ ፡ እንስሳ ። ወ  
 ንጹሕ ፡ ዘኢይማስን ፡ ተወክፈ ፡ ሀላዌ ፡ ዕጋለ ፡  
 እመሕያው ፡ ዘይማስን ፤ ወተወክፈ ፡ ንዴተ ፤ ወ  
 ኢያትረፈ ፡ እምንዴት ፡ እስከ ፡ በጽሐ ፡ ለሞት ።  
 ለመከንን ፡ አብጽሕዎ ፡ ኅበ ፡ ዐውደ ፡ ምኩና  
 ን ፤ ንጉሠ ፡ ኩሎ ፡ ኅይላተ ፡ ሰማያት ፡ ገብአ ፡  
 ውስተ ፡ እደ ፡ ኃጥአን ፡ ወሕይወት ፡ ጥዕመ ፡ ሞ  
 ተ ። ወካዕበ ፡ ይቤ ፡ ቅዱስ ፡ ፊልክስ ፡ ሰማያት ፡  
 ሊቀ ፡ ጳጳሳት ፡ በውስተ ፡ ድርሳኑ ፡ ዘደረሰ ፡ በእ  
 ንተ ፡ ሃይማኖት ፡ ወትሱብእት ። ንሕነስ ፡ ናወግ  
 ዝ ፡ እለ ፡ ይኔልዩ ፡ ሕግመ ፡ አው ፡ ሞተ ፡ ለ  
 መለኮት ። እመ ፡ ቦ ፡ ዘይብል ፡ እስመ ፡ ክርስቶ  
 ስ ፡ ዘተሰቅለ ፡ ብእሲ ፡ ውእቱ ፡ እንበለ ፡ መለ

ከት ፤ ወኢየአምን ፤ ከመ ፤ ውእቱ ፤ አሐዱ ፤ አ  
ካል ፤ እምሠለስቱ ፤ አካላት ፤ እግዚአብሔር ፤ ቃ  
ል ፤ ሐመ ፤ በሥጋ ፤ እንዘ ፤ ኢየሐምም ፤ በመ  
ለኮት ፤ ወሕማም ፤ ዘሥጋ ፤ ተጎለቁ ፤ ሎቱ ፤  
በከመ ፤ ይቤሉ ፤ አበዊን ፤ ንዱሐን ፤ ምጎጎጎ ፤  
በል ፤ መቅደመ ፤ ተኣምር ፤ በከመ ፤ ቀዳሚ ።

ተአምሪሃ ፤ ለእግዝእትን ፤ ቅድስት ፤ ድንግል ፤  
በከልኤ ፤ ማርያም ፤ ወላዲተ ፤ አምላክ ፤ ጸሎ  
ታ ፤ ወበረከታ ፤ የሀሉ ፤ ምስሌን ፤ ለዓለመ ፤ ዓለ  
ም ፤ አሜን ።

ዘከመ ፤ ቀብፀት ፤ ቅብፀ ፤ በረከት ፤ ወፈወሰት ፤  
እገሪሆመ ፤ ለእንስሳ ፤ ይቤ ፤ እንግንዮስ ፤ ዘደ  
ብረ ፤ ቀብፀም ፤ እንግር ፤ እሙን ፤ ከመ ፤ እግዝ  
እትን ፤ ማርያም ፤ ህዩ ፤ ሀለወት ፤ አከ ፤ ይአቲ ፤  
ባሕቲታ ፤ ዳእመ ፤ ወልዳ ፤ አምላክ ፤ ምስሌሃ ፤  
ወመንበሩ ፤ ድልወ ፤ ማእከለ ፤ ሕዝብ ፤ እስከ ፤  
ይሬእዩ ፤ ዘይደልሆመ ፤ ወእለ ፤ ይመጽኡ ፤ ጎ  
በ ፤ ዝንቱ ፤ ቤት ፤ ዘቀብፀም ፤ ጎድጎሰ ፤ በ  
ሕቲቱ ፤ ዘርእያ ፤ አላ ፤ ትወፅእ ፤ ለቀበላን ፤ ይ  
አቲ ፤ ድንግል ፤ ወላዲተ ፤ አምላክ ፤ እንዘ ፤ ው  
ስተ ፤ እደዊሃ ፤ ንዋይ ፤ ምስለ ፤ ቅብፀ ፤ ዘበረከ ፤  
በዓለ ፤ ኩሉ ፤ በረከታት ፤ ዘውእቱ ፤ እግዚእን ፤  
ኢየሱስ ፤ ክርስቶስ ፤ እንዘ ፤ ትፈቅድ ፤ ትቅብ  
ዐን ፤ በቅብፀ ፤ በረከት ፤ ወትርከበን ፤ ጽዑናን ፤  
ዲበ ፤ እንስሳ ፤ በተመክሐ ፤ ወበትዝኅርት ፤ ወ  
በዕረፍተ ፤ ሥጋ ፤ ወትራእዮመ ፤ ድንግል ፤ ወ

ላዲተ ፤ አምላክ ፤ ለእሉ ፤ እንስሳ ፤ ዘከመ ፤ ጸ  
መዉ ፤ እምእለ ፤ ይቀሥፍዎመ ፤ ወትቀብፀመ ፤  
እስከ ፤ አግሮመ ፤ ለእንስሳ ፤ እግዝእትን ፤ ማር  
ርያም ፤ ርኅርኅተ ፤ ልብ ፤ በቅብፀ ፤ በረከት ፤ ወ  
ትፈኑ ፤ በረከተ ፤ ዲቤሆመ ፤ ለእንስሳ ፤ እለ ፤ አ  
ልበመ ፤ ልብ ፤ እፎ ፤ መድምም ፤ አ ፤ እግዝእት  
ዩ ፤ ማርያም ፤ ዜና ፤ ጎሩትኪ ፤ ዘአልቦ ፤ ጎልቶ ፤  
ወኢመስፈርት ፤ ዘትገብሬ ፤ በላዕለ ፤ ኃጥአን ፤ ወ  
ዘማውያን ፤ ወበላዕለ ፤ ጽኑሳን ፤ ወሀከያን ፤ ብ  
ፀዓን ፤ እለ ፤ አእመሩ ፤ ጣዕመኪ ፤ ወእለ ፤ ይነ  
ብሩ ፤ በፍቅርኪ ፤ እስመ ፤ ኩልን ፤ ሕይወተ ፤  
ነሐዩ ፤ በእንቲአኪ ፤ ብፀዕ ፤ ኪያኪ ፤ ዘደገነ ፤  
በኩሉ ፤ ልቡ ፤ ወበኩሉ ፤ ጎይሉ ፤ ወበኩሉ ፤

ነፍሱ ፤ ከመ ፤ ይርከብ ፤ ረድኤተኪ ፤ በከመ ፤ አ  
ስተርአዩ ፤ ተአምርኪ ፤ በላዕለ ፤ እንስሳ ፤ ጸሎ  
ታ ፤ ወበረከታ ፤ የሀሉ ፤ ምስሌን ፤ ለዓለመ ፤ ዓ  
ለም ፤ አሜን ።

ተአምሪህ ፤ ለእግዚእን ፤ ወአምላክን ፤ ወመድኅ  
ኒን ፤ ኢየሱስ ፤ ክርስቶስ ፤ ዘከመ ፤ አደንገሆመ ፤  
ለመወልጣን ፤ ህሀሉ ፤ ወምሕረቱ ፤ የሀሉ ፤ ም  
ስሌን ፤ ለዓለመ ፤ ዓለም ፤ አሜን ።

ወሶበ ፤ ቦአ ፤ እግዚእ ፤ ኢየሱስ ፤ ውስተ ፤ ቤተ ፤  
መቅደስ ፤ አጎዘመ ፤ ፍርሀት ፤ ወረዓድ ፤ ለኩሉ  
መ ፤ ሰብአ ፤ ኢየሩሳሌም ፤ ወተጎብኡ ፤ እምእግ  
ዚእን ፤ ኢየሱስ ፤ ክርስቶስ ፤ ውስተ ፤ ቤተ ፤ መ  
ቅደስ ፤ እለ ፤ ይሠይጡ ፤ ወይህዩጡ ፤ ወእለ ፤ ይ  
ነሥኡ ፤ ዓሥራተ ፤ ወገብረ ፤ ጥብጣቤ ፤ ዘሐብል ፤  
ወቀወፎመ ፤ ወሰደደመ ፤ እምቤተ ፤ መቅደስ ፤  
ወገፍትዐ ፤ ማእዳቲሆመ ፤ ለመወልጣን ፤ ወአ  
ውፅአመ ፤ እምቤተ ፤ መቅደስ ፤ ወይቤሉመ ፤  
ቤትዩሰ ፤ ቤተ ፤ ጸሎት ፤ ይሰመይ ፤ አንትመሰ ፤  
ረሰይክምም ፤ በአተ ፤ ፈያት ፤ ህሀሉ ፤ ወምሕረ  
ቱ ፤ የሀሉ ፤ ምስሌን ፤ ለዓለመ ፤ ዓለም ፤ አሜን ።  
ሥርዐተ ፤ ከመ ፤ ቀዳሚ ፤ በል ፤ (ይዲ) ፤ ቅድመ ፤ ወንጌል ፤  
ይትባረክ ፤ እግዚአብሔር ፤ አምላክ ፤ እስራኤል ፤ ዘገብረ ፤ መን  
ከረ ፤ ባሕቲቱ ፤ ወይትባረክ ፤ ከመ ፤ ሰብሐቲህ ፤ ቁመ ፤ ወእዩ  
ምዑ ፤ በል ፤ (ይዲ) ፤ ወንጌል ፤ ቅዱስ ፤ ዘዜነወ ፤ ማርቆስ ፤ ቃለ ፤  
ወልደ ፤ እግዚአብሔር ፤ (ይሕ) ፤ ሰብሐት ፤ ለክ ፤ ክርስቶስ ፤

ወንጌል ፤ ዘማርቆስ ።

ወበሳኒታ ፤ ወዒአ ፤ እምቢታንያ ፤ ርኅብ ፤ ወርአ  
ዩ ፤ በለሰ ፤ እምርሑቅ ፤ ወባቲ ፤ ቁጽል ፤ ወሐረ ፤  
ጎቤሃ ፤ ይርአይ ፤ እመ ፤ ቦ ፤ ዘይረከብ ፤ ፍሬ ፤ በ  
ውስቲታ ፤ ወበጸሐ ፤ ጎቤሃ ፤ አልቦ ፤ ዘረከበ ፤  
ዘእንበለ ፤ ቁጽል ፤ ባሕቲቱ ፤ እስመ ፤ ኢኮነ ፤ ጊ  
ዜህ ፤ ለበለስ ፤ ወአውሥኦ ፤ ወይቤላ ፤ ለዓለም ፤  
አልቦ ፤ ዘይበልዕ ፤ ፍሬ ፤ እምኒኪ ፤ እንከ ፤ ወሰ  
ምዕዎ ፤ አርዳኢሁ ፤ ወበጽሐ ፤ ኢየሩሳሌም ፤ ወ  
ቦአ ፤ ቤተ ፤ መቅደስ ፤ ወአጎዘ ፤ ይስድድ ፤ እለ ፤  
ይሠይጡ ፤ ወይህዩጡ ፤ በቤተ ፤ መቅደስ ፤ ወገ  
ፍትዐ ፤ ማእዳቲሆመ ፤ ለመወልጣን ፤ ወመናብ  
ርቲሆመ ፤ ለእለ ፤ ይሠይጡ ፤ ርግባ ፤ ወከልአ ፤  
አልቦ ፤ ዘያጎልፍ ፤ ንዋዩ ፤ እንተ ፤ ምኩራብ ።



ወመሀሮም ፣ ወይቤሎም ፣ አኮኑ ፣ ጽሑፍ ፣ ዘ  
 ይብል ፣ ቤትዮስ ፣ ቤተ ፣ ጸሎት ፣ ይሰመይ ፣ ለኩ  
 ሉ ፣ አሕዛብ ፣ ወአንትሙስ ፣ ርሰይክም ፣ በአ  
 ተ ፣ ፈያት ፣ ወሰምዕም ፣ ሊቃን ፣ ካህናት ፣ ወጸ  
 ሐፍት ፣ ወኅሠሠ ፣ እንተ ፣ ኅብ ፣ ይቀትልዎ ፣  
 ወፈርሀዎ ፣ እስመ ፣ ኩሉ ፣ ሕዝብ ፣ ያነክርዎ ፣  
 ምሀርቶ ፣ ወእምክመ ፣ መስዩ ፣ ይወዕእ ፣ አፍ  
 አ ፣ እምሀገር ፣ ወበግብአቶም ፣ በነግሀ ፣ ረከብ  
 ዋ ፣ ለይኢቲ ፣ በለስ ፣ ይብስቲ ፣ እምሥርዋ ፣ ወ  
 ተዘከረ ፣ ጴጥሮስ ፣ ወይቤሎ ፣ ሊቅ ፣ ነያ ፣ እን  
 ታክቲ ፣ በለስ ፣ እንተ ፣ ረገምክ ፣ ዮብሳት ፣ ወአ  
 ውሥአ ፣ እግዚእ ፣ ኢዮሱስ ፣ ወይቤሎም ፣ ሃይ  
 ማኖቶ ፣ እግዚአብሔር ፣ ርከቡ ፣ አማን ፣ እብላ  
 ክመ ፣ ለእመ ፣ ትብልዎ ፣ ለዝ ፣ ደብር ፣ ተንሥ  
 አ ፣ ወተወረወ ፣ ውስተ ፣ ባሕር ፣ ወኢናፈቅመ ፣  
 በልብክመ ፣ ወተአመንክመ ፣ ከመ ፣ ዘነብብክ  
 መ ፣ ይከውን ፣ ወትረክቡ ፣ ወበእንተ ፣ ዝንቱ ፣  
 እብላክመ ፣ ኩሎ ፣ ዘጸለይክመ ፣ ወዘሰአልክ  
 መ ፣ እንዘ ፣ ትትአመኑ ፣ ከመ ፣ ትረክቡ ፣ ወይ  
 ከውነክመ ፣ ወሶበሂ ፣ ትጼልዩ ፣ ኅድጉ ፣ ለቢ  
 ጽክመ ፣ ዘተሓየስክም ፣ ከመ ፣ ይኅደግ ፣ ለ  
 ክመ ፣ አቡክመ ፣ ዘበሰማያት ፣ አበሳክመ ፣ ወ  
 እመስ ፣ አንትሙ ፣ ኢኅደግመ ፣ አቡክመኒ ፣  
 ሰማያዊ ፣ ኢዮኅደግ ፣ ለክመ ፣ አበሳክመ ፣  
 ዘቦ ፣ እዝን ፣ ሰሚዐ ፣ ለይስማዕ ፣

ምኅብብ ፣ ደኅረ ፣ ወንጌል ፣ ንገሀ ፣ በዐለተ ፣ ሰንይ ፣ እምገብረ ፣  
 ሕማማት ፣ ቅድስት ።

ስብሐት ፣ ዘይደሉ ፣ በቀዳሚ ፣ ገብረ ፣ እግዚአ  
 ብሔር ፣ ሰማየ ፣ ወምድረ ፣ ወአሰርገዎም ፣ ከ  
 መ ፣ ዝ ፣ በመንፈስ ፣ አፋሁ ፣ ወከደነ ፣ ጽልመ  
 ተ ፣ ወአምጽአ ፣ ብርሃነ ፣ ወፈለጠመ ፣ በአስማ  
 ት ፣ ሐዲሳን ፣ ወሰመዮ ፣ ለብርሃን ፣ ከመ ፣ ው  
 እቱ ፣ መዓልት ፣ ወሰመዮ ፣ ለጽልመት ፣ ከመ ፣  
 ውእቱ ፣ ሌሊት ፣ በውእቱ ፣ ዕለት ፣ ፈጠረ ፣ እ  
 ልክተ ፣ በከመ ፣ ጥበቡ ፣ ወዕመቀ ፣ አእምሮቱ ፣  
 ወበዳግምኒ ፣ ፈጠረ ፣ እግዚአብሔር ፣ ምድረ ፣  
 ወአጽንዓ ፣ መልዕልተ ፣ ማይ ፣ ወበሣልስት ፣ አ  
 ጽንዐ ፣ እግዚአብሔር ፣ ማየ ፣ ላዕላዊተ ፣ ወሰመ  
 ያ ፣ ሰማየ ፣ ፀሓየ ፣ ወወርኅ ፣ ወከዋክብተ ፣ ፈጠ

ረ ፣ እግዚአብሔር ፣ በዕለት ፣ ራብዕት ፣ ተሐዋ  
 ስያን ፣ ወኢራዊተ ፣ ወአዕዋፈ ፣ ወዓሣተ ፣ ዐበይ  
 ተ ፣ ወእንስሳ ፣ ሐቅል ፣ በዕለተ ፣ ኅሙስ ፣ ትዝ  
 ምድ ፣ ዕፀው ፣ ወአዝርዕተ ፣ ሐቅል ፣ ወሐመል  
 ማለ ፣ ዘርዕ ፣ ዘይፈሪ ፣ ፍሬ ፣ በዕለተ ፣ ሠሉስ ፣  
 ፈጠረ ፣ በዕለተ ፣ ሰዓስ ፣ ፈጠረ ፣ እግዚአብሔ  
 ር ፣ እንስሳ ፣ ዐባየ ፣ አዳምሀ ፣ ቀዳማየ ፣ ብእሴ  
 ወረዳኢቶ ፣ እንተ ፣ ተንሥአት ፣ እምሥጋሁ ፣  
 ተብዕተ ፣ ወአንስተ ፣ ገብሮም ፣ በከመ ፣ ሥርዐ  
 ተ ፣ እልክቱ ፣ ኅደጎመ ፣ ይኩኑ ፣ መኳንንተ ፣  
 ላዕለ ፣ ምግባራቲሁ ፣ ዘፈጠሮም ፣ ወኢዕረፈ ፣ በ  
 ዕለት ፣ ሳብዕት ፣ ወባቲ ፣ ፈጸመ ፣ ኩሎ ፣ ግብሮ  
 ወባረክ ፣ እግዚአብሔር ፣ አምላክ ፣ ዘቲ ፣ ሥር  
 ዐት ፣ መሠረት ፣ ይአቲ ፣ ለኩሎም ፣ እለ ፣ ዮኅ  
 ድሩ ፣ ውስተ ፣ ዮብስ ፣ ንሰብሐ ፣ ወናልዕል ፣ ስ  
 ሞ ፣ እስመ ፣ ውእቱ ፣ ገብረ ፣ ለነ ፣ ምሕረተ ፣  
 ክርስቶስ ፣ መድኅኒነ ፣ መጽአ ፣ ወሐመ ፣ ወበሕ  
 ማማቲሁ ፣ አድኅነ ።

በስመ ፣ አብ ፣ ወወልድ ፣ ወመንፈስ ፣ ቅዱስ ፣  
 አሐዱ ፣ አምላክ ፣ ድርሳን ፣ ዘቅዱስ ፣ ወብፁዕ ፣  
 ዮሐንስ ፣ አፈ ፣ ወርቅ ፣ ዘይትንብብ ፣ በዕለተ ፣ ሰ  
 ኑይ ፣ ነግሀ ፣ በረከተ ፣ አምላኩ ፣ ትኩን ፣ ምስ  
 ሌን ፣ ለዓለመ ፣ ዓለም ፣ አሜን ።

ነዋ ፣ ሰማዕነ ፣ ይእዜኒ ፣ ከመ ፣ እለ ፣ ይትሚሰሉ ፣  
 በዎም ፣ ዘዕሩቅ ፣ እምጸዊረ ፣ ፍሬያት ፣ ይወርድ ፣  
 ላዕሌሆመ ፣ መቅሠፍት ፣ ዐበይ ፣ እምእግዚአብ  
 ሔር ፣ ወመድምም ፣ እምእለ ፣ ይኔጽሩ ፣ እፎኬ ፣  
 ንሕነ ፣ አ ፣ አኅው ፣ ኢንጠናቀቅ ፣ ለዐቂብ ፣ ነገ  
 ራተ ፣ ሥርዐትነ ፣ ወኢንሴቡ ፣ በተዐቅቦ ፣ ጽኑ  
 ዕ ፣ ፍካሬ ፣ ቃላት ፣ ዘተነበ ፣ ላዕሌነ ፣ ወንትጋደ  
 ል ፣ በአስተናጽሐ ፣ ምድረ ፣ አልባቢነ ፣ እምነ ፣  
 ሦክ ፣ ዘዮሐንቅ ፣ ወመሥገርት ፣ ዘያማሰን ፣ ወ  
 ንዕቀባ ፣ በልቡና ፣ እምነ ፣ አራዊት ፣ ወአዕዋፍ ፣  
 ወኅለፍተ ፣ ፍኖት ፣ ከመ ፣ ንፍረይ ፣ ፍሬ ፣ ን  
 ጹሐ ፣ ወንደሎ ፣ ለፍግዓ ፣ ዘውስተ ፣ ገነት ፣ እ  
 ስመ ፣ እለ ፣ ሰምዕም ፣ እምቅድሜነ ፣ ሶበ ፣ ኢተ  
 ወክናዎ ፣ በጥብዕት ፣ ወድቁ ፣ እምርስቶመ ፣ ወ  
 ተዐቅፋ ፣ በጽልመተ ፣ ኅሊናሆመ ፣ ወስሕቱ ፣  
 እምፍኖተ ፣ ርትዕ ፣ ወተሐንቁ ፣ በፍቅረ ፣ ፍት

ወት፣ ወትፍግዕት ። ወአዖሮሙ፣ ቅንክት፣ ወተ  
 እኅዙ፣ በኅሢሠ፣ ሢሚታት፣ ወወድቁ፣ ወሰ  
 ተ፣ ማዕምቅት፣ እኪት ። ንስማዕኬ፣ ይእዜኒ፣  
 በከመ፣ ይነግር፣ መጽሐፍ፣ አምላካዊ፣ አስተ  
 ንቲፍ፣ ፈጣሬ፣ ኩሉ፣ ለዘመደ፣ ዕጓለ፣ እመ  
 ሕያው፣ ከመ፣ ዘያስተነትን፣ ለንጉሥ፣ ጊዜ፣  
 ምጽአቱ፣ ውስተ፣ ሀገር፣ እስመ፣ እለ፣ ይኔል  
 ዩ፣ በአምኃ፣ ወያስተዳል። በምጽንሐት፣ ክ  
 ቡራት፣ ያቀድሙ፣ እምቅድመ፣ ምጽአቱ፣ ኅ  
 ቤሃ፣ በአንጽፎ፣ ምንባራት፣ ወጥብሐተ፣ እን  
 ስሳ፣ ወአስተዳልዎ፣ መባልዕት፣ ወቅድሐተ፣  
 መስቲ፣ ወኩሎ፣ ጽጌያተ፣ ወፍሬያተ፣ ከመ፣  
 ሶበ፣ ቦአ፣ ንጉሥ፣ ውስተ፣ ሀገሮሙ፣ ይረክ  
 ብ፣ ኩሎ፣ ድልወ፣ ዘከመ፣ ይፈቅድ፣ በቅሩብ፣  
 ወይትፈጋዕ፣ በፍሥሐ፣ ወበሐሣት፣ ለኩላ፣ ዩ  
 እቲ፣ ሥርዐት፣ ሠናይት ። ወከማሁኬ፣ ገብረ፣  
 እግዚአ፣ ኩሎ፣ ጽድቅ፣ ሶበ፣ ኅለዩ፣ ዩፍጥ  
 ሮ፣ ለአዳም፣ ቀዳማዊ፣ አዘዘ፣ ቅድመ፣ ወአር  
 አዩ፣ ዘሀሎ፣ እምኅበ፣ ኢሀሎ፣ በኒሩት፣ ዘኢ  
 ይትከሀል፣ ልዕልና፣ ረኪቦቱ፣ ወለፍጻሜ፣ ፍ  
 ድፍድፍሁ፣ ወብዝኅ፣ ሣህሎ፣ ወጽንዐ፣ ሠና  
 ይቱ፣ ወዕዘዘ፣ ሀብቱ፣ ወዕበዩ፣ ፍቅሩ፣ ለዕጓለ፣  
 እመሕያው ። ወበእንተ፣ ዝ፣ ሐነጸ፣ ቤተ፣ ስ  
 ርግወ፣ በዘዘ፣ ዚአሁ፣ ሠናያት፣ ወርሱይ፣ በዘ  
 ዘ፣ ዚአሁ፣ ክብራት ። ወፈጠረ፣ ሎቱ፣ ለዩብስ፣  
 ምድረ፣ ወለማይ፣ ጠፈረ ። ወአሰርገዎ፣ ለው  
 እቱ፣ ቤት፣ በብርሃናት፣ ዘያጸድሉ፣ ወላሕይ፣  
 ዘያንጸበርቅ፣ በከመ፣ ፀሓይ፣ ወወርኅ፣ ወከዋ  
 ክብት፣ በውላጤ፣ ራእያት፣ ወአሠንዮ፣ ላሕያ  
 ት፣ ወአውፅአ፣ እምድር፣ ሠርጸተ፣ ወጽጌያተ፣  
 ወመብቅላተ፣ ወእንስሳ፣ ወሰራሪተ፣ ወዘይድ  
 ሕክ፣ ወዘእንበለ፣ ዝ፣ እምኩሎ፣ ዘይትፈቶ፣ ለ  
 ዕጓለ፣ እመሕያው ። ወሶበ፣ አሠነዩ፣ አስተናብ  
 ሮ፣ ማኅደር፣ ሠናይ፣ ወአስተጣእጥአ፣ ወፈጸ  
 መ፣ እምኩሎ፣ ተድላ፣ ውእተ፣ ጊዜ፣ ይቤ፣ ን  
 ግበር፣ ሰብአ፣ በአርአያነ፣ ወበአምሳሊነ፣ ከመ፣  
 ይሥልጥ፣ ወከመ፣ ይኩን፣ ሥልጣኑ፣ ላዕለ፣  
 ኩሎ፣ ዘግበርነ፣ ትሬእዩኑ፣ እፎ፣ ነበረ፣ እግዚ  
 አ፣ ኩሎ፣ ፍጥረት፣ ለሰዐ፣ መዋዕለ፣ እንዘ፣

ያስተደሉ፣ አምኃ፣ ለገብሩ ። ርአክሙኑ፣ አ፣  
 አኅውዩ፣ ዕበዩ፣ ዝንቱ፣ አስተንትኖ፣ ነጸርክሙ  
 ኑ፣ ካዕበ፣ ዕበዩ፣ ዝንቱ፣ ምሳሕ፣ ሰማዕክሙኑ፣  
 እፎ፣ ኅለዩ፣ በበ፣ አሐዱ፣ አሐዱ፣ እምኩሎ፣  
 ዘዘ፣ ዚአሁ፣ መባልዕተ፣ ወዘዘ፣ ዚአሁ፣ መስቲ፣  
 «ውኑልቁ፣ አግብርት፣ ወአእማት»፣ ወፍግዓ፣ ወ  
 ተድላ ። ወፈክራ፣ ለሊሁ፣ በአስተአድጥ፣ በብ  
 ሂሎቱ፣ ወርእዩ፣ እግዚአብሔር፣ ከመ፣ ሠናዩ፣  
 ውእቱ፣ ለበውክሙኑ፣ ዘይቤ፣ ንግበር፣ ሰብአ፣  
 በአርአያነ፣ ወበአምሳሊነ፣ ከመ፣ ይሥልጥ፣ ላ  
 ዕለ፣ ዓሣተ፣ ባሕር፣ ወአዕዋፈ፣ ሰማይ፣ ወአሬ  
 ዊተ፣ ገዳም ። ርአክሙኑ፣ ከመ፣ እግዚእ፣ በ  
 አርአያሁ፣ ዘይሥዕል፣ ገብሮ፣ ወይገብር፣ ከ  
 መ፣ ዝ፣ ለገብሩ ። ወእፎኑ፣ ይደሉ፣ ለነ፣ ከመ፣  
 ንኩን፣ ዘልፈ፣ ንነጽር፣ ኅበ፣ እሉ፣ ሠናያት፣  
 በዐይነ፣ ልብነ፣ እንዘ፣ ነአኩት፣ እማዕምቀ፣ ኅ  
 ሊናነ፣ ወንሴብሕ፣ ለዘአሠነዩ፣ ለዘመድነ፣ ወን  
 ትቀነይ፣ ለዘጸገወነ፣ ዘመጠነ፣ ዝ፣ ክብረ፣ ከ  
 መ፣ ኢንኩን፣ ከመ፣ እሉ፣ ዐላውያን፣ እለ፣  
 ጸንሖሙ፣ ከመ፣ ያውፅእ፣ ሥርዎሙ፣ ወይነ፣ ወ  
 አውፅአ፣ ሦከ ። ስማዕኬ፣ ዘይብል፣ ልዑል፣ እ  
 ንዘ፣ ይወቅሦሙ፣ ወይዜከር፣ ዕልወቶሙ፣ ወይ  
 ፊክር፣ እከዩ፣ ምግባርሙ፣ ሶበ፣ ይቤ፣ ተከለ፣  
 ሎሙ፣ ጸቄነ፣ ወሐነጸ፣ ውስቲቲ፣ ጥቅመ፣ ወ  
 ምክያደ ። ወመጠዎሙ፣ ለእለ፣ ይትጊበሩ፣ ዘው  
 እቶሙ፣ አይሁድ፣ ወተሰፈወ፣ ይፍረይ፣ ወይ  
 ነ፣ ወፈረዩ፣ አሥዋከ ። ወይቤ፣ እስመ፣ አውፅ  
 አ፣ ፍሬ፣ እኩዩ፣ እነሥት፣ ጸቄኖ፣ ወአኣትት፣  
 ጥቅሞ፣ ወእሬስዮ፣ ሕብልያ፣ ወኢይተርፍ፣ ለወ  
 ይንዩ፣ ዘይጌምዶ ። ወአበቀላ፣ ውስቲቲ፣ ሦከ፣  
 ፀበርት፣ ወእኤዝዝ፣ ደመኅ፣ ከመ፣ ኢያውር  
 ድ፣ ላዕሌሁ፣ ዝናመ ። ይደልወነኬ፣ ይእዜ  
 ኒ፣ ንትግበር፣ ዐጸደ፣ ወይነ፣ ዘተውህበ፣ ለነ፣  
 ሠናዩ፣ ወንርሐቅ፣ እምትካዝ፣ ዘዩኅልፍ ። ወ  
 ኢንትአኅዝ፣ በአፍቅሮ፣ ሢሚታት፣ በከመ፣  
 ተእኅዙ፣ እሉ፣ ሕሡማን፣ ወዶራ፣ አዕይንተ፣ ኅ  
 ሊናሆሙ፣ ወጸልመ፣ ብርሃነ፣ አልባቢሆሙ፣  
 ወወድቁ፣ እምጸታ፣ ኅሩያን፣ አላ፣ ንትጋደልኬ፣  
 ወትረ፣ ከመ፣ ንቅረብ፣ ኅበ፣ እግዚእነ፣ በም